




# WANTOK

## Great Quality

## Affordable Price



### Niuspepa bilong yumi ol PNG stret!

Wan Wik,

Disemba 23 - 29, 2004

NAMBA 1588

K1 tasol



**P-3 Sas long Kundu Saver**  
**P-5 Marasin bilong klinim wara**

# 2005 Projek yia

**Neville Choi i raitim**

YIA 2005 bai yia bilong Papua Niugini long karimaut ol bikpela projek bilong kantri.

Praim Minista Sir Michael Somare i tokaut olsem long Krismas toktok bilong em i go long kantri long dispela wik.

Em i tok long dispela yia, gavman i go pas long sanapim na strongim planti nupela projek na neks yia olgeta wanwan provins i mas wok strong long winim moa bikpela projek long go insait long ol distrik bilong ol.

Long 2004 yet, gavman i bin go pas long statim South Seas Tuna Loining fektori long Wewak; InterOil rifainari i bin stat wok i go long ful prodaksen na New Britain Palm Oil i bin apim mak bilong mani ol i putim insait long kantri. Dispela nau bai kirapim moa wok bilong ol manmeri long Is na Wes Nu Briten.

Long sait bilong ol liklik wok bisnis, gavman i makim mani bilong stretim trenspot infra-straksa bai em i ken wok

strong i go daun long olgeta wanwan distrik.

Dispela nau i opim rot bilong mani long go stret long lokal level gavman.

"Mi bilip olsem 2005 bai yia bilong karimaut ol projek. Ol provins i mas wok strong moa long pulim bisnis i kam.

"Ol provinsel gavman lida na pablik seven i mas senisim pasin bilong ol na lukluk long mekim moa mani bilong sapotim ol provinsel baset bilong ol," Sir Michael i tok.

Em i tok sindaun bilong kantri i bin klostu bagarap taim planti toktok i kamap long senisim gavman.

"Maski i bin i gat pret olsem gavman bai senis long dispela yia, gavman yet i strongim politiks na mi bilip olsem mipela bai holim opis inap 2007."

Long sait bilong lo na oda insait long kantri, Em i tok gavman i kamapim sampela nupela program bilong strongim wok sekyuriti, lo na oda insait long kantri.

"Mipela i lukluk long stretim

sindaun bilong ol polismanmeri na mipela i stat wantaim apim pei bilong ol inap long 10 pesen. Mipela i lukluk long mekim moa gutpela senis long neks yia bihainim Polis Fos Riviu we i pinis na redi stap," Sir Michael i tok.

Long ol arapela bikpela samting we bai i kamap neks yia, Sir Michael i singaut long olgeta manmeri bilong kantri long redi long tupela bikpela Pasifik bung bai i kamap hia insait long kantri. Dispela tupela bung em Pasifik Ailan Forum na Melanesian Spearhead Grup.

Long wankain taim, Gavana Jenerel Sir Paulias Matane i givim toktok bilong em tu long makim Krismas.

Sir Paulias i givim wanpela salens long olgeta lida insait long kantri long lukluk bek long wok ol i mekim na sekim sapos ol i bin strongim kantri long dispela yia.

Em i singaut tu long wanwan manmeri insait long PNG long tingting long wanem samting ol i ken mekim neks yia long strongim komyuniti bilong ol.



**Amamas...Boio Theresa Morea (namel) wantaim tupela brata bilong em Melona Mula na Morkie Morea bilong Elevala ples insait long Hanuabada i raun painim ol Krismas presen long Brian Bell stoa long Boroko. Foto: JOE IVAHARIA**

## WIDE VARIETY OF HYBRID VEGETABLE SEEDS



**Brian Bell**  
Shop with a friend



**IDEAL TIME FOR PLANTING YOUR FAVOURITE VEGETABLE SEEDS**

PLAZA LAE HOME CENTRE CITY GORDONS LAE HOME CENTRE CITY  
DISCOUNT HAUS GOROKA KOKOPG MT HAGEN MADANG

Polis Ripot

Nesenel Kapitel/Sentral:

GUTPELA sindaun i stap nau long 9 Mail komyuniti bihain long ol lain bilong Kerema na hailans i bin biruaim wanpela arapela las wik. Dispela i bin kamap bihai long dai bilong wanpela man Goroka klostu long NPF Estet long Nain Mail.

Ol polis i bin go pas long wok bilong kamapim bel kol, sekan na gutpela sindaun.

Polis ripot i tok ol bin sutim wanpela man Goroka taim sampela man Kerema i bin laik stilim ka long NPF Estet. Tu, wanpela meri Simbu husat i bin kisim bagarap i wok long kamap orait long Pot Mosbi Jenerel Haus sik.

Long peim bek, ol Simbu na lsten Hailans tain i bin kamapim bagarap long sampela Kerema lain na kukim 9-pela haus bilong ol.

Morobe:

POLIS Komisina Sam Inguba i tok lo bai givim bikpela mekimsave i go long ol lain i laik bagarapim ol bikpela sevis gavman i laik givim long ol pipel.

Mista Inguba i bin wokim dispela toktok long taim ol i opim distrik Treseri opis long Finsafen insait long Morobe provins long dispela wik.

Sauten:

5-PELA polisman bilong Sauten Mobail polis bai kisim sas long wokim asua na i no karimaut gut wok bilong ol, polis ripot i tok.

Ripot i tok dispela i bihainim pasin we ol bin paitim papa bilong Nambawan Trophy Haus stoa long Boroko na sut long gan long wanpela wokman na pikinini man.

Ol ripot i tok papa bilong Nambawan Trophy Haus Frankie Gui i bin go long Lahara Kwik Kai sevis stesen we ol bin singautim em long go bikos wanpela wokman bilong em polis i wok long kwestem em.

Ripot i tok taim Mista Gui i go long hap, ol polis man i bin paitim em na bihainim, polis i bin paiarim gan long lek bilong wokman na pikinini bilong em.

TRAIN FOR SUCCESS!

Gain professional skills and accredited qualifications with expert British Training, for a great career. Fees include all you need to succeed!

Your own CIC Diploma - your path to success!

Accredited British Training approved by the Papua New Guinea Ministry of Labour & Employment

Certificates & Diplomas (£130 or US\$260)

\* Accounts, Hotels, Tourism, Computers

\* Administration, Office, Insurance, Marketing

\* English, Secretarial, Purchasing, Stores

\* Business, Management, Personnel, Trade

Advanced, Honours and MBA Diplomas

\* Business, Finance, Marketing, Personnel

For a FREE Information Book contact:

CAMBRIDGE INTERNATIONAL

Box 53, Southampton, SO14 0JY, Britain

Email: info@cambridgetraining.com

Web: www.cambridgecollege.co.uk

Fax: + 44 2380337200



Name: \_\_\_\_\_

Address: \_\_\_\_\_

Age: \_\_\_\_\_

Cambridge - your KEY to success!

Kopi prais go antap long Krismas taim

James Kila i raitim

OL MANMERI bilong Hailans i ken amamas long lukim prais bilong kopi i go antap nau long dispela Krismas.

Dispela em olsem gutpela Krismas nius i go long ol pipel bilong hailans.

Taim prais i bin go abrusim K2.70 na i go antap long K3 long las wik, Goroka taun i pulap kapsait stret long dispela taim. Ol stua i wok long pulap tru long ol manmeri husat i raun long baim ol samting bilong ol pikinini na famili long krismas.

Wankain stori tu i kamap long ol taun olsem Kundiawa na Hagen Siti. Ol fama i

karim ol kopi beg bilong ol na raun sekim ol prais long salim kopi bilong ol.

Dispela nius i kamap stret long taim we kopi sisen i pinis na ol manmeri i wok long painim mani long amamas wantaim famili long Krismas na gutpela tru prais i sut i go antap.

Long taim bilong kopi sisen stret long mun Mei inap Septemba prais i no bin gutpela tumas. Prais long rot i bin K2.10 na K2.20 long wanpela kilo. Tasol nau prais i go antap long K3. wanpela kilo.

Dispela gutpela prais i kamap long dispela bikpela de bilong Krismas na bai sapatim planti famili long redim mani bilong Krismas pati, Krismas amamas

wantaim famili, skul fi bilong neks yia na arapela samting ol i laik baim long dispela taim.

Sief Eksekutiv Opisa bilong Coffee Industry Corporation (CIC), Ricky Mitio, i singaut i go long ol pipel long yusim gut mani bilong ol long gutpela samting na long gutpela rot.

Em i askim ol long sevim mani bilong ol gut na noken westim nabaut long dring bia na mekim pati nabaut.

Mista Mitio i askim ol pipel long yusim gut mani bilong ol long baim skul fi bilong ol pikinini na tu kamapim gutpela wok developmen long ples bilong ol long kamapim gutpela sindaun.

Ol pablik sevan kros long takis bilong Krismas bones

Steven Dama i raitim

SAMPELA wik i go pinis Gavman tokim ol pablik sevan bilong kantri olsem bai i gat K650 krismas bones antap long pe bilong ol tasol sampela wokmanmeri i tok dispela i no karim kaikai.

Planti wokman na meri long wanpela bikpela bung long Gordons long Disemba 17 i tok sapos dispela mani i pri takis pe, olsem wanem na Gavman i rausim 35% long dispela mani na ol pablik sevan i kisim K422.50.

Ol i tok em i namba wan taim we Gavman i laik givim dispela kain bones long ol wokmanmeri bilong en.

Sampela i kisim tasol i no wankain promis mani. Na planti wok manmeri i no kisim yet dispela mani. Wanpela polisman i komplem olsem sampela lain bilong em long fos i no kisim bones bilong ol na ol i tok ol i no save

as tru bilong dispela kain pasin.

Ol pablik sevan i tok, tok i mas go wantaim eksen sapos Gavman i laik amamasim ol wokmanmeri orait wok bilong em ol i mas mekim stret bai ol wokmanmeri na famili i ken amamasim, wanpela polisman i tok.

Ol i ting dispela kain giaman tok i no stret. Krismas De i kam klostu na mipela ol pablik sevan i laik amamasim gut dispela amamas pe wantaim ol famili bilong mipela, ol i tok.

Tasol K650 pri takis bones i kamap wantaim takis na dispela i bringim bel hevi long mipela ol gavman wokmanmeri.

Ol pablik sevans i tok Gavman i bin kisim takis long pe bilong ol tasol dispela bones i mas nogat takis long en. Ol i laik bai dispela 35 pesen (%) i mas go bek long ol na ol i mas kisim stret K650 amamas pe bilong ol pastaim long Krismas.

AGWU sapatim ol Telikom woklain

Yakam Kelo i raitim

ALAMGAMATED General Workers Union (AGWU) i tokaut long bikpela sapat bilong ol tu long belhevi ol yunion memba bilong Communication Workers Union (CWU) i wok long mekim pasin Gavman i laik mekim long salim Telikom PNG Limited.

Jenerel Seketeri bilong AGWU Andrew Kandakasi i tokaut olsem ol i amamas tru long strongpela sanap memba bilong Angoram Arthur Somare i mekim long Palamen we em i kamapim wanpela mosen we olgeta memba i bin sapatim long stopim gavman long noken salim Telikom PNG.

Mista Kandakasi i tok ol lida bilong yumi long palamen i no opim ai bilong ol tru long lukim hevi bai i kamap long dispela eksen bilong ol. Pastaim yumi lukim ol wokman bilong Papua Niugini Benking Kopresen (PNGBC) i nogat wok na raun raun long rot i stap tude. Dispela i no nupela pasin bikos i gat piksa i stap pinis tasol ol lida i no opim ai na lukim. I nogat wanpela rot i stap long stretim gut sindaun bilong ol wokmanmeri bihain long gavman i salim Telikom pinis, Mista Kandakasi i tok.

Wankain taim tu yunion i givim toksave long menesmen bilong Pot Mosbi Jenerel Haus Sik long i no luksave long askim na wari bilong ol memba bilong ol. Dispela wari bilong ol yunion memba husat i woklain bilong haus sik i singaut long haus sik i peim dispela K650 krismas bones gavman i bin peim olgeta pablik sevans insait long kantri long Disemba 10. Wantaim tu arapela singaut bilong ol memba long 4 pesen (%) pei bilong ol long i go antap stat long mun Jenuari i kam long pinis bilong dispela yia.

Mista Kandakasi i tok yunion i givim 48 aua long haus sik long bekim tasol i nogat bekim i kam bek.

Em i tok yunion i traim long bihainim gutpela rot long toktok gut na kamap wantaim gutpela rot bilong stretim dispela hevi tasol menesmen bilong haus sik i no mekim wanpela bekim olsem na dispela hevi i hangamap i stap yet.

Nogat moa kot long Gavana Jenerel

Neville Choi i raitim

GAVANA Jenerel Sir Paulias Matane i tok em i amamas olsem Sir Pato Kakaraya, wanpela kendidet long resis bilong Gavana Jenerel opis i bin yusim rait bilong em long kisim tingting bilong kot long ileksen bilong em i go long dispela opis.

Las wik Fraide, Suprim Kot i bin rausim wanpela kot petisen we Sir Pato i bin putim long salensim ileksen bilong Sir Paulias olsem Gavana Jenerel.

Sief Jastis Sir Mari Kapi i givim ruling bilong kot long Fraide na em i tok olsem ileksen bilong Sir Paulias i stret long ai bilong kot.

Praiwet Seketeri bilong Sir Paulias, Hosea John i bin makim maus bilong Gavana Jenerel long Mande long dispela wik long givim bekim long luksave bilong Kot na i tok Sir Paulias i luksave long strong bilong Sir Pato long kisim tok klia bilong kot na em i tok em i amamas olsem Sir Pato i go long kot bilong wanem nau em i soim klia long lukluk bilong ol.



# Nupela sas bilong Kundu Saver akaun

BANK South Pacific (BSP) bai kamapim sas long Kundu Saver akaun bilong wanwan manmeri long neks yia.

Long olgeta mun bai benk i rausim K3.00 long Kundu kat bilong kastoma sapos ol i rausim mani bilong ol aninit long K1,000. sapos kastoma i rausim mani aninit long K1,999 bai benk i rausim K2.00. sapos ol i rausim mani aninit long K2,999 bai benk i rausim K1.00. Sapos kastoma i rausim mani moa long K3,000 bai i nogat dispela sas. Dispela em long wanpela mun.

Siaman bilong BSP Noreo Beangke i mekim toksave long dispela senis long dispela wik olsem as bilong dispela senis em long strongim ol manmeri long traim sevim mani long pasbuk.

Long nau yet BSP benk i gat ol dispela servis olsem EFTPOS we ol manmeri i save yusim long stua, ATM masin bilong givim mani, phone banking, billpay na arapela moa.

Mista Beangke i tokaut olsem long neks yia 2005 bai benk i kamapim nupela sistem ol i kolim internet benking.

## ASPI ripot long PNG i no tru - Sir Rabbie

### Maisan Pahun i raitim

OLPELA Praim Minista na nau Minista bilong Foren Afeas Sir Rabbie Namaliu i tok olsem wanpela ripot bilong 'Australia Strategic Policy Institute' (ASPI) i tok olsem Papua Niugini bai bruk i go kainkain liklik stet na kamap ples bilong planti lo na oda hevi i no tru bikos i tok nogat wanpela evidens o histori i sapotim toktok bilong ol.

Sir Rabbie i tok dispela ripot bilong ASPI i tokaut olsem PNG bai i bagarap i no tru, "Nogat wanpela histori o evidens bilong nau i sapotim ripot bilong ol.

"Mi wari olsem kain grup o opis we i save

laik sapotim gutpela wok bilong PNG na Australia i mekim kain ripot long kisim het lain long ol niuspepa," Sir Rabbie i tok.

Planti salens na hevi bilong yumi PNG em yumi save pinis. Tasol long dispela ripot we i tok olsem PNG bai buruk i go long planti hap na ikonomi wantaim politiks bilong kantri bai i go long han bilong ol raskol i no stret, em i tok.

Nau yet aninit long Enhanced Cooperation Program (ECP) gavman bilong PNG i lukim olsem ol i ken stretim problem blong ol yet. ECP em i bilong wok tasol long adresim Lo na Oda problem, em i tok.

Sir Rabbie i salensim ASPI ripot na i tok, "IMF, Wol Benk wantaim ol narapela kantri i

save helpim PNG i tokaut olsem long las tupela yiasnau ikonomi bilong kantri i tanim na wok long ron gut."

Sir Rabbie i ting dispela kain toktok long ripot i trep bilong ol saveman long putim PNG i go bek long taim bipo.

Dispela em i no tingting bilong Gavman bilong Australia na Gavman bilong Papua Niugini i no inap amamasim kain toktok, em i tok.

"Ol Gavman bilong Australia na Papua Niugini i gat gutpela wok bung wantaim na kain ripot bilong ASPI i no strongim kain pasin o wok bung wantaim bilong tupela kantri," Sir Rabbie i tok.



**Taim bilong amamas... Brian Bell kampani i salim Papa Krismas raun long Kilakila hos kem long dispela wik na givim presen long ol pikinini. YWCA i save bungim ol pikinini husat papamama i dai long sik HIV AIDS o ol i nogat papamama.**

## Madang polis bai go het yet

POLIS bai go het yet long karimaut wok painimaut long dispela asua we Gavana bilong Madang James Yali i bin mekim long wanpela yangpela skul meri long Madang long Oktoba 13 long dispela yia.

Polis bai i go het yet long karim wok painimaut bilong em maski dispela yangpela meri i mekim ol toktok olsem em i wanbel na givim em yet long Mista Yali we tupela i mekim pasin slip wantaim insait long ka bilong Mista Yali long Oktoba 13.

Provinsel Polis Komanda bilong Madang i no stap long toktok wantaim *Wantok Niuspepa* tasol wanpela Sinia opisa husat i no laik tokaut long nem bilong em i tok olsem polis i bin holim na sasim tu mama bilong dispela meri bikos em i bin i go long Redio Madang na mekim toktok we polis i skelim kain pasin

mama i mekim em long traim daunim wok bilong polis.

Dispela opisa i tok dispela samting i go pinis long kot na polis bai go het long sekim ol evidens na ol ripot na arapela husat i save long dispela samting. Polis tu i gat stori bilong em na bai go het long kamapim long kot taim mejistret i opim dispela kot long neks yia.

Wanpela samting polis i no amamas long dispela meri i kisim tok stia bilong husat tru na putim aut toktok bilong em long nius taim dispela samting i stap pinis long han bilong kot. Dispela samting i no bilong polis long harim bikos em samting bilong kot long harim olsem na wet inap kot i kamap, dispela polis opisa i tok.

Dispela kot bai kamap long Januari 10, 2005 long Madang.

Em i tok meri dispela i mekim toktok pinis long publik olsem i nogat samting i rong tasol dispela i no inap stopim polis long sait bilong ol long sekim arapela samting olsem evidens bilong dokta sapos em i tru dispela meri i bin slip wantaim Mista Yali na tu sapos sampela lain i bin lukim em taim Mista Yali i lusim em long ka i kam ausait.

Wanpela bikpela samting em sapos witnes o wanpela i lukim dispela meri i amamas o wari na kros long dispela taim ol i lukim em i kam aut long ka, em i tok.

Polis i sasim Mista Yali long 4-pela asua bilong mekim pasin nogut wantaim yangpela meri krismas bilong em 17. Dispela meri em liklik susa bilong meri bilong Mista Yali.

**Lukim moa stori long pes 13.**



Namba wan samting em, bikpela Hepi Krismas na Hepi Niu Yia i go long yupela olgeta sapota bilong *Wantok Niuspepa*. Bikpela amamas i pundaun antap long yupela olgeta long dispela krismas wantaim famili bilong yupela.

Ol PMV bas namba 9 i save tanim tasol long Gerehu maket na go bek long Boroko. Wanpela bas i amamas tru na pulapim ol pasindia long Gerehu na i laik tanim bek taim ol Trensport Opisa i sanap long rot na tokim em long go olgeta na tanim long Waikela. Draiva i nogat moa na givim siksti i go long Gerehu stets 3 na tanim kam bek. Trensport opisa i tokim em, ron stret long mak bas i mas go long en na noken tanim long hap rot. Sapos yu laikim 80 toea orait ron stret.

Planti lain i paol sapos Mande em bai publik holid. Sampela lain i ringim *Wantok Niuspepa* na askim sapos em i tru Mande em publik holid. Soritumas traim gen. Boksing De em long Sande na Mande em taim bilong wok. Noken harim tokwin nabaut long rot.

Em i isi long dinau mani tasol sampela taim i save hat long bekim bek. Wanpela wantok i askim narapela wantok long yusim nem bilong em na dinau bikos em bai bekim bek taim em i kisim Krismas bones bilong gavman. Tasol Krismas bones i no kamap na wantok bilong em hatwok long bekim dispela dinau na em yet i drai long wan wik i stap.

Klostu bai meri bilong wanpela wokman bilong *Wantok Niuspepa* i kam bek gen long Pot Mosbi, na dispela man, husat i no save wari long klinim haus bilong en, nau i mekimsave long wokim hap bilong em i luk nais liklik. Man, das na pipia i no isi, tasol i luk olsem insait long wanpela de tasol, dispela hap bai luk olsem olgeta de em i save klinim. Kain pasin bilong las m in it lusim.

## Taim em i bikpela samting - GG

### Joe Ivaharia i raitim

TAIM bilong mekim wok em i bikpela samting long helpim developmen i kamap insait long kantri, Gavana Jenerel Sir Paulias Matane i tok.

Sapos yu abrusim taim bilong mekim wok bilong yu bai wok i no inap long karim kaikai em i tok.

Sir Paulias i bin mekim dispela toktok las wik long taim bilong sainim wanpela agrimen bilong Wewak Tuna projek namel long Is Sepik Provinsel Gavman, Nesenel Gavman na Offshore Master kampani bilong kantri Thailand.

Dispela Wewak tuna projek we mani mak bilong em i olsem US\$30 milien bai i stat long mun Februari neks yia 2005.

Long makim maus bilong Nesenel Gavman ekting Menesing Dairekta bilong Nesenel Fiseris Atoriti (NFA), Sylvesta Pokajam, i tok dispela projek bai bikpela tru na bai i kamapim planti moa wok long 2000 pipel long hap.

Dispela projek bai i wok bung wantaim na helpim ol tokel pipel long

kamapim liklik bisnis bilong ol.

Bipo long stat bilong dispela saining seremoni Sir Paulias na ol gavman opisel wantaim Minista bilong Fiseris Ben Semri, memba bilong Angoram, Arthur Somare na ol niusman i bin wet moa long 30 minit long ol Is Sepik Provinsel Gavman deligesen long kamap.

Bihain long olgeta opisel seremoni bilong sainim dispela agrimen i bin pinis ol Is Sepik deligesen i bin kamap we Ekting Gavana Henry Airo i bin go pas long en wantaim Deputi Gavana na tu Provinsel Minista bilong Fiseris we ol yet i sainim ol pepa bihain long olgeta opisel i lusim Gavman Haus.

Dispela kain pasin klostu i mekim Sir Paulias i stopim dispela saining seremoni we maus man bilong em Hosea John i tokaut olsem dispela i no gutpela long ai bilong ol pipel bilong Is Sepik.

Dispela em i wanpela bikpela projek bilong ol Is Sepik pipel we ol i salim ol lida bilong provins i go long Mosbi, Mista John i tok.



Hap Hap Nius

Ol pipel amamas long nupela balus

Nupela Fokker 100 balus bilong Air Niugini i pundaun long Rabaul ples balus las wik we planti manmeri i amamas long lukim. Moa long 500 manmeri long Kokopo i kamapim long Tokua Ples Balus long lukim dispela nupela balus. Dispela balus i pundaun long Rabaul inap long kisim planti turis na ol manmeri long ausait i kam insait long provins. Dispela balus i spit moa na i save karim moa pasindia long olpela F28 na em i save mekim ol ron bilong em long Pot Mosbi, Mt Hagen, Lae, Rabaul na Hoskins.

Kimbe taun i mas klin long 2005

KIMBE taun i mas stap klin long 2005 na ol yia i kam. Taun Menesa bilong Kimbe, Steven Mesa, i mekim dispela singaut i go long ol manmeri bilong Kimbe taun long ol i mas klinim taun bilong ol gut na em i mas stap klin olsem long 2005 i go. Toktok bilong em i sut i go long ol lain husat i save salim ol kaikai bilong stua na ol samting long rot long ol i mas lusim dispela kain pasin bilong wanem ol i save mekim planti pipia long taun. "Long dispela rot tasol yumi mekim na taun i bagarap na nogat planti turis i save kam insait olsem na long dispela as mipela i laik klinim taun long 2005."

Ol pipel long No Go Jon laikim sevis

Veronica Hatutasi i raitim

OL PIPEL long No Go Jon eria long Sentral Bogenvil i laikim sevis na developmen long eria bilong ol. Ol i laik stap insait tu long wok bilong kamapim gutpela sindaun.

Ripot i tok Bogenvil Edministresen i wokim plen long kisim ol sevis i go long eria tu bihainim laik na askim bilong pipel yet.

Long dispela taim, Bogenvil Pis Minista James Tanis na Bogenvil Pipels Kongres lida Joseph Kabui i wok long i go na i kam long No Go Jon eria long toktok na karim aweanes long ol pipel long ol samting i kamapim long stretim Bogenvil, ol wok developmen na kirapim tu nupela otonomi gavman.

"Mista Tanis na Kabui i wok long kisim ol Mekamui lain insait long ol wok aweanes na ol arapela wok bilong stretim ples na kamapim gut-

pela sindaun long Bogenvil. Ol i wok long toktok wantaim ol komynuti long tambu eria.

"Na planti i laik kam insait long wok bilong painim gutpela sindaun. Planti gutpela wok i kam insait long komynuti. Ol i laik tu ol sevis i mas go long eria bilong ol. Sevis olsem Edukesen na Helt," ripot i kam long Bogenvil i tok.

Ripot i tok bikos No-Go Jon eria i stap long tambu, planti pipel i no kisim ol toktok long wanem samting ol arapela wantok bilong ol i mekim long kamapim gutpela sindaun long ailan, helpim we Nesenel Gavman na ol arapela ausait dona ejensi o ol ausait helpim i mekim long kirapim gut gen Bogenvil.

Em i tok tu olsem bikos long wok bilong tupela bikman ya, i gat nau join Bogenvil polis Volunteri Sevis long Arawa we Yuropien Yunien i fandim.



Gutbai...Ol woklain bilong Nesenel Brotkasting Komisn long Buka i prisenim olpela bos bilong ol em Aloysius Rumina (Iephan) wantaim dispela kres ol i wokim long kopa. Mista Rumina i bin wok long NBC long 33 krismas.

Foto: ALOYSIUS LAUKAI

Hariapim wok

Veronica Hatutasi i raitim

OL OLPELA paitman i kisim askim long hariapim wok bilong rausim na bagarapim ol sotgan long Bogenvil na wok bilong kirapim nupela otonomi gavman i ken go het.

Long wankain taim tu, Bogenvil bai sanapim dispela nupela gavman namel long mun Epril na Mei neks yia.

Ol ripot Wantok Niuspepa i kisim long Bogenvil long dispela wik i tok Gavana John Momis i askim ol olpela paitman long hariap na pinisim wok bilong lusim ol gan na inapim ol agrimen o tok wanbel ol bin wokim na i stap long Bogenvil Pis Agrimen.

Em i tok Nesenel Gavman em inapim ol samting long sait bilong em taim em i tok orait long Bogenvil long ol samting em i wokim.

Wanpela em dispela tok orait we Nesenel Eksekutiv Kaunsel (NEC) i bin wokim long tok oraitim Mama Lo bilong nupela

...Ol olpela paitman kisim strongpela askim.

Bogenvil Gavman long las wik.

Taim ol pipel bilong Bogenvil i amamas long Nesenel Gavman i tok oraitim Bogenvil Mama Lo, ol i wetim tasol Gavana Jenerel Sir Paulias Matane long lukim na sainim ol pepa na bihain long dispela, ol bai putim tok orait long dispela samting long Nesenel Geset.

Praim Minista Sir Michael Somare taim em i tokaut long NEC disisen i bin tok bihain long planti yia bilong wok long kamapim gutpela sindaun, dispela em i bikpela na gutpela nius na Krismas presen long ol pipel bilong Bogenvil.

Em i tok Gavman i klaim rot bilong nupela gavman bilong Bogenvil na dispela em inapim olgeta toktok ol bin pasim long Bogenvil Pis Agrimen. Tasol em i taim nau long Bogenvil em inapim sait bilong em.

Sir Michael i tromoim strongpela toktok long Francis Ona na

ol lain bilong em long kam insait long wok bilong kamapim gut bek Bogenvil.

Orait, liklik lain tasol long saut Bogenvil na long No Go Jon eria i holim gan i stap.

Na long dispela, singaut na toktok bilong Mista Momis, Sir Michael, Inta Gavman Rilesens na Bogenvil Afeas Minista, Sir Peter Barter, i go long ol long hariapim ol samting na wok bilong rausim na bagarapim ol gan i ken pinis hariap.

Long wankain taim tu, toktok i stap olsem sapos olgeta wok long lusim na bagarapim ol gan i pinis na Yunaitet Nesens Obseva Misin i glasim, skelim na sekim olgeta samting na lukim olsem em inapim skel mak bilong ol, Bogenvil bai sanapim nupela gavman bilong em namel long mun Epril na Mei neks yia.

Ripot i tok long sait bilong politiks, Bogenvil i redi long kirapim nupela gavman tasol wok i mas pinis long rausim na bagarapim ol gan na helpim dispela long kamap.

Bogenvil i gat masin nau bilong sekim maunten paia

Veronica Hatutasi i raitim

BOGENVIL i gat masin nau long skelim na sekim maunten paia long ailan.

Wanpela bikman bilong Rabaul Volkenolojikel Obsevetori (RVO), Ima Itikarai, i tok long stat bilong dispela mun, ol teknisen bilong RVOi bin go long ailan na putim seismograf o masin bilong lukluk insait long maunten paia. Ol i putim tu redio bilong ol lain long RVO i salim toktok na kisim ripot i go na i kam na sekim stap bilong maunten paia.

Mista Itikarai i tok ol i putim masin long ples Tsito long Torokina insait long wes kos Bogenvil long sekim ol wok bilong Maunten paia Bagana.

Em i tok bipo long

Bogenvil hevi, ol bin gat masin long sekim wok bilong maunten paia long ailan na bihain taim hevi i kamap, em nogat nau. Tasol nau, wari i kamap long wanem paia, das na pipia bilong Maunten paia Bagana i wok long kamap strong liklik na RVO lain i go na putim ol masin long sekim wok bilong maunten paia bihainim dispela wari na askim bilong Bogenvil edministresen.

Em i tok Maunten paia Bagana i save pairap olgeta de tasol bikos em i wokim dispela wok isi na nogat bagarap i kamap, nogat meknais i save kamap long en tasol bihain long ol i putim ol masin long ol Torokina, ol i no kisim yet wanpela ripot i kam long tokaut long stap bilong Maunten paia.



Ol kakau fama kisim helpim

OL KAKAU fama insait long Nu Ailan provins i amamas tru long dispela Krismas bikos ol i kisim gutpela Krismas presen wantaim moa long K115,000 i kam long Nu Ailan Provinsel Gavman.

Long dispela wik, Provinsel Gavman i givim K115,549.00 i go long han bilong Daslogo Kula husat i Provinsel Progrem Menesa bilong PNG Kokonas na Kakau Institut (PNGCCI).

Opis bilong Nu Ailan Gavana lan Ling-Stuckey i tok long dispela mani, PNGCCI bai yusim K65,000 long baim ol kakau sit na tilim i go long ol fama insait long provins. Na ol bai yusim mak bilong K50,549.00 long wokim 8-pela kakau fementri Wes kos Nu Allan Lokol Level Gavman Kaunsel Wod 15 inap long 22 eria. Dispela eria i save kamapim planti kakau long provins.

Opis i tok mani i kam aninit long Provinsel Smolholda Kakau sapot na Smolholda Fementri Sapot Gren skim.

Agrikalsa sekta em wanpela eria

we gavman bilong Mista Ling-Stuckey i strongim na givim bikpela lukluk long en. Gavana i lukim mani plen bilong dispela yia olsem "agrikalsa basel" na dispela bai i wankain long neks yia tu.

Mista Ling-Stuckey i tok salens bilong dispela yia na ol arapela yia i kam em long putim mani i go long ol program we bai helpim pipel long ol projek ol i ken kisim mani long en na ol i noken askim tumas long gavman i helpim ol.

Dispela rot tu i ken helpim ol i kisim moa sans long kisim gutpela sindaun bilong ol na ol famili bilong ol, em i tok.

Mista Ling-Stuckey i tok long neks yia, agrikalsa sekta bai kisim klostu K3 milien long Gavman bilong em na gavman bilong em, Nu Ailan Edministresen (Praimeri Industri Divisen) na PNCCI na ol Wod Developmen Komiti bai kamapim gutpela wok pren na wok bung wantaim namel long ol yet long karimaut ol wok projek long neks yia na ol yia i kam.

# Ol pipel bilong Manam kisim marasin bilong klinim wara

UNITED Nations Childrens Fund (UNICEF) i givim 24,000 tablet bilong klinim wara i go long ol pipel bilong Manam husat i kisim taim long volkeno o mauntain paia na i stap tude long Bogia.

PNG Red Cross Society i tok UNICEF i harim ripot bilong ol manmeri i bin lusim ailan na i kam stap long bikples Bogia na i gat hevi long toilet na tu nogat gupela klin wara bilong dring.

Ripot i tok maski ol i saplaim ol wara teng tasol dispela i no inap long olgeta 6,000 manmeri long

kea senta.

Red Cross opisa Jeffery Philip i tok ol manmeri long dispela kea senta inap kisim ol sik long doti wara ol i wok long dring bikos long hevi bilong toilet.

Ol i wokim ol toilet na i gat ol graun wara tu long ol dispela kemp. Tasol nau yet nogat man i kliia yet sapos ol dispela graun wara i klin o nogat, em i tok.

Olsem na Red Cross i traim long banisim gut ol hap wara i stap long en bai ol wara i ken i stap gut

na klin long ol manmeri i yusim, Mista Phillip i tok.

Mauntain i bin pairap sampela wik i go pinis na ol pipel bilong Manam i bin lusim ailan na i kam sindaun long Bogia.

Tasol sindaun bilong ol long hap i no gupela tumas. Planti samting ol i mas gat long kuk, kaikai na waswas i no stap.

Narapela bikpela hevi tu em sampela ol papa-graun long Bogia i kros long ol Manam i kam sindaun long graun bilong ol.

## Hap Hap Nius

### Inguba givim tok lukaut

Polis Komisina Sam Inguba i tokim ol manmeri long Morobe long noken larim korapsen i kamap na stap insait long ol gavman sevis. Em i tok ol i mas sanap wantaim na wok long rausim dispela kain pasin.

## Nupela kain tuna projek bilong Is Sepik

Christina Tony i raitim

IS Sepik provins long namba wan taim bai i gat wanpela tuna projek we bai ol i putim stret long tin na ol dispela pis em ol pipel yet bai kisim long solwara.

Dispela nupela tuna fektori bai kamapim moa long 4,500 nupela wok bilong ol manmeri bilong Is Sepik na tu sapotim bisnis na ekonomi bilong provins na Papua Niugini wantaim.

Dispela ol toktok i bin kam long Eking Menesing Dairekta bilong Nesenel Fiseris Atoriti (NFA), Sylvester Pokajam, long Trinde, Disemba 16, long taim bilong saining bilong dispela projek namel long Gavman bilong Papua Niugini na Offshore Master Co Ltd

bilong kantri Thailand.

Kos bilong kamapim dispela tuna projek we wok long em bai stat long Februari neks yia, i stap long mak bilong US\$30 milien o K94 milien.

Mista Pokajam i tok olsem 30 pesen (%) bilong dispela tuna projek bai stap aninit long Is Sepik provins.

Tasol bihain long 15 krismas bai 100% onasip (kamap papa long projek) bai i go long Is Sepik provins.

Minista bilong Fiseris, Ben Semri, husat i bin stap tu long dispela saining, i tok olsem dipatmen bilong em wantaim helpim bilong Nesenel Fiseris Atoriti i lukluk long kamapim mak olsem 5-pela o 7-pela moa fektori bilong pis long nau i go inap long yia 2007.

## Yusim gut taim

...Singaut i go long ol wokmanmeri long ol distrik

Christina Tony i raitim

OL DISTRIK edministrata i mas lukluk gut long wei ol distrik wokmanmeri bilong ol i yusim taim bilong ol long wok.

Dispela bai mekim na ol lo na we bilong gavman bai karim kaikai long distrik level.

Ol dispela toktok i bin kam long Gavana bilong Morobe Provins, Luther Wenge, long taim em i bin opim ol distrik treseri opis bilong provins long las wik.

Mista Wenge i tok olsem ol pipel i mas yusim na lukautim gut ol dispela nupela samting bilong wanem ol yet bai kisim ol gupela kaikai we bai kam long dispela opis.

Em i tok moa olsem ol pablik seven i mas tingting moa long wok bilong ol na noken go tumas long taun.

"Ol pablik seven i mas stopim dispela pasin bilong ol long go raun tumas long taun na tingting moa long mekim wok bilong ol," Mista Wenge i tok.

Long las wik na dispela wik Morobe provins i wok long go het long opim ol nupela treseri opis bilong ol insait long wanwan distrik i go.

Ol i opim ol distrik treseri opis pinis long Tewae Siassi, Bulolo, Makam na Kabwum long dispela wik.

I gat tok kliia tu olsem ol dispela treseri opis bai wok klostu wantaim Benk Saut Pasifik (BSP) long lukim tu olsem sevis bilong benk i ken op insait long ol dispela treseri opis tu.

Ol manmeri i ken putim mani na kisim mani na noken go long benk long taun.

**TV, DVD, HI-FI SISTEM O TIPIKAL HEAD**

**Em insait long Courts Krismas**

**FREE GIFTS**

**SEWIM K400**

**TRENT #LA0025**  
2+1+1 Launs Suit  
Stronpela diwai sia wantaim nais kusen na stronpela kava.  
Bipo Kes Prais K1,199

**FREE GIFT**

**SEWIM K260**

**JOSUA #BE3002**  
Metol bank bed freim  
2 pela mattress ino kam wantaim bed.  
Bipo Kes K759

**FREE GIFT**

**SEWIM K23**

**JOSHUA #BA002**  
Dabol Bed Metol Freim  
\*mattes na blanket en sepret kast.

**FREE GIFT**

**SEWIM K70**

**SAINIS #FA0037**  
Airalik 105x155 Rak  
Bipo Prais K195

**FREE GIFT**

**SEWIM K23**

**FREE GIFT**

**SEWIM K7**

**K600,000.00**  
**INAPIM KES MONI NA PRAIS!**  
Baim wantaim K50 long ol Courts Supastoa klostu yu, long "kamapim driman bilong yu" long ol Bikpela droi

**FEIVARET FENISA NA ELEKTRIKOL SUPASTOA BILONG PAPUA NIUGINI**

**Diposit K1.00 tasol long kisim ol samting**

**COURTS NIUGINI**

**Em Liklik Prais Stret long olgeta hap!**

**COURTS**

**Em Liklik Prais Stret long olgeta hap!**



**Hap Hap Nius**

**Papagraun abrusim**

**royolti peimen**

Dipatmen bilong Fainens i bin peim aut K2.05 milien mani bilong ol papagraun bilong Gobe long Sauten Hailans provins i go long ausait lain. Dispela mani em bilong royolti peimen bilong ol papagraun taim Dipatmen i redim bilong peim ol papagraun. Seketeri bilong Petroleum na Enesi, Joseph Gabut, i tokaut olsem em i no bin oraitim dispela peimen long go aut long han bilong husat lain yet na em i bin sekim long painimaut taim siaman bilong Gobe papagraun i bin singaut long sekim dispela peimen bilong K2.05 milien we i no go yet long han bilong ol papagraun. Dispela peimen i go aut pinis tasol Fainens na Petroleum na Enesi opis i save long husat i lain i kisim dispela peimen.

# Ialibu Pangia bai kisim Rot na bris - O'Neill

**Steven Dama i raitim**

ROT na bris i bikpela samting long lalibu Pangia ilektoret long 2005.

Memba bilong lalibu-Pangia open ilektoret na Lida bilong Oposisen,

Peter O'Neill, i mekim dispela tok las Trinde long Pot Mosbi taim em redi long go long ilektoret bilong em long Krismas na Niu Yia.

Mista O'Neill i tok olsem namba



• Mista O'Neill (lephan) wantaim Gavana bilong Sentral provins Alphonse Moroi (rait) taim ol opim wanpela narapela rot projek.

wan samting em bai mekim long 2005 em rot na bris. Na tu bai em mas luksave long wankain samting i mas kamap long pawa saplai, eduke-sen, helt na lo na oda.

Em i tok tupela rot bilong Wiru Loop na Mele Molo bai i kisim wankain luksave olsem rot bilong lalibu na Pangia.

Mista O'Neill i gat strongpela tingting olsem ol ka bai i go kam isi, nogat hevi na wari long rot olsem bipo.

Em i tok long ol bisnis haus bai amamas long givim sevis long ol wanwan ples ol stap long en.

Em i tok rot em i wanpela trupela laik bilong ol pipel na i mekim isi ol sevis i go long ples tru.

Tasol long kisim dispela sevis i go long pipel em mas mekim save olsem lo na oda i wok gut long ilektoret Mista O'Neill i tok.

I no longpela taim i go pinis rot bilong lalibu Pangia i kamap gut gen bikos ren i no stopim dispela rot kamap. Rot nau i karim bikpela kago ka na ol masin na ol arapela samting tu.

Aninit long 2005 Distrik Developmen Progrem Fand na long Distrik Sapot Gren bai mi bung wantaim wanwan edministreta na ol kaunsel presiden aninit long Join

Distrik Baset Praioriti na Ptening Komiti long kamapim namba wan wok kamap bilong lalibu Pangia ilektoret, Mista O'Neill i tok.

Em i tokaut long 2005 baset olsem wanpela gutpela baset plen we em putim i go pas long Palamen.

Em i tok tu olsem pawa saplai bilong lalibu Pangia stesen bai i kamap long namba wan mun bilong yia i kam.

Plantu samting mi tok bai i no inap kamap long nait na tumoro tasol mi laik tok em bai i kamap, Mista O'Neill i tok.

Long ol dispela samting bai i kamap i mas gat taim na ol gutpela, stretpela na strongpela tingting wokmanmeri long wok bung wantaim long karim dispela wok, em tok aut.

Mista O'Neill i laikim gutpela pasin mas i stap yet long ilektoret bilong em.

Em i tok olsem tru em i wok long stap mekim bikpela wok long nesanel politiks, tasol opis bilong em i luksave long hevi na wari bilong ol pipel. Na mi olitaim i save kisim ripot long wanem kain samting, gutpela o nogut i kamap long ples.

Sampela taim yumi i mas lainim samting na bihain painim bekim, em i tok.



## NOMINATION FOR QUEEN'S BIRTHDAY 2005 HONOURS LIST

The National Government is calling for nominations of men and women who are considered worthy of recognition for their contributions to National Development through services to the Community, Charity and Sporting, Organisations, Churches, Business and the Public Service.

All nominees selected for consideration by the National Honours and Awards Committee must have their curriculum vitae detailing personal particulars and achievements. Names of persons submitted to the National Honours and Awards Committee without the endorsement of their respective organizations or Provincial Honours and Awards Committee will not be considered.

All nominations for 2005 Queen's Birthday Honours and Awards should reach the National Honours and Awards Committee, Department of Prime Minister and NEC by close of business (4:06 pm) on Friday, 31st December 2004.

Below is the Nomination Form which should be filled out in detail. You may add further details as separate typed sheet.

Send nomination to:

The Chairman  
National Honours and Awards Committee  
Department of Prime Minister & NEC  
P O Box 639  
WAIGANI  
National Capital District  
Papua New Guinea

Telephone: 327 6631/6789  
Facsimile: 325 2648

Authorised by:

Joshua Kalinoe, CBE  
Chief Secretary to Government

### 2005 Queen's Birthday Honours Nomination Form

1. Full Name and Title or Service Rank, if any, Surname only in capitals: \_\_\_\_\_
2. Date of Birth: \_\_\_\_\_
3. Current Address: \_\_\_\_\_
4. Nationality: \_\_\_\_\_
5. Present Appointment or Position: \_\_\_\_\_
6. Year Service Commenced: \_\_\_\_\_
7. Length of Service (years): \_\_\_\_\_
8. Type of Service Provided: \_\_\_\_\_
9. Brief History of Service (further details typed on separate sheet):  
\_\_\_\_\_  
\_\_\_\_\_
10. Type of Award Requested: \_\_\_\_\_
11. Previous Award (if any) and Date: \_\_\_\_\_
12. Recommended by: \_\_\_\_\_
13. Date of Recommendation: \_\_\_\_\_

# Ol papa bilong PMV mas kamapim asosiesen

Veronica Hatutasi i raitim

OL PAPA bilong ol PMV (Pablik Moto Vihikel) i kisim strongpela singaut long kamapim wanpela asosiesen tasol we bai Dipatmen bilong Trensport na Independen Konsuma na Kompetisen Komisnin (ICCC) i toktok long en long menesmen o bosim na operesen o wok bilong ol PMV.

Long wankain taim tu, Dipatmen bai givim K300,000 long karimaut stadi long glasim operesen bilong pablik trenspot sistem na ol arapela ka insait long Pot Mosbi Siti na tu, long mekim ples i luk nais.

Singaut i kam long Seketeri bilong Dipatmen, Henry Parakei.

Mi strongim ol papa bilong ol PMV long kamapim wanpela asosiesen na i ken kisim ol wari na hevi bilong ol kam long ICCC na Trensport Dipatmen, Mista Parakei i tok.

Dispela asosiesen bai makim maus bilong samting olsem 400 papa bilong ol PMV bas insait long siti long autim wari long pe bilong bas, bihainim na pinisim ron bilong bas ol i makim, tambuim smok na kaikai buai long bas, sefti na sekyuriti long bas na pasin bilong sampela pasindia i save bagarapim o katim ol sia bilong



• Ol PMV wet long kisim ol pasindia. Foto: JOE IVAHARIA

bas na raitim ol kainkain samting long sia, em i tok.

Em i tok long neks yia tu, PNG bai amamasim namba 30 krismas bilong kisim independens, na long wankain taim tu, ol lida bilong ol Pasifik kantri bai sindaun long wanpela kibung long Pot Mosbi na i gutpela long ples i luknais na ol ros ka i klia long rot.

Em i tok Motor Vehicle Insurance Limited, Rot Sefti Kaunsel, Polis, Nesenei Kapitel Distrik Komisnin, ICCC na Len Trensport Bod bai bung na toktok long dispela samting.

Mista Parakei i tok aninit long rivyu o glasim gen, ol bai rausim ol PMV na ol arapela ka we i gat bagarap long ol, ol i lapun na i no gutpela long ron

long rot long traim mekim ples i luknais.

Em i tok tu olsem rivyu bai karamapim tu long ol moto ka dila husat i save salim ol ka na spea pat, stretim ol ka taim ol i bagarap na putim ol pat long ol.

Mista Parakei i tok trenspot rivyu bai kamap olsem pailot projek long Nesenei Kapitel Distrik (NCD) na bihain ol bai skruim i go long Lae, Rabaul na ol arapela senta.

Mel Konsalten grup bai karimaut dispela rivyu.

Long wankain taim tu, Mista Parakei i tok i gat namel long 300 na 400 PMV insait long NCD tasol dispela mak em i go daun long ol yia bipo we i bin gat 1,000 na moa PMV bas na trak i ron long siti.

Em i tok dispela i kamap bikos pe bilong wanpela PMV i go antap tru long mak bilong K200,000 we bipo em bin stap long K58,000 mak.

Em i tok prais bilong PMV, ol spea pat na bensin i bin go antap, na singaut bilong apim pe bilong bas em i orait.

Tasol olgeta grup i mas toktok gut na stretim ol samting long mekim PMV sevis i ron gut na mekim amamas ol papa bilong PMV na ol pasindia, em i tok.

## Yusim han long mekim rot

...Ol pipel bilong Kaintiba helpim ol yet

OL PIPEL bilong Kaintiba long Galp provins i wok long mekim wanpela rot wantaim han bilong ol na ol stik bilong digim graun o diging stik bihain long ol i wet 30 yia na nogat helpim i kam long ol memba bilong Palamen bilong ol.

Ol i wok long kamapim gut moa wanpela rot, longpela bilong en 19 kilomita, we i ron long Kapa Ples i go long Butea Katolik Misin Stesen, klostu long Wara Tauri long Malalaua Distrik.

Ol bai stretim tu wanpela rot, longpela bilong en 37 kilomita, long M'bauya Ples i go long Tawa Ples long Aseki Distrik, long Morobe provins, long wankain we.

Dispela rot i go long Butea bai helpim ol long kisim ol guds na sevis long wanpela hap we ol bot i save sua long misin stesen, na rot i go long Tawa i bai go bung wantaim rot we i save ron i go long Lae.

Wanpela Katolik misinari long Kaintiba, Pater Phillip Oaveu, i tok olsem ol pipel i les pinis long ol giman tok promis olsem wok long ol rot bai kamap.

"Olsem na mipela i wok bung wantaim wantaim wanem ol samting bilong wok mipela i gat long stretim ol dispela rot. Mipela i laik gat we long kisim ol helt na edukesen sevis, na ol narapela sevis tu long sindaun gut long dispela kain laip olgeta pipel i sindaun long en nau. Ol lida i lus tingting long mipela," em i tok.

## Wollom i no wanbel

Maisan Pahun i raitim

NUPELA memba bilong Mosbi Not-Is, Casper Wollom, i no wanbel long ol politisen na ol man i bin resis long Mosbi Not-Is bai-ileksen husat nau i laik kisim em i go long kot.

Em i tok sapos ol i tingting long helpim ol pipel ol i no ken pulim taim long go long kot we bai lukim ol pipel i nogat memba long longpela taim.

Mista Wollom i bin winim Not Is sia long 2002 Nesenei Ileksen, tasol bihain kot i bin rausim em bikos long sampela paol pasin we i bin kamap long dispela resis. Tasol bihain long bai-ileksen long dispela yia em bin i win gen.

Long dispela ileksen pastaim David Unagi, wanpela man husat i bin resis tu, i bin kisim Mista Wollom i go long

kot bihain long em i tok Mista Wollom i bin mekim sampela paol pasin long win long 2002 Nesenei Ileksen.

Nau yet narapela man husat i bin resis long bai-ileksen i kamap i no longtaim i go pinis, Wari Velle, i putim pinis wanpela kot salens long haus kot long Waigani.

Mobi Not Is i no kisim gut gavman sevis long longpela taim nau na dispela em i kam long hevi bilong husat tru i gat rait long holim dispela Mosbi Not-Is sia.

Mista Wollom i tok em klia long tingting bilong ol man husat i lus long resis long go long kot tasol em i askim ol long iusim em wok long Not-Is ilektoret long dispela las tupela yia pastaim long helpim karim ol sevis i go long ol pipel husat i no wok long sindaun gut long dispela taim.

### Hap Hap Nius

NGO

#### ripot i giaman

Ol papagraun long Misima Ailan long Milen Be provins, i tok olsem wanpela ripot we i kamap long wanpela websait (toksave we i save kamap long kompyuta) bilong wanpela intanesenel non gavman ogenaisesen (NGO) olsem ol wara na gaden long ailan i bagarap bikos long ol wok bilong Misima Main i giaman. Ol papagraun i tok olsem dispela ogenaisesen i bin salim wanpela ripota husat i no bin toksave na i raun long graun bilong ol, na i kisim tingting na harim toktok bilong wanpela liklik grup bilong ol pipel husat i no bin wanbel long ol papagraun tru, olsem na ol i mekim ol dispela giaman toktok.

#### Ianu Hai Skul kisim nupela trak

Memba bilong Abau, Dokta Puka Temu, i bin givim wanpela nupela trak, mani mak bilong en K80,000, i go long lanu Hai Skul long Cloudy Be Lokel Level Gavman (LLG) long Abau Distrik, Sentral provins. Dokta Temu i bin baim dispela trak wantaim mani we i kam long ol ilektoret Developmen Fands (EDF) bilong em. Em i bin tok promis long givim wanpela nupela trak long skul taim em i bin raun i go long lukim long stat bilong yia. Em i namba tu trak bilong skul insait long 7-pela yia, bihain long olpela trak i bin bagarap.

# CHRISTMAS SPECIAL

**With any New & Used vehicle purchased during December, the customer will drive away with a...**

FREE HAMPER

**We wish you all a Very Merry Christmas & a Prosperous 2005... Please Take care & Drive Safely**

**Ela Motors**

TOYOTA TAUBHO (PNG) LTD

**For more information contact :**

PORT MORESBY PH 3229400 - LAE 4781800 - KOKOPO 8529100 - MADANG 8522188 - GOROKA 7321844  
 MT HAGEN 6421886 - WEWAK 8562285 - KAVIENG 9842789 - KIMBE 9835185 - TABUBIL 5489080  
 VANIMO 8571254 - PORGERA 5479387 - BUKA 9739915 - LIHIR 9864099 - ALOTAU 8410100

[www.ela-motors.com.pg](http://www.ela-motors.com.pg)

Quality Endorsement Company

# Planti pikinini dai

... **Sik HIV AIDS**  
kisim laip bilong ol

**Desney Koimo i raitim**

BIKPELA namba bilong ol pikinini i wok long dai long sik HIV AIDS long planti kantri insait long wol na Papua Niugini i wanpela bilong ol.

Dokta Isiye Ndombi husat i makim UNICEF i bin mekim dispela tok long wanem nau yet HIV AIDS i wok long kilim planti manmeri husat krismas bilong ol i

namel long 15 na 49 yia.

Long wanpela ripot bilong ol pikinini UNICEF i bin putim aut i soim olsem planti sik na dai we i save painim ol bikpela manmeri olsem papa na mama i save bagarapim laip bilong ol pikinini.

"Long 2003, moa long 3 milien pipel i dai long sik AIDS we hap bilong 1 milien o 500,000 em ol pikinini husat krismas bilong ol i aninit long 15 yia," Dokta Ndombi i tok.

Papua Niugini i pulap tru long ol liklik pikinini na dispela i lukim planti pikinini i no kism gutpela lukaut.

Minista bilong Komyuniti Developmen


na Welfea, Lady Carol Kidu, i tok namba bilong ol pikinini husat papamama bilong ol i dai na lusim ol, i wok long go bikpela insait long kantri.

"Long bipo taim dispela samting i save kamap, mipela i save lukim ol arapela famili bilong papa o mama olsem ol kandere o bubu i save kisim pikinini na lukautim", em i tok.

Lady Carol i tok olgeta pipel i mas luk-save olsem HIV AIDS i save rausim rait bilong pikinini long i gat papa na mama, husat i nambawan lain long banisim pikinini long birua na helpim ol sindaun gut.

## Nius Bilong HIV AIDS

**Tok Lukaut**



wantaim

**David Ephraim**

long daunim HIV/AIDS. Long pinis yu laik tok yumi no nidim mani na ol save manmeri tasol yumi nidim ol lain gat HIV/AIDS long go pas long daunim HIV/AIDS.

HIV/AIDS stap pinis kirap na luksave long pawa bilong laip.

**Long Tok Lukaut**

bai mi toktok long wanpela taim long Amerika wanpela (Journalism Professor) profesa bilong nius ripot i bin mekim em yet i kamap olsem wanpela man nogat haus na i go stap long strit long ripot long ol lain i nogat haus i save slip nabaut long strit.

Profesa i bin tok olsem taim em i stap wantaim ol strit manmeri ol i bin wokim gut long em tasol ol i no save olsem em wanpela profesa, ol i bin givim em senwits na sop dring wantaim liklik ples bilong ol long slip.

Insait long ripot bilong em, em i bin painimaut olsem nogat wanpela sios i save raun long lukim ol strit lain long givim gutpela spiritual toktok long ol manmeri long strit.

Dispela kain hevi i kisim kantri bilong yumi pinis. Moa long dispela nau HIV/AIDS i wok long bagarapim famili na planti i wok long slip nabaut bikos ol lain bilong ol i no laikim ol bikos long HIV/AIDS.

Mi tokim yu dispela stori bikos mi yet mi bilip strong olsem tok bilong God i save helpim ol manmeri i wokim gutpela pasin we i save bringim gutpela nem long komyuniti na givim biknem long God Bikpela.

Long daunim na rausim HIV/AIDS yumi nidim ol sios, gavaman na olgeta manmeri long wok bung wantaim. Lav i save gro bikpela taim yu givim moa long ol narapela wanaim gutpela bel.

Long pinis mi laik tok olsem long lidim ol manmeri kamaut long tudak bilong sin, yumi mas kamap olsem lait we ol bai lukim na kamaut long pasin sin. HIV/AIDS i no save kaunim yu husat, sapos yu painim hat long laip, traim go long haus lotu na lukim.

**Moa neks wik.**

LONG nius bilong HIV/AIDS tude bai mi toktok long pawa bilong laip.

Pawa bilong laip em i konfidens o strong long bilip olsem bai yu stap longpela taim long graun. Ol manmeri i gat HIV/AIDS i mas kisim gutpela stia toktok long helpim ol long wokim gutpela disisen long laip.

Long Kristen bilip ol i kolim long Faith o bilip. Faith em long bilip long samting yu no lukim wantaim ai bilong yu tasol yu bilip bikos yu harim, ritim long samting yu no lukim long ai bilong yu, Faith em i olsem ai tasol em i ritim aibol long lukluk.

Faith em yet bai i no inap wok em i mas gat tok bilong God em Jisas Kraus yet long wok.

Faith o bilip em long harim, ritim na bihainim dispela tok we yu harim na ritim long en.

Yumi olgeta i gat bilip sistem we ol save manmeri i kolim long pawa bilong Positiv bilip (Power of positive believing).

Dispela i save wok taim bodi bilong yu i salim toktok i go long tingting bilong yu, long wanem samting em i lukim, harim, smelim, teistim na pilim.

Wanpela rot we yu manmeri i gat HIV/AIDS i ken wokim long stap longpela taim em long luksave long hau bodi bilong yu i save wok na tu yu mas save olsem laip bilong em i stap long han bilong yu i no long ol narapela lain.

Nambawan samting yu nidim em kisim planti malolo, slip, waswas gut na eksais dispela em bai wokim blut bilong yu ron gut na bai yu stap strong longpela taim.

Ol samting we i ken bagarapim laip bilong yu em ol drags olsem bia na smok; bia na smok i save daunim strong bilong bodi long pait wantaim ol narapela sik.

Stap positive em wanpela we long tokaut long ol manmeri



**AMALGAMATED GENERAL WORKERS UNION OF PAPUA NEW GUINEA**

### AMALGAMATED GENERAL WORKERS UNION OF PAPUA NEW GUINEA BIENNIAL GENERAL ELECTION

Mipela amamas long toksave olsem ol Nesanel Eksekutiv Komiti bilong Amalgamated General Workers Union of Papua New Guinea tem bilong ol long opis em pinis nau na nupela ileksen bai kamap nau.

Ms Vagi Maraga bilong Electoral Commission of Papua New Guinea opis bai ranim dispela ileksen olsem Ritening Ofisa.

Ol Eksekutiv Posisen ol memba bai makim em:

1. Presiden - wanpela tasol na i stap long Mosbi
2. Namba tu Presiden - wanpela tasol na i stap long Mosbi
3. Vice Namba tu Presdien - wanpela tasol na i stap long Mosbi
4. Trustee - tripela (3) i stap long Mosbi
5. 8-pela komiti olsem
  - i. Management Employees Representative
  - ii. Professional Employees Representative
  - iii. Technical Employees Representative
  - iv. Clerical Employees representative
  - v. Semi-skilled Employees Representative
  - vi. General Labourers Employees Representative
  - vii. Women Employees Representative
  - viii. Youth Employees Representative

**Nominesen bilong ol eksekutiv bai olsem:**

|                     |                           |
|---------------------|---------------------------|
| Nominesen bai Op    | Mande, 29th Novemba 2004  |
| Nominesen bai Pas   | Mande 10th Januari 2005   |
| Postal Vot bai Stat | Mande 24th Januari, 2005  |
| Postal Vot bai Pas  | Fraide 25th Februari 2005 |
| Eleksen Risal       | Trinde 4th Mas 2005       |

Biainim lo Pat VII Eleksen, **Rule 14** sub-seksen wan (1), ol memba bilong Yunion husat i stap long Mosbi tasol bai holim ol sia bilong Komiti bilong Yunion olsem inap long liklik taim tasol na Nesanel Eksekutiv stretim. Em i gutpela long bihanim dispela lo bilong wanem Yunion bilong yumi em i nupela tasol.

Mipela salim nominesen fom i kam long makim husat man na meri yu save long en em i stap long Mosbi na memba bilong Yunion.

Ringim Ms Vagi Maraga long telepon namba 325 0675 o Mr Andrew Kanadakasi long telepon namba 325 3758 long kisim moa toktok o nominesen fom.

Mipela bilip olsem yu bai wanbel wantaim mipela long eleksen bilong Yunion bilong yumi.


**ANDREW KANDAKASI**  
National General Secretary

**VAGI MARAGA**  
Returning Officer



# HEPI KRISMAS na HEPI NIUYIA!

I go long yupela olgeta!



"Nupela pikinini em i king bilong ol Juda, em i stap we? Mipela i lukim sta bilong em long hap sankamap, na mipela i kam bilong lotu long em." (Matyu 2:2)

## Amamasim PNG Krismas wantaim Wantok

Neville Choi i raitim

**O**LGETA yia, mipela i save luksave long Krismas. Em i taim bilong tingim nait we Jisas i bin kam long graun.

Dispela de we mipela i save luksave long em i gat planti stori long en. Ol arapela kantri i gat stori bilong ol yet na we bilong luksave long Krismas.

Hia long PNG tu, wan wan manmeri i gat tingting bilong ol yet long amamas long Krismas taim.

Wantok Niuspepa i laik strongim gutpela sindaun bilong famili long dispela taim bilong Krismas.

Insait long dispela Wantok Krismas Spesol, ol wan wan lida bilong 4-pela bikpela sios insait long kantri i givim liklik toktok na tingting bilong ol long yia i go pinis na long dispela taim bilong Krismas.

Em i gutpela long dispela taim long harim tok-

tok bilong ol bikman bilong ol sios bilong yumi insait long kantri.

Yumi i save kisim toktok bilong planti ol lida bilong yumi long sait bilong gavman, bisnis na ol arapela ples, tasol ol toktok bilong ol lida bilong yumi long sait bilong Sios na lotu i save sut stret long as bilong gutpela sindaun - famili.

Famili em i wanpela samting we i wok long bruk long planti hap long wol.

Nau dispela hevi bilong famili i bruk i wok long kamap moa insait long kantri bilong yumi.

Krismas em i wanpela taim long wan wan yia we mipela i gat sans long lusim ol kros bilong bipo, lusim ol pasin nogut we i save bagarapim tingting, na em i taim bilong yumi long tokim papa, mama, brata, susa na olgeta arapela wan pisin olsem mipela i tingim ol, na luksave long ol i stap gut.



• Ol wokmanmeri na ol pikinini bilong Wantok niuspepa i amamasim krismas pati bilong ol long las wik Sarere. Foto: JOE IVAHARIA

Bikpela luksave long Krismas i save kam long ol yangpela.

Ol liklik manki na meri i save amamas tru long Krismas taim.

Long ai bilong ol yangpela, Krismas em i taim bilong malolo long skul,

kisim ol presen, na go bek long ples.

Wantok Niuspepa i bin askim sampela yangpela pikinini long tingting bilong ol long Krismas. Yu ken ritim ol kain kain bekim we ol pikinini tasol i

ken givim insait long dispela Wantok Krismas Spesol.

Krismas em i taim bilong sindaun isi wantaim famili na amamas. Sapos yu no inap stap wantaim famili bilong yu,

em i taim bilong salim tok o salim hap mani o kaikai long soim olsem yu tingim ol i stap, na wanbel tu i stap.

Lukautim yupela yet long dispela Krismas na amamas wantaim bef isi.

# Krismas taim Santa i no bin kam

**Veronica Hatutasi i raitim**

OL kain nupela senis i wok long kamap insait long PNG. Na we long amamasim Krismas em i wanpela long ol.

Tru, long PNG tumbuna pasin i nogat Fada Krismas, Santa Klaus, taim bilong givim presen na ol dispela, yumi stap pinis insait long wol komyuniti we i gat ol dispela samting long en. Na moa yet, ol pikinini na ol yangpela pipel i luksave na go insait gut tru long ol dispela senis.

Long ol pikinini, Krismas taim em i bikpela taim bilong ol. Em i taim bilong malolo long skul, amamas na wetim Fada Krismas, kisim ol presen na long ol dispela long taun, taim bilong go long ples long malolo wantaim ol famili, hauslain na wanpisin.

Long taim bilong Bogenvil hevi, ol famili i save stap long taun i bin go long ples. Ol pikinini i bikpela long taun i bin painim hat tru dispela kain laip ol i save stap long en long taun. Na Krismas taim we Fada Krismas o Santa Klaus i save givim presen, ol loli, soklet na ol arapela presen moa i go long ol pikinini.

Trevor Sihurei em i wanpela liklik manki i bin groap long liklik taun ol bin save kolim Toniva long Kieta insait long Sentrel Bogenvil.

Long olgeta krismas, em na susa bilong em na ol arapela liklik pikinini i save amamas long Fada Krismas i raun long liklik taun na amamasim ol pikinini na ol famili wantaim ol presen, troimoim ol loli, pikei, balun na soklet na sekan na kisim poto wantaim ol pikinini. Tu, long Krismas de, ol pikinini na famili long wan wan haus i save kisim ol presen. Taim ol i kirap long Krismas moning, ol pikinini na ol arapela lain insait long famili i save painim presen i lain aninit long Krismas diwai.

Tasol taim Bogenvil hevi i go nogut tru na olgeta wok manmeri na ol famili bilong ol i go bek long ol wan wan provins na ples, Trevor na famili bilong em tu i bin lusim Toniva na go bek long ples long Saut Bogenvil. Na liklik Trevor i lukim olsem laip i no wankain olsem laip long taun.

Stap long dispela taim i bin narakain bilong wanem pait i stap. Orait, namba wan taim bilong Krismas i kam taim liklik Trevor, susa na tupela liklik bebi brata i stap long ples.

Long nait samting olsem 6 kilok, olgeta i go long Krismas lotu. Nogat nois olsem bipo long ol gut taim.

I no planti pipel tumas tu long haus lotu olsem long ol narapela krismas. Bihain long Krismas vijil lotu, nogat pairap bilong ol paia krekka na paia-wok. Isi isi tu ol man i sekan na



• Em nau, amamas tru i kamap taim Trevor wantaim tupela liklik brata bilong em i kisim ol presen long Fada krismas taim ol i kam long Mosbi long 2003. Ol i no isi long traime ol nupela kep bilong ol tu ya!

wokabaut isi i go long ol wan wan ples bilong ol.

Mama i wokabaut wantaim Trevor na susa bilong em na narapela kasen susa i go long haus na long rot, Trevor i tok:

"Mama, yumi go hariap long haus bikos Fada Krismas bai i kam nau ya. Em bai karim ol loli, soklet i kam tu na mipela susa bilong mi Dindin, kasen Eileen, bebi Sebastian na Terence bai kisim ol wantaim ol balun? Mama plis tokim mi bai Fada Krismas i kam," Trevor i kam pas long han bilong mama na tok.

Mama i sori tru na painim hat long tokim liklik manki bikos em bai hat long pikinini i klia gut.

"Pikinini, yumi stap long taim nogut nau bikos long pait. Olgeta rot i pas. Na em bai hat moa bikos ol ples balun tu i pas. Na olsem Fada Krismas i no inap long kam long dispela taim," Mama i tok isi long em na ol narapela susa na kasen.

"Na bai yumi nogat krismas diwai we Fada Krismas i bai putim ol presen bilong bebi, liklik brata, susa, kasen na mi, ah? Bai mi no inap kirap tumora moning na lukim presen we fada Krismas i kam long biknait wantaim stoking bilong em taim haus i lok tasol em i kam antap long simni na lusim ol presen long tebol taim yumi olgeta i slip, laka mama?" Trevor i hap krau nau na i tok.

Mama i sori tru long liklik boi na i tok,

"Pikinini, taim pait i pinis klostu taim, rot bai op. Na long neks yia, Fada Krismas bai kam. Na yu na susa, tupela liklik bebi brata, kasen Eileen na ol arapela kasen olsem Gilbert, Jermaine, Ollie na ol pikinini long ples bilong yumi bai kisim presen, ol loli, soklet na balun samting long em. Bai neks yia, i gutpela moa na bai yu na ol kasen, susa na tupela liklik brata i ken amamas gen," mama i klostu gat aiwara na tokim pikinini.

"Oh mama, dispela taim neks yia, bai mi no inap slip. Bai mi hait na wetim Fada Krismas i kam long traipela nait na mi save olsem em bai dabolim ol presen we mipela i no kisim long dispela yia na kam," Trevor i tok na em i sam sam na kalap long mama i karim em.

Mama i holim em pas na tokim susa na kasen bilong Trevor long wokabaut bihainim ol long wanem ples i tudak na tos i laik dai bikos batri i laik pinis.

Taim ol i wokabaut i go bek long haus, gutpela win i kam, mun i kam antap na nait pisin i krau. Na Trevor i laikim stret laip bilong planti paia plai na em na susa na kasen i amamas tru gen. Na wantaim mama, ol i wokabaut i go bek long haus we narapela tupela liklik i slip i stap.

Mama i tingting planti na hop tasol olsem pait na hevi i pinis hariap na sindaun i ken gutpela. Na olgeta pikinini long Bogenvil i ken amamas gen taim Fada Krismas i mekim raun bilong em gen.

Tasol tru tru, Trevor i no bin lukim gen Fada Krismas inap tripela yia bihain taim famili bilong em i bin kam long Mosbi.

## Tingim ol turangu long Krismas

**Veronica Hatutasi i raitim**

TINGIM na helpim ol lain i sot long samting, ol siklain, ol lain i stap long hevi bitong HIV/AIDS em bikpela tingting we ol kongriksen bilong Ela Yunaitet Sios (EUC) bai mekim long dispela krismas.

Long Sarere Desemba 25 Krismas de, kongriksen bilong EUC bai wokim lotu long Kaugere Gentle Whisper Sios insait long Nesanel Kapitel Distrik. Na bihain long lotu, ol bai karim ol presen we ol i bungim na givim i go long ol sik pikinini i slip i stap long Wod 3 bilong Pot Mosbi Jenerel Haus sik, Reveren Willie Moses husat i Minista bilong EUC i tok.

Em i tok trupela mining bilong Krismas em long givim samting i go na mi strongim ol lida na sios bilong yumi long kirap na lukluk long samting we ol pikinini na yangpela pipel i laikim. Planti pipel i sot long samting i stap na sapos yumi tingting gut na gviim ol wanpela liklik presen, dispela bai kamapim amamas long laip bilong ol.



"Ol lida i mas kirap nau na lukluk long samting we ol pikinini na yangpela i laikim. I gat ol pikinini i raun nabaut long strit, slip i stap long haus sik na we moa. Mipela i mas go aut na helpim ol. Ol sios i mas kamaut na go helpim ol dispela lain. Sapos yumi givim wanpela presen i go long ol lain we i sot, em bai givim bikpela amamas tru long ol.

Reveren Moses i tok long Krismas De Sarere, EUC Kongriksen bai holim lotu sevis long Gentle Whisper Sios long Kaugere long 9 kilok i go inap long 12 kilok belo. Na long belotaim em taim bilong kaikai lans, ol bai kisim ol presen we kongriksen i bungim wantaim i go long ol pikinini i stap long Wod 3.

Reveren Moses i tok long Sande Desemba 26, ol bai holim lotu bek long EUC haus lotu.

Em i tok ol i laik bungim kongriksen wantaim long Krismas taim na ol i wokim Krismas lotu long Kaugere sios.

Long wankain taim tu, Bisop bilong Yunaitet Sios Eben Rijen em Bisop Oika Gabutu i tok wan wan Yunaitet sios Seket long Mosbi siti bai karimaut Krismas nait na moning sios sevis program.

Tasol em i strongim tok olsem Krismas em i taim bilong sea na selebret na tu, taim bilong ol famili i bung wantaim na serim na tok tenkyu long Bikman long ol blesing em i save givim. Na em i skruim tok i go moa yet olsem em i taim we yumi mas tingim na sea wantaim ol trangu lain i sot long ol samting. Dispela em ol trangu lain olsaem ol lain we paap-mama i dai pinis, ol lain i gat HIV/AIDS, ol lain i bungim hevi long bagarap insait long famili na ol kain lain moa olsem.

"God i laikim yumi stret na em i kamap man na mama i karim em long Krismas. Bihainim lait na hop we God i soim long yumi i moabeta long yumi helpim ol trangu lain," Bisop Oika i tok.

Long wankain taim tu, Sen Peter Sanel Katolik Peris long Erima bai i gat Krismas lotu long biknait 12 kilok long Fraide nait.

Long redim taim bilong bikpela lotu, program i bin stat long las Sarere wantaim ol perisina i go givim presen long ol Wod 4B siklain long Pot Mosbi Jenerel Haus sik.

Stat long dispela wik Tunde inap long Tude Fonde Desemba 23, pater i wok long harim Konfesio.

Program bilong Krismas nait bai stat wantaim ol wan wan rijinel liteji grup na ol arapela lotu grup insait long peris i singim ol Krismas kerols o singsing, ol pikinini i kisim presen long Fada krismas long 11 kilok biknait bai Krismas lotu i stat.

Long Krismas de Sarere, wanpela Misa lotu tasol bai kamap long 8 kilok.

## Fada Krismas i kam long we?

**Neville Choi i raitim**

EM i wanpela askim i stap long maus bilong planti yangpela tude husat i no klia long bekim bilong em.

Long taim bilong Krismas, ol manmeri save baim ol kain kain presen bilong ol lain ol i save laikim tumas. Planti arapela i save wetim dispela patpela man ol i kolim Fada Krismas long kam na givim presen long ol.

Tasol dispela Fada Krismas i kamap olsem wanem? Em i wanpela man Papua? O em i man Tolai o olsem wanem?

Stori bilong dispela pasin bilong givim presen long arapela i stat wantaim wanpela man ol i bin kolim Saint Nicholas. Mama bin karim em long Midel Is klostu tasol long Bethlehem bipo bipo tru.

I gat planti stori i stap long dispela man husat i save



laikim tumas ol yangpela pikinini, gutpela pasin bilong em na helpim em i givim long planti manmeri.

Wanpela bikpela stori bilong Saint Nicholas em long tripela yangpela meri. Olgeta i kam long wanpela famili husat i nogat inap mani. Olsem na tripela wantaim i nogat inap mani long marit. Saint Nicholas i save na em i helpim ol. Taim namba wan meri i redi long marit, Saint Nicholas i

wetim bik nait na em i go lusim wanpela bek gol mani i stap.

Taim namba tu pikinini meri i redi long marit Saint Nicholas i mekim wankain samting. Taim papa bilong tripela meri i save painim bek gol, em i wetim taim namba tri pikinini meri bilong em i redi long marit na em i sindaun na wet i stap.

Em i laik painimaut husat tru i wok long fusim ol bek gol mani. Em i hait i stap na em i lukim Saint Nicholas i karim dispela bek gol i kam daun long simni long ples bilong paia.

Em nau stori bilong Saint Nicholas i go bikpela i go i go inap tude we planti kantri i bungim bondei bilong em wantaim de we bebi Jisas i bin bon long Bethlehem.

Dispela em i as bilong pasin we mipela i save baim ol presen bilong ol arapela long Krismas.


# Krismas long tingting bilong ol yangpela

Planti manmeri long wol i gat kainkain we long amamasim Krismas. Ol Kristen manmeri i save holim Krismas olsem wanpela bikpela de olsem Sevia bilong yumi Jisas em i bon.

Sampela manmeri i save lukim Krismas olsem gutpela taim bilong bung wantaim ol famili na poroman bilong ol husat ol i no bin lukim long longpela taim. Dispela kain taim hia long PNG, planti manmeri husat i stap longwei i save go bek long ples bilong ol long amamasim Krismas wantaim ol wantok na famili bilong ol.

Ol kain pasin bilong Krismas olsem Krismas diwai na Papa Krismas em ol pasin bilong ol waitman yumi kisim na mekim olsem pasin bilong yumi tu. Ol dispela pasin i save paulim het bilong planti ol pikinini. Olsem na long dispela Krismas **Desney Koimo** na **Christina Tony** i raun na kisim tingting bilong ol yangpela long wanem samting ol i ting em i Krismas.

Veronica Waiko em bilong Is Sepik na Talasia long Wes Nu Briten na em i gat 4-pela krismas. Long tingting bilong em Krismas em i taim bilong yumi amamas bilong wanem Maria i karim bebi Jisas. "Krismas em taim Mama Maria i karim bebi Jisas na dedi bilong em i Joseph. Dispela em i betde bilong Jisas na mama



**Veronica Waiko**  
bilong mi bai mekim wanpela bikpela mumu long Krismas."

Magawa Serero i bilong Manam Ailen long Madang na Kerema na em i gat 5-pela krismas. Em i tok Krismas em i taim bilong Fada Krismas. Taim *Wantok* i askim em em i tok olsem: "Fada Krismas em wanpela man wantaim waitpela maugras. Olsem dispela traipela Fada Krismas i save danis long Boroko ya. Na long Krismas, mi save serim frut, rais na



**Magawa Serero**  
mit bilong mi wantaim mami, Api na Poda (bikpela susa na brata bilong em) na dedi."

Willie Manafat em wanpela manki i gat 12-pela krismas na i bilong Is Sepik provins. Em i tok Krismas em i taim Jisas i bon na tu em taim mipela i save pasim skul. Long dispela krismas bai i em go lukim sista bilong em Dorin long Madang. "Mi bai go long Madang long neks wik Fraide na Krismas de bai namba tu de bilong mi long stap long Madang."




**William Manafat**

Abraham Carlos Lepani i gat tupela krismas na em bilong Trobrien Ailen long Milen Be na Manus. Dispela em i tingting bilong em long Krismas: "Taim anti Diana na mami baim Krismas decoresen long stoa na dedi baim doli bilong mi. Na long Krismas mi save kaikai Krismas keik."



**Abraham Lepani**

Serah Hazel Babona i bilong Kerema na Rigo husat i gat 7-pela krismas na i skul long Bambi Elementeri prep insait long Pot Mosbi. Long tingting bilong em, Krismas i taim mipela i save amamasim taim bebi Jisas i bon long Bethlehem. "Mi bai go lotu na long Krismas de stret bai mama bilong mi mekim babakui na mipela bai bung wan-




**Serah Hazel Babona**  
taim ol famili bilong mipela."

Vealonia na Vealotina Itevigau em ol tupela susa bilong Bogia, Madang Provins. Krismas bilong Vealonia em 8 na bilong Vealotina em 5. Dispela yia bai nambwan taim bilong tupela na bikpela susa bilong ol, Beverly, long go long ples long amamasim Krismas wantaim bubu bilong ol. Taim mipela i askim tupela long wanem samting em i krismas, Vealonia i tok olsem em i taim bilong amamas. Na Vealotina i tok moa olsem: "Em i taim bilong




**Vealonia na Vealotina Itevigau**  
amamasim betde bilong Jisas bilong wanem Jisas i save lukautim yumi."

Raymond Waigen i bilong Is Sepik na Oro na i gat 5-pela krismas. Em i save tingim krismas olsem taim bilong go long lotu na lukim bebi Jisas long krib. Mipela i bin bungim em na askim em long wanem samting em bai mekim long Krismas. "Mi bai go wantaim papa bilong mi long ples bihain long Krismas olsem na nau yet mi wok long salim loli i stap," em i tok.




**Raymond Waigen**

Ray Steven Pala husat i gat 5-pela krismas i kam long tripela ples olgeta - Aroma, Samarai na Kerema. Em i save ting krismas em taim bilong senisim ol presen na bungim ol poro. "Mi nogat hap long go long dispela krismas olsem na bai mi stap long haus tasol na pilai wantaim ol poro bilong mi."




**Ray Steven Pala**

Emmanuel Tio Jnr i gat tripela krismas na em bilong Rakunai long Is Nu Briten Provins. "Krismas em taim bilong kaikai kaukau, taro na pis long ples na mumu wantaim aigir tu. Em taim bilong Fada Krismas, dispela man wantaim bikpela ka. Mi save lukim em long TV."




**Emmanuel Tio Jnr**

Caleb Yalikiti i gat 4-pela krismas na i bilong Is Sepik provins. Long tingting bilong em as bilong Krismas em i Santa Klos. "Santa Klos bai kam long stret na givim presen long ol liklik pikinini." Em bai go wantaim papa bilong em long Lae tasol long krismas bai ol i mekim mumu long haus.



**Caleb Yalikiti**

Marlina Joseph i gat 5-pela krismas na em i bilong Ngavalus long Nu Ailan provins. Mipela i bungim em long las nait bilong em long Pot Mosbi bipo long em i go long ples bilong em long neks moning long Disemba 14 long amamasim Krismas wantaim ol kasen bilong em. "Mi bai go stap wantaim sista Kiri na long Krismas bai mipela i go long lotu." Em i tok olsem Krismas taim



**Marlina Joseph**  
long ples ol i save kaikai rais, taro na pis.





# Amamas long laip na serim laip long kamapim wanbel na bel isi long laip bilong yumi we i gat planti hevi

**K**rismas i kamap gen na planti manmeri na ol famili bilong ol i wok long rere long amamasim Krismas. Insait long planti haus, ol ples bilong wok, ol stua na ol opis i gat ol bilas i stap inap sampela wik pinis long makim na givim luksave long Krismas.

Tasol i no olgeta haus bai i gat ol bilas bilong amamasim Krismas, na i no olgeta haus bai i gat pfen long amamasim Krismas.

Dispela i soim tupela sait bilong laip we i stap wantaim mipela. Taim bilong amamasim na taim bilong sore; ol lain i painim gutpela sindaun na ol lain i no painim. Ol lain i lukim driman bilong ol i karim kaikai na ol lain husat i no luksave long driman bilong ol.

Dispela nau i save givim bikpela salens long tokaut na serim amamas bilong Krismas.

Tasol olgeta Krismas mipela i mas i gat na serim ol gutpela toktok long strongim tingting na helpim ol lain i amamas na ol lain husat i no amamas tumas long luksave long Krismas na kisim gut-

pela tingting long dispela taim bilong amamas.

Het Tok mi makim bilong Krismas toktok bilong mi long dispela yia em: "Amamasim Laip na Serim Laip" long kamapim wanbel na bung wantaim insait long wol mipela i stap long en.

Laip bilong God i kam insait long dispela wol long wanpela spesol rot, long wanpela rot na laip we em i kamapim gutpela sindaun bilong planti arapela manmeri.

Dispela amamas long laip i kamapim bikpela senis insait long laip bilong ol manmeri husat i kisim toksave long kamap bilong Mesaia.

Tingim bek toktok insait long Santu Luk, Septa 2 we i stori long Ensel bilong God na ol Wasman bilong sipsip we namba wan toksave long Gutnius bilong karim bilong Jisas.

Krismas i save bungim mipela olgeta long amamasim laip bilong Lod bilong yumi Jisas Krai. Dispela pasin bilong ol Kristen em i bikpela samting.

Taim mipela i kam bung long amamasim laip we mipela i luksave long karim bilong Jisas, mi bilip olsem mipela i mas amamasim tu laip bilong mipela na ol arapela manmeri bilong wanem em i kam long God.

Dispela laip em i laip bilong God i stap insait long mipela na ol arapela manmeri mipela i bungim. Mipela i mas amamasim ol nupela laip we i kamap long ol papamama long dispela Krismas na long niu yia.

Mipela i mas amamasim ol laip we i bikpela samting yet long mipela olsem laip bilong ol pikinini bilong yupela, ol Papa mama bilong yupela, man bilong yu, meri bilong u, wanwok bilong yu, poroman bilong yu, man o meri i stap long haus klostu long yu, wan pisin bilong yu, ol manmeri bilong kantri bilong yu na ol wan Kristen bilong yu.

Mipela i no save amamasim taim laip i kamap, tasol mipela i save amamasim 'Serim bilong Laip'. Mipela i amamasim pastaim God i Serim Laip bilong Em wantaim ol

manmeri bilong dispela wol long karim Hiling na Rekonsiliesen i go long wol.

God i serim laip bilong em long sevim wol. Dispela em i wanpela bikpela toktok na em i wanpela toktok bilong pis o bel isi, love o laikim arapela na amamas.

God i salim pikinini man bilong em i kam long wol long serim laip bilong em long sevim man, long karim hiling long daunim hevi ol manmeri i karim na strongim gutpela sindaun na hop bilong bihain taim.

Krismas em i taim bilong amamas bilong wanem ol Kristen i save laik serim laip bilong ol wantaim ol arapela long bringim amamas. Ol Kristen i save serim ol laip bilong ol long sevim wol i gat hevi; wol we i bruk.

Ol Kristen i gat salens long serim laip bilong ol long kamapim hiling o wanbel na rekonsiliesen long wol we i gat bikpela pen na hevi aninit long pret bilong dispela sik HIV/AIDS.

Ol Kristen nau i gat salens long serim laip long daunim birua,




**Bisop Wesley W. Kigasung**  
Het Bisop Ivenjelik Luteran Sios bilong Papua Niugini

hangre, nogat gutpela sindaun, ol bikpela bagarap, ol bikpela pait, reip, stil pasin, na hevi bilong nogat lo na oda.

Long pasin bilong serim samting na lukautim arapela tasol em bai mipela i ken sevim laip; bai mipela i gat gutpela lo na oda, na ol pipel i ken i gat gutpela bel isi na amamas na ol i ken amamasim laip.

Dispela nesen i ken kamap wanpela bikpela nesen sapos laip i gat luksave na ol manmeri i bihainim gut laip bilong ol, na taim ol i Serim Gut laip, ol i givim laip na bihainim gutpela Kristen pasin.

Bikpela blesing bilong Krismas na selebresen bilong laip na serim bilong laip na lukim nupela laik bilong wanpela Hepi Niu Yia long 2005.



**BRIAN J. BARNES, OFM, KBE DD**  
AS BISOP BILONG POT MOSBI

**SAMPELA** long mipela i save pinis long salim toksave long ol arapela man i go long wanpela arapela man o meri.

Sampela taim dispela wanpela toksave i ken go long sampela manmeri pastaim long em i go kamap long dispela man. I gat sans olsem dispela toksave i ken senis, bilong wanem i gat moa long wanpela manmeri i karim dispela toksave, olsem na toktok i save narakain tru long toktok ol i salim.

John Baptis i no bin i gat dispela hevi. "Toktok bilong God i kam long John, pikinini man bilong Zechariah long bikpela ples drai," (Lk. 3:2). Toktok bilong em i klia: "Mi em i nek bilong wanpela man i singaut insait long bikpela ples drai: 'Mekim stret rot bilong Lod'" (Jn. 1:23).

Toktok bilong em i bihainim tasol toktok i kam long propet Isaiah sampela yia i lus pinis (Is. 40:3). John i tok em yet em i wanpela nek na em i tok: "Mi no Mesaia" (Jn. 1:20), "Mi nogat namba inap long rausim su bilong em." (Jn. 1:26). Na em i tok long Jisas: "Em i pikinini man bilong God." (Jn. 1:34).

John Baptis em i olsem wanpela lam, wanpela strongpela lam we i givim lait long olgeta i stap klostu inap taim we wanpela strongpela lait, em i Krai i sain bilong olgeta

## Toktok bilong Krismas i kam long Most Rev. Brian J Barnes, OFM, KBE, DD, As Bisop bilong Pot Mosbi

long lukim. Lait bilong Jisas Krai i kamap klia long mipela long PNG tu, na mipela i givim tenkyu long Blesing em i karim i kam.

Bilip long Krai, we i ken helpim mipela long stretim pasin bilong mipela bihainim ol gutpela na stretpela pasin i stap long as long stretim wanpela bikpela hevi nau i stap insait long PNG - dispela sik AIDS. Ol arapela sik nogut bilong sem i planti moa na i soim olsem i gat planti pasin pamuk i wok long kamap insait long ol komyuniti bilong yumi. Sapos mipela i laik daunim hevi bilong kisim sik HIV/AIDS, mipela i mas strongim tingting long lusim pasin bilong slip wantaim arapela. Ol 'seif seks' toktok we ol i strongim ol samting olsem karamap bilong sem, ol saveman i tok pinis olsem i nogat 100 pesen banis. Olsem na em i no gutpela tumas. Ol manmeri husat i gat bilip long kondom, ating ol i nogat bilip olsem ol i mas senisim pasin bilong ol. Mipela i no inap long daunim hevi bilong AIDS long dispela as tasol. Mipela bai bihainim rot Afrika i bihainim.

I mas i gat moa edukesen long wanem samting em HIV/AIDS, yumi ken kisim olsem wanem, na daunim ol arapela giaman toktok long rot bilong kisim dispela sik. Taim namba bilong ol manmeri i gat dispela sik i wok long go antap, i givim sans long soim gutpela Kristen pasin na lukautim bilong ol lain husat i gat ol sik we AIDS i strongim na ol i mas i gat luksave long stap wantaim gutpela sindaun. Em i gutpela long lukim sampela long ol Sios i wok long stat long wok bung long daunim dispela hevi, na luksave i mas i go tu long ol memba bilong Palamen i traim long bungim dispela hevi bilong AIDS na i no toktok tasol.

I gat sampela hap we mipela i ken amamas long en. Bihain long

longpela paitim toktok namel long gavman bilong PNG na Australia na plen bilong ol aninit long Enhens Koporesen Program i stap na stat wok pinis. Maski i gat wan wan manmeri i no wanbel, i gat bikpela sapot long hia na planti i bilip olsem em bai karim gutpela kaikai long sait bilong strongim pablik sevis na strongim wok na tingting bilong polis.

Wanpela Polis Riviu o wok glasim long ol bikpela hevi mipela i gat insait long Polis Sevis bilong mipela i go long ai bilong Nesenel Eksekutiv Kaunsil pinis. Nau ol i mas karimaut ol rekomendesen bilong em bai polis korapsen i ken pinis, i ken gat disiplin, wok wok ples bilong polis i kens tret, na tingting bilong ol wok manmeri i ken strong. Ol lida bilong Bogenvil i bin kamapim bikpela samting tru taim Nesenel Eksekutiv Kaunsil i tok oraitim Konstityusen o Mama Lo bilong ol pipel bilong Bogenvil na nau ol i redi long ileksen neks yia bilong sanapim otonomos provinset gavman. Bihain long Pis Agrimen, ol i mekim bikpela wok i kam inap nau. Rausim bilong ol pait gan i mas pinis pastaim long rausim dispela hevi bilong pret na strongim yuniti o wok bung wantaim. Nau yet, Francis Ona na ol lain bilong em i mas luksave long gutpela wok i kamap pinis na bihainim. Dispela bai gutpela samting bilong Bogenvil. Long pinisim, wok bilong Yunaitet Nesens (UN) Obseva Misin i karim bikpela kaikai na i mas istap long ileksens neks yia.

Ol nius stori i wok long kamap long olgeta wik insait long nius midia i soim klia dispela sik nogut bilong korapsen o stil pasin. Mipela i tingting planti long namba bilong ol giaman nem long gavman peirul, olsem ol tisa, leswok bilong Edukesen Dipatmen wokmanmeri

long stretim ol dispela hevi, ol kain paol pasin we i pasim rot bilong ol tisa long kisim lip mani bilong ol, na salim bilong ol tiket i go long husat manmeri i laik baim. Mipela harim tu olsem i gat wanpela bikpela stil pasin i wok long kamap we ol loya bilong gavman i wok long stretim sampela bikpela askim bilong kisim gavman mani. Na stil pasin i kamap long Agrikalsa dipatmen. Na ol arapela stil pasin i kamap tasol mipela i no save long en? Ol politisen i wok long kisim mekimsave bihain long ol i paulim mani bilong gavman. Tasol wok bilong salim ol i go long kot na kalabusim ol i save long taim na i bikpela hatwok tru.

Dispela bikpela samting long salim bilong Telikom i go long wanpela kompani bilong Afrika, Econet we gavman i lusim i kamapim planti kain askim gen. Askim long wok bilong Independen Praivet Bisnis Komiti na dispela minista i go pas long dispela salim, na mak bilong kaikai PNG i ken kisim long dispela wok salim i go long Econet na dispela i soim klia olsem i no stret. Gavman i bin skelim gut tingting na harim tok bilong ol manmeri long lusim dispela salim.

Long dispela yia, planti toktok na wok i wok long kamap insait na ausait long Palamen we Oposisen i wok long traim long kamapim vot i nogat bilip long Gavman. Dispela i bin kirapim Gavman na ol i traim long abrusim dispela. Tasol planti askim long pablik i soim klia olsem i nogat gutpela tingting long rausim gavman.

Taim Gavman i makim ol memba bilong ol i go long ol komiti bilong palamen we i save glasim ol samting bilong kamap insait long palamen i soim olsem ol i yusim sistem long lukautim ol yet. Wankain tu taim ol i go long Suprim Kot long glasim Seksen 145 bilong Mama

Lo long ol vot i nogat bilip. Dispela i bin stopim oposisen long kamapim dispela vot long palamen.

Oposisen i bin abrusim sindaun bilong Palamen i soim olsem ol lida i no wari tumas long makim maus bilong ol pipel. Taim ol dispela samting i wok long kamap long palamen, opis bilong Spika bilong Nesenel Palamen tu i kisim planti salens na pasin bilong sampela memba i no gutpela tumas. Politikel instabiliti i bin strong tru, na wok bilong lukautim kantri i bin lus nating.

Lukluk i go het long ileksen long 2007, mipela i mas askim wanem wok i wok long kamap long stretim komon rol. Dispela komon rol i stap long as bilong ileksen na i mas stret. I gat bikpela wok i stap long rausim ol giaman nem i stap insait. Mipela i nogat planti taim long stretim dispela samting na redi long neks ileksen. Maski long mani mak bilong dispela wok, mipela i mas mekim.

Tasol namel long olgeta hevi bilong mipela, mipela i mas luksave tu long dispela bikpela taim we mipela i redi long amamasim. Taim Jisas i kamap long wol bilong yumi. "Em i salim mesensa bilong em, wanpela man ol i kolim John, ...tasol wol i no luksave long em. ...ol pipel bilong em yet i no luksave long em." (Jn. 1:6, 20-21). "Dispela em i lait tru - lait i kam insait long wol na sain long olgeta pipel." (Jn. 1:9). Jisas i laitim laip bilong mipela, na lait bilong em i sain long olgeta hevi bilong mipela bai mipela i ken painim ol bekim na painim ensa, na painim bel isi na amamas na blesing bilong em.

**Hepi Krismas i go long yupela olgeta.**

# Lo bilong slip wantaim liklik meri i mas wok

FAMILI na Seksuel Vailens Eksen Komiti (FSVAC) i mekim strongpela singaut i go long komiti bilong ol long Madang na ol Madang polis long go het long gutpela wok ol i mekim inap kot i pinisim olgeta wok bilong em long kot bilong Gavana James Yali long slip wantaim yangpela skul meri i gat 17 krismas.

Long givim bekim long ripot i bin kamap las Fraide we yangpela tambu meri husat i wanpela gret 10 skul sumatin i bin tok orait long slip wantaim Mista Yali, Projek Kodineta bilong FSCAV, Ume Wainetti, i tok Mista Yali i gat sampela asua yet long bekim na i moa-

beta long polis long Madang i skruim wok strong long dispela.

"Senis long Kriminel Kod o Lo long Sexual offences and Evidence Act 2003 na aninit long Sex Crimes Lo i lukautim ol pikinini na seksen long Abuse, Trust and Dependency, man i brukim lo long slip wantaim yangpela, maski em i tok orait long em.

"Lo em i klia stret na dispela em i trabel na brukim lo long man i gat posisen we i gat luksave (olsem ol tisa, lotu tisa o sios lida, ol lukaut papamama, polis na tu ol palamen lida) long slip wantaim pikinini i stap long lukaut bilong ol na we

krismas bilong em i stap aninit long 18 krismas.

"Dispela em i yusim posisen bikipela luksave, atoriti o posisen bilong lukautim narapela i stap aninit long yu long wokim pasin i no stret.

"Na em i karim 15 yia kalabus long en," Misis Wainetti i tok.

Olsem na FSVAC i putim petisen o singaut i go long brens bilong ol long Madang Madang Famili na Seksuel vailens Woking Komiti (FSVWG) long go het na pusim dispela keis na lukim olsem ol loman i luksave na karimaut dispela senis long famili na seksuel vailens lo

taim dispela keis bilong Gavana i go long trait kot.

Long wankain taim tu, FSVAC bai putim petisen i go long Madang Provinset polis Komanda long lukim olsem polis long Madang i bihainim stret wok bilong ol long dispela keis.

Misis Wainetti i tok olgeta manmeri bilong dispela kantri i mas rabisim pasin bilong reipim o bagarapim meri na ol loman i mas givim strongpela mekimsave long ol lain i brukim lo i stap long lukautim ol meri na pikinini, moa yet ol dispela i holim ol bikipela posisen we ol i gat luksave long komyuniti na pipel.

# Ol meri wok long strongim lidasip na bel isi trening

Veronica Hatutasi i raitim

I GAT bikipela wok long trenim ol meri long kamap ol gutpela lida insait long komyuniti na wok bilong kamapim bel isi na sekan pasin we ol meri long inta sios grup long Tinputz eria long Bogenvil i mekim. Tasol wanpela hevi em sot long mani.

Christine Matthew husat i Presiden bilong Tinputz Distrik Wimens Kaunsel i tok maski dispela hevi i stap, ol meri i bung gut wantaim aninit long inta sios grup we i karamapim ol meri i kam long Katolik, Yunaitet na Seven De Etventis (SDA) na kamapim wanpela strongpela network o poroman grup long kamapim gutpela sindaun, sekan na bel isi pasin na ol wok kamap long Bogenvil.


Misis Mathew i tok aninit long lidasip bilong Sista Lorraine Garasu husat i Dairekta bilong Bogenvil Inta Sios Forum (BIF), ol bin kirapim dispela long 1995 bilong helpim long mekim ol wok long kamapim gutpela sindaun, lukautim humen rait na stap insait long wok bilong go het long developmen long Bogenvil.

Planti pasin bilong mekim nogut pipel i bin kamap long taim bilong bikipela hevi long Bogenvil. Na ol pait grup olsem Bogenvil Revoluseneri Ami, Risistens grup na PNG ami i bin wokim ol dispela.

Misis Mathew i tok nau i gat planti mama na pikinini we i nogat papa bikos ol i bin kilim dai ol long Bogenvil hevi, ol mama na pikinini we papa i bilong narapela provins na i bin lusim ol na ol singel mama i stap insait long hevi bilong sot long mani na i hat long peim skul fi bilong ol pikinini na tu, long lukautim ol. Planti pikinini i no go skul bikos long hevi bilong mani i sot.

"Ol mama we ol man bilong ol i dai long hevi i no inap long sait bilong mani na olsem, sampela i pinisim ol pikinini long skul. Long sampela yia i go pinis, i bin gat sampela helpim tasol em i no kamap nau," Misis Mathew i tok.

Long ol famili, sosel na lo na oda hevi, Misis Mathew i tok ol meri grup, ol sief na yut grup i wok wantaim long helpim daunim dispela hevi.



• Maria Merai em wanpela mama we ol bin kilim dai man bioong em long Bogenvil hevi. Hia em i sanap wantaim 4-pela pikinini na ol arapela yangpela susa na hauslain em i lukautim i stap. Foto: VERONICA HATUTASI

## Lo bilong Lukautim ol mama na pikinini meri



### 4-Lo bilong lukautim ol meri na pikinini meri

Lo bilong Reip, Incest o wokim pasin nogut namel long famili memba na bagarapim pikinini i senis. Stat long mun Epril 10-2003, lo bilong lukautim ol pikinini, ol mama na ol pikinini meri i bin senis na i kamapim strongpela moa.

Ol dispela lo bai lukautim ol lain i kisisim bagarap na tu, givim bikipela mekim save long ol lain i wokim ol trabel.

Wanpela lo we i bin senis em Abuse of Trust, authority or dependency. Man o meri i gat luksave na ol pikinini o arapela pipel i stap aninit long lukaut bilong em.

-Man i no wokim trabel sapos em i slip wan-

taim pikinini o yangpela we krismas bilong em i winim 16 yias tasol em i rong sapos:

-Em i wanpela man we i holim bikipela posisen i gat luksave long komyuniti na pipel long en olsem tisa, lotu tisa, ol lukaut papamama, ol polis opisa long slip wantaim pikinini we krismas bilong em i stap namel long 16 na 18 yias na i satap long lukaut bilong ol.

-Sapos yangpela i no laik na man i go het fosim na slip wantaim em, em i wokim trabel long repim na bagarapim meri.

-Panisimen o mekim save long man i wokim dispela trabel em kalabus insait long 15 krismas.

### Sotpela Tok Lukaut

#### Skruiim toktok long Famili Plening.

Sampela ol bikipela samting yu mas save long Pil.

-Pil bai helpim yu long kontrolim yu long karim bel sapos yu kisisim gut na bihainim taim.

-Yu ken stop long kisisim Pil sapos yu laik gat narapela bebi.

-Em i helpim yu long strongim blut.

-Taim meri i kisisim Pil, bai nogat sans tumas long kisisim kensa bilong bilum long bebi i kamap long em.

-Meri bai gat bel sapos em i stop long kisisim Pil.

-Pil i no inap long bagarapim pasin bilong tupela marit lain i slip wantaim

-I ken hat long tingim long kisisim Pil long olgeta de.

-Meri i ken kamap fatpela.

-Meri bai lukim sikmun long ol narapela taim, na i no long taim stret bilong em.

-Sapos meri i lus tingting long kisisim Pil, em i ken gat bel na.

-Pil i save bosim taim bilong sikmun.

**Moa long neks wik.**

Yu mas i gat

Besik sot kras pestr

Wanpela kap kaukau yu kukim na memeim na i kol pinis i stap

Wanpela kap evaporetet milk

2-pela kiau

Wanpela kap suga



## Kuk Kona wantaim MERI WANTOK

### Kaukau Pie

#### Yu mas i gat

Besik sot kras pestr

Wanpela kap kakau yu yet i kukim na memeim na i kol pinis i stap

Wanpela kap evaporetet milk

Tupela kiau

Wanpela kap suga

Wanpela tispun lemon juis

Natmeg o galip o pinat

#### We long Kukim

1-Redim tupela pestr

bilong putim pai long en

2-papaitim na miksim wantaim milk, kiau, suga, kaukau na lemon juis

3-Putim ol long tupela Pai sel

4-Putim antap long pai liklik natmeg o galip o pinat yu sigirapim o mekmekim wantaim tu liklik hap suga.

5-Tanim oven long 450 digri na bekim inap long 10-pela minit.

6-Daunim hotpela bilong oven i go daun long 325 digri na kukim long narapela 40-50 minit.

Long testim sapos pai i kuk pinis, suvim wanpela liklik naip long namel bilong pai na sapos em i kalap i kam antap na naip i klin, em i min olsem pai i kuk.

7-Larim pai i kol na sevim

Meri Wantok i laik save sapos yupela i save laikim ol stori mipela i save printim. Rait i kam long Meri Wantok, Word Publishing Company, PO Box 1982, Boroko, NCD o ring i kam long telipon 325 2500 na toktok long Veronica Hatutasi. Yu ken salim ol stori tu long email: word@global.net.pg.



# Sabat i no pinis long diwai kros

**Dia Edita,**  
Mi laik bekim pas bilong John Lumbu long tok klia long ol tok-tok bilong em long pepa long Novemba 11. Pastaim tru em tok long ol lain bai i go long Heven. Em tru stret.

Ol lain husat bai i go long Heven em husat i holim Komanmen o lo na bilip bilong Jisas (Rev 14:12), em tasol bai yu save sapos yu ken go long Heven o nogat.

Yu tok stret olsem man bel klin bai lukim God (Mat 5:8) tasol long wanem we bai yu save olsem yu bel klin na wanem em sin sapos nogat. Komanmen (Rom 3:20), em i olsem mira bilong klinim bel bilong yu.

Ol Baibel ves Mat 12:1-8, 9-14; Mak 2:23-28, 3:1-16 na Luk 6:1-11 em Jisas laik rausim dispela tingting ol Jew gat ol kolim "Salvation by Works" o "Wok hat na kisim laip" (Mat 19:16-22) lotu we i no kam long bel tru tasol ol laik bihainim lo gut stret na kisim laip.

Em long bikpela marimari bilong God yet kisim bek yumi (Rom 3:23-24). Jisas traim long tokim ol olsem em yet em tambuim sabat na em kamapim sabat, em laik soim ol long hau bai ol i strongim sabat, sabat no ken bosim ol.

Sabat em bilong yumi na i no yumi kam aninit long sabat. Em olsem sabat no ken kamap belhevi long yumi tasol bel amamas long bihainim lo bilong God. Sabat no ken bosim yumi.

Em olsem yu laik stil na yu belhevi stret long wanem na stil pasin God tok nogat.

Yu belhevi wantaim na bihainim lo. Stil pasin bosim yu. Wankain sabat no ken bosim yu (Jon 14:15).

Sapos yu laikim God tru tasol orait yu bihainim lo sapos nogat noken pulim taim bilong yu bikos yu no nap "wok hat na kisim laip". (Rom 3:28-31)

Narapela samting we yu yet luksave em, Jisas save lotu long 7 de sabat (Mk 2:28, Luk 6:5) Saba tem pasin bilong em (Luk 4:16).

Ol Ju save kros long we long bihainim na i

no wanem de long bihainim. Sabat em 7 de (Sarere) (Ex 20:8-11)

Yu givim buk Kol 2:16-23 na tok sabat pinis. Yu paol long seremoniel sabat na 7 de sabat.

As bilong sabat em olsem, malolo i gat planti kain malolo o sabat bilong ol Ju olsem pasova, niu-moon, de bilong atonmen na planti moa yu ken lukim long buk Exodus na Leviticus long Baibel.

God i bin givim tupela kain lo long Moses long pasin bilong lotu, moral lo, God i raitim em yet long ston (Ex 20) na seremoniel lo, em God toktok na Moses raitim (Ex 24:4) long buk Kol 2:16-23 em toktok long ol seremoni sabat malolot na holide olsem mi tok pinis na i no dispela em lo, we seven dei sabat i stap.

Seremoniel lo em olpela kovenen na Jisas pinisim long kros olsem, plis lusim sin, kilim sipsip ofa, seremoniel malolo (sabat), Jus holide na ol arapela ol seremoni na pasin bilong lotu (divain sevis) Heb 9:1.

Nupela kontrak em sanap antap long pasin laikim na harim na bihainim toktok (Heb 8:10, Rom 6:14-16, 3:31) sapos yu laikim God, bihainim lo bilong em (Jon 14:15, 1 Jon 2:3-5) Nogat nupela lo (1 Jon 2:7) Jisas pinisim seremoniel lo tasol long kros diwa (1 jon 2:8).

Sapos yu bihainim 9-pela moral lo bilong God na brukim wanpela yu brukim olgeta (Jems 2:10).

Sapos sabat em wanpela bilong ol moral lo mi no save wanem as tru na yumi bihainim 9-pela na lusim wanpela (Mat 5:17-19).

Husat laikim God tru tru na soim long bihainim 10-pela lo bilong God na bihainim pasin.

**C. OROHO  
KAINANTU  
ISTEN HAILANS  
PROVINS**

# Stretim opis bilong Is Sepik Gavana hariap

**Dia Edita,**

Mipela ol sapota bilong Praim Minista Sir Michael Somare na Arthur Somae long Angoram, i askim tupela nau long hariap stretim dispela hevi bilong Gavana.

Mipela ol Angoram pipel wet yet long ol Gavman sevis na sampela senis long kamap tasol klostu nau em 2007 nau. Tingim nogut taim na bai nogat nau. Em ol pipela lain wok long bagarapim provins i stap.

Nesenel Gavman mas wokim samting stret. Lo i klia long ESPG mas makim Gavana tasol bilong wanem na indai isi, isi bikos ESPG i no wok gut na planti ol sevis bilong gavman i pun-daun olgeta.

Ol pipel i no lukim wanpela developmen o sampela senis i kamap long ol LLG bilong mipela. Planti ol pablik seven tu stap nating na kisim pe i stap. Wanpela sinia man nau i stap long Rabaul tasol, em kisim pe yet aninit long ESPG, olsem wanem

long dispela?

Sir Michael i mas sekim wanpela ripot bilong ESPG edmin-istresen na sasim ol korap pablik seven. Tingim long 2002, Epril 9, taim yu tokim ol pipel long Prince Charles Oval olsem ol pablik seven save slek long mekim wok na nau long ai bilong yu stret olgeta pablik seven long ESP i wok long slek tasol yu i no mekim samting stret. Tingim i no ol dispela pablik seven i vot o kempen long yu na Arthur olsem na mekim samting stret.

Mipela ol turangu pipel bilong ples i wet na save stap long yutupela, nogut taim i kam na bai yupela i paol olsem na mi rait long toksave tasol.

**ANTHONY KAWI  
ANGORAM  
IS SEPIK PROVINS**

# Skul fi i go antap tumas, mekim hat tru long mi

**Dia Edita,**

Mi wanpela mama we mi gat 5-pela pikinini i stap long skul.

Wanpela i skul long gret 11 long Hutjena Sekenderi Skul, na narapela i wokim gret 8 na sampela ol i wokim gret 6 na 4 na iaspela i wokim elementri 2.

Mi wanpela mama we mi kompletru long taim skul fi i go antap. Dispela long wanem, mi wantaim man bilong mi mitupela i no wok mani, na tu mipela i save wokim kopra olsem 8 na 10 bek.

Mipela no save kisim dispela kain mani mak yupela tok long em long baim skul fi. Sapos mitupela i tingim dispela pikinini i stap long gret 11, olsem wanem long ol narapela i skul long praimer ol bai stap nating long ples?

Bikos yupela tingim skul fi bilong ol sek-enderi skul i go antap moa. Yupela ritim pas mi raitim na traim wokim aut skul bilong wanwan pikinini bilong mi na bai yupela ken save.

Mi painim hat tru. Mi bai kisim dispela

kain mani we?

Yupela ol dispela lain Nesenel Edukesen Bod yupela bin tingim yupela yet na yupela no tingim mipela ol lain bilong ples. Traim na tingting gut pastaim na bihain yupela pasim toktok.

**JOYCELYNE PONE  
BUKA  
BOGENVIL AILAN**



**Hatwok karim kaikai...Wanpela sumatin (rait) bilong Catholic Theological Institute long Bomana, Pot Mosbi, i kisim pepa bilong em long Gavana Jenerel Sir Paulias Matane (lephan), long greduesen bilong institut, i no longtaim i go pinis.**

# Traim na holim Francis Ona

**Dia Edita,**

Mi ritim long *National Niuspepa* olsem Mekamui Difens Fos lida, Francis Ona, i wok long salim ol ami bilong em long blokim ol Australia Federel Polis long no ken go insait long No Go Zone eria.

Long tingting bilong mi, mi lukim olsem Ona inap tru long wanbel long ol gutpela tingting bilong Gavman bilong PNG, Australia na Yunaitet Nesen. Yumi no save wanem samting Ona i no amamas long em yet. Ol dispela tripela grup i wok long redi long givim yu pawa nau o bai yu kisim atonomos gavman. Tasol yu no wanbel yet?

Wanpela luksave olsem sapos Gavman bilong PNG i givim pawa long Bogenvil na gavman i givim luksave long wanpela lida long go pas long Bogenvil, Ona ating bai rausim dispela lida na

em bai bosim o go pas long Bogenvil bikos em i gat ami pinis.

Olsem na mi askim Gavman bilong PNG, Australia na Yunaitet Nesen, inap yupela kamapim wanpela kombain difens fos na makim taim bilong Ona na ol ami bilong em long kamaut na givim ol yet long han bilong lo.

Sapos yupela wokim long Fiji na holim George Speight na tu long Solomon Ailan na holim Harold Keke, bilong wanem yupela no inap wokim long Bogenvil tu?

**WARREN TULE  
KIMBE  
WES NU BRITEN PROVINS**

**OL PAS**  
Salim pas i kam long  
**WANTOK**  
Niuspepa  
P.O. Box 1982  
Boroko, PNG



**WANTOK  
KOMENTRI**

**Opim bel na  
tingting na  
kisim nupela  
senis**

TUMORO em krismas de na olgeta kristen manmeri bai tingim na amamasim dispela de insait long famili, sios, komyuniti na ol kainkain grup. Yes krismas em i bikpela de long olgeta kristen manmeri bilong dispela graun.

Wanpela yia i kam pinis nau long taim bilong krismas na yumi mas lukluk i go bek long wanem samting yumi bin mekim long dispela yia i kam.

Sapos yumi i bin abrus long gutpela rot orait sindaun isi long dispela krismas na skelim na opim tingting long nupela rot bilong bihainim.

Sapos yu bin kros wantaim wanpela brata o susa long dispela yia orait em krismas taim bilong amamas na go bek sikan bikos mining bilong krismas em taim bilong amamas long bikpela presen Papa God i givim yumi olgeta.

Amamas i kam long yumi olgeta nau olsem na noken tubel moa. Ol lida bilong kantri olsem Praim Minista, Gavana Jenerel, ol bisop bilong ol sios i mekim ol bikpela bikpela toktok bilong stiaim yumi long dispela krismas taim na i go long nupela yia 2005.

Ritim gut, kisim tingting, skelim long bel na pasin bilong yumi mas karimaut. Em ol gutpela senis ol lida bilong kantri na sios i laikim.

Gutpela sindaun na gutpela pasin inap kamap long dispela rot tasol.

**WANTOK**

Published Weekly, Wednesday, for Word Publishing Company, Ltd.

P.O. Box 1982, Boroko, NCD  
Papua New Guinea

Telephone: 325 2500  
Fax: 325 2579

Email: word@global.net.pg

Pe bilong wanpela yia  
52 niuspepa

|                       |             |
|-----------------------|-------------|
| <b>Ples:</b>          | <b>Air:</b> |
| PNG                   | K140.00     |
| AUSTRALIA             | US\$100.00  |
| ASIA PACIFIC na JAPAN | US\$80.00   |
| AMERICA na EUROPE     | US\$150.00  |

General Manager  
Justin Hansu Kili

Editor  
Yakam Kelo

Published by Jeremy Burgess and printed by Pacific Star P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea: Catholics 50%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



JADA 23/12/04

**Stretim rot bilong pikinini long bihain taim**

LONG Desemba 1, Papua Niugini i bung wantaim ol arapela kantri long wol na makim Intenesenel De bilong HIV/AIDS. Dispela yia 2004 Wol Helt Ogenisesin (WHO) i makim bilong tingim ol mama, yangpela meri na HIV/AIDS.

Klostu moa long 1,000 manmeri na ol yangpela i bung long Sir John Guise Stadium long harim ol toktok na skul i kam long ol ogenisesin olsem Nesenel AIDS Kaunsil bilong PNG, WHO na ol arapela NGO grup.

Planti gutpela toktok i bin kamap long banisim ol mama na yangpela meri long HIV/AIDS. Hia mi laik bringim long yupela sampela toktok i strongpela tru long lukluk na harim bilong mi.

1. Planti ol mama nau i wok long kisim sik HIV/AIDS insait long marit. Ol papa i wok long karim binatang i go long mama.

2. Planti ol yangpela meri krismas bilong ol i aninit long 20 yia i wok long kisim dispela sik nogut.

3. Long olgeta HIV/AIDS stori, namba bilong ol husat i kisim AIDS i wok long gro kamap bikpela tru long PNG. Namba bilong ol meri husat i kisim HIV/AIDS i wankain olsem namba bilong ol man.

4. Kantri PNG i wanpela kantri i wok long go pas na winim ol arapela



**BERNARD MALLE**  
Helpim ol pikinini long rausim Alkohol na drag

membra kantri insait long Saut Pasifik rijin long bikpela rekot bilong HIV/AIDS. Long yia 2015 bai i gat 1-pela man insait long olgeta 10-pela man i kisim sik HIV/AIDS.

Marit em i kam long God na em i holi. Na long Papua Niugini marit em i wanpela bikpela samting tru. Insait long marit man na meri i sirukim wok bilong God long kamapim famili na mekim wok developmen long ples daun.

Long famili tasol, kalsa, tredisen na relijen i stap laip. Wok bilong skul na kisim trening long kamap gutpela manmeri i stap insait long marit na famili.

Olsem tasol dispela marit i mas stap gut na helti, bilong redim gutpela sindaun bilong bihain.

Tasol dispela sik nogut nau i wok long go insait long marit. AIDS insait long marit em i nogut. Em i wanpela bikpela hevi tru i kamap long Papua Niugini. Wantaim AIDS marit bai i dai. Olgeta gutpela wok bilong kantri long bihain taim bai i pinis wantaim dai bilong marit. Marit i olsem

pos bilong sosaiti. Em i holim man na meri na bungim ol long sanap strong. "AIDS insait long marit" i wok long kaikaim bun bilong sosaiti na i no long-taim sosaiti bai i pundaun na bruk i go planti hap. Kantri PNG bai pinis.

Ol pikinini meri em ol i wanpela spesol lain memba bilong famili. Bikos ol i meri nau i yangpela yet, ol i nidim planti kea na sapot bilong papamama.

Ol i no strong olsem pikinini man we ol inap long abrusim ol hevi na birua i laik bungim ol.

Long dispela yumi ol papa, waspapa, ol brata na wanlain i gat wok long taitim bun na mekim wok nau long luksave olsem ol meri i no ken bungim ol birua we i ken makim ol i sik na kisim bagarap.

Ol meri i liklik yet nau. Tasol ol mama bilong bihain. Em i wok bilong yumi long redim ol bilong bihain. Ol bai i marit wanpela de na kamapim famili. Ol i mas stap helti nau.

Nau yet planti ol gutpela wok bilong kantri e mol meri i wok long go het na mekim. Dispela i soim yumi olsem ol merit u i gat nem na namba long edukesin na wok developmen. Ol i givim hop long yumi.

Pikinini meri ol i strong na pawa bilong kantri. Em i wok bilong yumi ol man long banisim ol long sik nogut HIV/AIDS. Dispela sik i no ken daunim ol. Nogat tru!


**Kristen Lida Em i Wokman**

Lida i laik i stap lida namel long ol manmeri i mas i stap wokman bilong Kantri.

Na lida i laik i stap namba wan bilong ol manmeri em i mas i stap olsem wokboi nating bilong olgeta manmeri. Mak 10:43-44 Jisas Kraus em i lida tru bilong yumi ol Kristen. Orait em i mekim wanem kain pasin long soim yumi olsem em i lida tru? Long tude, wanem samting em i mak bilong ol Kristen lida? Yumi ken lukim 4-pela tok Jisas Kraus na Apostol Pol i bin autim long makim wok bilong lida.

Dispela tok i olsem:

1. **Wokman**
2. **Wasman**
3. **Bosbol**



**OL PRINSIPOL BILONG GUTPELA LIDA**  
wantaim  
Pastor na Evangelist OHARE JABERE

4. **Piksa**

Long Mak 10:42-45 na Matyu 23:1-12, Jisas Kraus i tokim yumi olsem; Husat man i laik kamap lida bilong ol manmeri, em i mas kamap wokman bilong helpim ol arapela Kristen manmeri. Long Luk 22:27 Jisas i tok; "...Mi stap namel long yupela olsem wokman bilong helpim yupela." Apostol Pol i save kolim em yet olsem "Wokboi bilong Jisas Kraus" (Rom 1:1; Fl 1:1; Ko 3:5). God i save ting olsem,

husat i stap wokman bilong helpim arapela manmeri em i gat biknem, orait sapos yu i laik bai God i kolim yu bikpela man, yum as daunim yu yet long ai bilong God na long ai bilong ol manmeri tu.

**Mining bilong dispela tok "Wokman"**

Nupela Testamen i gat 4-pela tok bilong ol wokman. Wanpela tok i save stap planti taim em i dispela tok "wok-

man" o "helpim" (Mak 10:43-45). Planti taim Pol i bin yusim wanpela strongpela tok olsem "wokboi nating" o "siev".

Ol dispela kain ol man i no inap long mekim wanpela liklik samting long laik bilong ol yet, ol i nogat taim bilong wok na sapos bosman i laik mekim wanem samting long ol, orait em i save mekim tasol. Na long ai bilong ol pipel, ol wokboi nating i rabis tasol.

Pol i ting em yet i wokboi nating bilong Bikpela Jisas. Tasol em i tok dispela i gutpela samting tru tru (Rom 1:1, 2Ko 4:5) God yet i makim ol lida bilong mekim wok bilong em: Lida i mas wok aninit long Bikpela Jisas (LIDA EM I GUTPELA WOK TRU TRU) Jisas i stiaman bilong yumi lida.

# Hausboi laik strongim PNG tingting



• Musik klip bilong singsing 'Melanesia' i soim stail bilong PNG tru. OL FOTO: CHM

**O**L i singsing long naispela kala bilong kantri bilong yumi, PNG. Na as tingting bilong musik bilong ol i stap wantaim laik bilong ol long ol manmeri bilong Papua Niugini i mas luksave long strong bilong kantri we i stap long ol naispela nambis, bus, solwara na diwai, na pasin bilong ol manmeri.

Dispela tripela manki husat i bin statim musik

bilong ol long wanpela liklik hausboi baksait long haus bilong man i go pas, John Faunt, nau i wok long opim rot wantaim ol singsing bilong ol long strongim kantri na ol pipel.

"Mi lusim yu na mi go long long we hap tru, i nogat wanpela peles em i wankain olsem yu. Ol kain kain man na meri rabisim yumi, i nogat wanpela peles em i olsem PNG..." toktok bilong namba wan singsing bilong ol 'Melanesia'.

Hausboi i bin kam stap long Pot Mosbi siti long las wik long pilai long makim namba 10 bondei bilong bikipela redio stesen insait long Pot Mosbi, NAUFM.

Pastaim long ol i statim singsing bilong ol, garamut bilong Manus i bin pairap, na wanpela manus grup i tromoi stail danis bilong ol.

Manus provins i kamap bikipela tru nau long musik bilong Hausboi tasol.

Planti singsing long albam bilong ol i gat liklik hap stail bilong musik bilong Manus yet.

Wantok i bin toktok wantaim John Faunt na David

Blume bilong Hausboi bihain long ol i pinisim musik konset bilong ol long las wik Sarere nait long askim ol long tingting baksait long musik bilong ol.

John Faunt yet i bin tokim Wantok olsem bikipela as tingting long ol singsing bilong ol em long kirapim bek dispela kain pasin bilong ol manmeri long sanap strong wantaim kantri na senisim pasin bai kantri i ken muv i go het.

"Insait long musik bilong mipela, mipela i laik tokaut long ol manmeri long strongim gutpela tingting. Noken tingting tumas long ol nogut samting. Mipela i laik helpim long promotim PNG, olgeta gutpela samting long PNG, na senisim pasin bilong ol manmeri bai ol i ken luksave long kantri bilong yumi," John i tok.

David Blume, manki Hausboi husat i save tromoi ol hap liklik rep long ol singsing bilong ol i tok olsem em i kirap nogut liklik long laik bilong ol manmeri long musik bilong ol.

"Mipela i no bin gat inap taim long redi long dispela konset, tasol mipela i kam na pilai tasol, na mipela i laikim tru gutpela bekim ol manmeri i givim mipela long nau nait.

"Long ol singsing we mipela i save singsing mipela i laikim bai ol man

meri i mas harim gut toktok bilong mipela na luksave long wanem samting mipela i tokim ol. Mipela stap long wanpela naispela kantri tru," David i tok.

Nau yet ol i wok long statim wok long nupela albam bilong ol. Sampela tingting i stap pinis, tasol ol i mas sindaun gut na bungim olgeta tingting bilong ol wantaim pastaim.

Tasol long sait bilong albam bilong ol Diriman, ol singsing olsem 'Melanesia' na 'Jayjay Sih' i wok long kukim laik bilong ol manmeri yet.



**SEKIM TV LONG DISPELA WIK:**

## 10.00 FONDE NAIT - KING OF QUEENS

Dispela pani man i save stap wantaim meri na tambu man bilong em. Wanpela man husat i save painim kain kain trabel. Sapos yu no mekim wanpela samting long Fonde nait, sekim dispela man na em bai mekim yu lap.



## 9.30PM - TUNDE NAIT -

# STINGERS

Olgeta Tunde nait long EMTV yu ken lukim Stingers. Dispela anda kava yunit bilong Australia. Em ol lain bilong giaman olsem ol arapela lain long traime na holim ol man nogut.





# Slim Buda bai kam yet

**PAPUA Niugini bai klostu harim sampela bikpela nius i kam long rastaman bilong PNG yet, Mr Boombastic. Planti man bai save long arapela nem bilong em Slim Buda.**

Mista Boombastic i bin bikpela aninit long dispela nem we papa bilong em, wanpela man Oro i bin givim em. Em i no givim wanpela nem bilong Oro yet olsem Lancelot, Kingsford, McLaren o David. Nogat, em i abrusim olgeta dispela kain nem bilong Anglican sios na i givim dispela nem 'Slim' long em.

"Em wanem kain nem ya," dispela man husat i wok long kamap 'buda' bilong PNG regei musik i tok. "Mi karim bikpela sem tru long dispela nem taim mi liklik manki."

Slim 'Buda' Rodney i kros wantaim na tok, "Olgeta manki long 8-mail we mi bin bikpela i bin givim mi kain kain nem long semim mi. Ol i save kolim mi Slim Dasti na mi no wanbel tru long ol."

Slim yet, mama bilong em bilong Rigo i karim em long Pot Mosbi. Em i tok em i nogat kros long Slim Dusty, dispela biknem musik man bilong Australia, tasol em i no wanbel olsem em i kisim dispela nem.

Bihain taim em i bikpela liklik, em i bin sapim het bilong em na ol arapela pikinini i stat long kotim em 'Buddah'. Em nau em i senisim spelling bilong nem ya na kamap wantaim stail nem bilong em yet.

Slim Buda i rausim namba wan albam bilong em wantaim CHM Supersound Studios long stat bilong dispela yia. Na dispela albam bilong em i karim sampela paia lait regei singsing tu. Dispela albam i karim 10-pela singsing, 8-pela long ol em Slim yet i raitim.

Tupela poro bilong em Roger Yobu na Peter Ado i raitim tupela arapela singsing 'Aga Rutz' na 'Pepa Moni'.

Slim i gat wanpela nek we i no wankain ol arapela PNG nek. Sapos yu harim namba wan taim, bai yu ting yu harim Shaggy o ol arapela musik atis bilong ovasis.

Em i save tok em bilong Doromu long Rigo insait long Sentrel Provins, maski papa bilong em bilong Oro.

"Doromu i givim mi olgeta samting mi gat nau, na bai mi tingim ol lain bilong mama bilong mi yet. Long bekim hap dinau long Doromu komyuniti, mi laik rekodim moa singsing bilong ol pipel bilong mi long niu yia long tokim olgeta man-meri olsem Doromu em i naispela ples tru long stap," Slim i

tok. Slim Buda em i no nupela man long musik. Em i go pas long Badmix Souls husat i katim pinis tupela musik albam.

Laik bilong em long regei musik i bin stat taim em i skul



long Sogeri Komyuniti Skul yet namel long 1985 na 1990. Tisa bilong em i save het pen tru taim em i save lusim klasrum bilong wanem Slim i save go pas long ol manki long singsing na mekim bikpela nois.

Bihain long em i skul long larowari hai skul, em i go skul long Mogol Sekenderi Skul long Sauten Hailans we em i stat long pilai long skul ben bihain long ol tisa bilong em i luskave long strong bilong nek bilong em.

Ol i askim em long go pas long skul ben bilong ol insait long wanpela provinset string-ben resis. Em i pilai drams na ol i winim fes prais bilong resis. Em nau em i luksave olsem em i laik kamap wanpela musik man.

Long 1995 em i kam bek long Mosbi we em i bungim ol manki Morobe i gat wanpela grup SPONS. Ol i givim wanpela demo kaset long CHM na bihain ol i stat long rekod aninit long nupela nem Badmix Souls.

Slim i bin stat singsing bekap wantaim sampela arapela musik atis bilong CHM na em i kisim strong long singsing em yet.

Mr Boombastic, albam bilong Slim, i soim tru tru strong bilong em long regei musik. Em yet i tokaut olsem ol singsing bilong em i stori long laip na pasin bilong laikim arapela.

Tasol nau em i lukluk long raitim ol singsing we bai i ken stretim sampela hevi insait long komyuniti.

"Yu no inap kisim gutpela kaikai bilong toktok bilong yu sapos yu raitim pas i go long niuspepa tasol. Musik em i strong moa long autim tingting bilong yu," Slim i tok. "Regei musik i wok long strong insait long ol komyuniti bilong mipela



**• Mista Boombastic-Slim Buda rastaman bilong PNG bai kambek gen na mekim bikpela pairap stret. Putim was long em.**

na i ken strongim ol tingting bilong mi long stretim sampela hevi insait long komyuniti."

Bihain long wanpela wik tasol we ol singsing bilong em i pilai long redio, Slim Buda i kisim 4-pela hit single long dispela yia.

Nau em i lukluk long namba

tu solo albam bilong em. Em bai stat long rekod long 2005.

Sapos yu save laikim musik bilong Slim Buda, putim ai long dispela niuspepa long lukim stori bilong nupela albam bilong em long neks yia.

**\*Yu ken ritim stori bilong ol musik man/meri long What's On With Raitman insait long POST COURIER tasol, Trinde, olgeta wik.**

| NATIONAL WEEKLY HIT PARADE                |                       |             |  |
|---|-----------------------|-------------|--|
| YUMI FM NATIONAL WEEKLY HITPARADE         |                       |             |  |
| Sarere Disemba 25, 2004 Twisties i sponsa |                       |             |  |
| Singsing                                  | Musik Atis            | Dispela Wik |  |
| Iti Bayama                                | Armstrong Gomara      | 1           |  |
| Sweet Karanas                             | O-shen                | 2           |  |
| Dimugura                                  | Bits & Pieces         | 3           |  |
| Lili                                      | Itambu                | 4           |  |
| Lewa                                      | Hausboi               | 5           |  |
| Sigi Mangi                                | Grumo Masalai         | 6           |  |
| Lareva                                    | Ex Hollie Maea        | 7           |  |
| Kina.com.pg.au                            | Simbary               | 8           |  |
| Sharon                                    | Uralom ft Rokas       | 9           |  |
| Jombie Kunex                              | New Painim Wok        | 10          |  |
| Pasin Tasol                               | Luke Banag            | 11          |  |
| Towescop                                  | Itambu                | 12          |  |
| Hard Life                                 | X-Anats               | 13          |  |
| Naike                                     | Hausboi               | 14          |  |
| Meri Siwi                                 | K-Mala                | 15          |  |
| Sugar Meri                                | Kuri Rup              | 16          |  |
| Luv Bait                                  | K-Mala                | 17          |  |
| Sikul Sepik                               | Julius Moab           | 18          |  |
| Zero Balance                              | Julius Moab           | 19          |  |
| Nellien                                   | Uralom Kania ft Moses | 20          |  |

## EMTV GAID

| Fonde 23/12/04                |                     | Mande 27/12/04              |                                      |
|-------------------------------|---------------------|-----------------------------|--------------------------------------|
| 5.30 JOYCE MEYER MINISTRY     | 11.30 PRAISE        | 5.00 CREFFLO DOLLAR         | 5.00 CREFFLO DOLLAR                  |
| 6.00 TODAY SHOW               | 00.00 STATION CLOSE | 5.00 JOYCE MEYER MINISTRY   | 6.00 TODAY SHOW                      |
| 9.00 MALOLO CLUB              |                     | 9.00 2ND TEST AUST V PAKIS  | 11.00 THE CRICKET SHOW               |
| 11.10 CREFFLO DOLLAR          |                     | 12.00 2ST TEST AUST V PAKIS | 4.57 EMTV TOKSAVE                    |
| 11.30 DR PHIL                 |                     | 5.00 THE PRICE IS RIGHT     | MONSTER SHOW CASE                    |
| 12.00 EMTV PRIME TIME LINE UP |                     | 6.00 NATIONAL EMTV NEWS     | 6.30 A CURRENT AFFAIR                |
| 2.30 THE WIGGLES              |                     | 6.58 TOK PISIN NEWS UPDATE  | 7.00 LOTTO DRAW                      |
| 3.00 BANANAS IN PYJAMAS       |                     | 7.01 PRAISE                 | 8.00 INSAT                           |
| 3.30 JUSTICE LEAGUE           |                     | 8.30 APPRENTICE             | 9.30 C.S.I CRIME SCENE INVESTIGATION |
| 4.00 HOT SOURCE               |                     | 10.30 NEWS REPLAY           | 11.00 CHM SUPER SOUND                |
| 4.30 Y                        |                     | 12.00 NIGHTLINE             | 12.30 CLOSE                          |
| 5.00 THE PRICE IS RIGHT       |                     |                             |                                      |
| \$100,000 SUPER SHOWCASE      |                     |                             |                                      |
| 6.00 NATIONAL EMTV NEWS       |                     |                             |                                      |
| 6.30 A CURRENT AFFAIR         |                     |                             |                                      |
| 6.59 LOTTO DRAW               |                     |                             |                                      |
| 7.00 CHM SUPER SOUND          |                     |                             |                                      |
| 7.57 EMTV TOKSAVE             |                     |                             |                                      |
| 8.00 FEAR FACTOR              |                     |                             |                                      |
| 9.00 WITHOUT TRACE            |                     |                             |                                      |
| 10.00 KING OF QUEENS          |                     |                             |                                      |
| 10.30 EMTV NEWS REPLAY        |                     |                             |                                      |
| 11.00 WALKER TEXAS            |                     |                             |                                      |
| 00.00 NIGHTLINE               |                     |                             |                                      |
| 0.30 STATION CLOSE            |                     |                             |                                      |

| Fonde 24/12/04                   |                             | Fonde 28/12/04              |                            |
|----------------------------------|-----------------------------|-----------------------------|----------------------------|
| 5.29 STATION OPEN                | 5.29 STATION OPEN           | 5.30 JOYCE MEYER MINISTRY   | 6.00 TODAY SHOW            |
| 5.30 JOYCE MEYER MINISTRY        | 6.00 TODAY SHOW             | 9.00 2ND TEST AUST V PAKIS  | 11.30 THE CRICKET SHOW     |
| 6.00 TODAY SHOW                  | 9.00 2ND TEST AUST V PAKIS  | 12.00 2ND TEST AUST V PAKIS | 4.57 EMTV TOKSAVE          |
| 9.00 MALOLO CLUB                 | 12.00 2ND TEST AUST V PAKIS | 5.00 THE PRICE IS RIGHT     | 6.00 NATIONAL EMTV NEWS    |
| 11.10 CREFFLO DOLLAR             | 4.57 EMTV TOKSAVE           | 6.30 A CURRENT AFFAIR       | 6.58 TOK PISIN NEWS UPDATE |
| 11.30 DR PHIL                    | 5.00 THE PRICE IS RIGHT     | 6.59 LOTTO DRAW             | 7.00 BACK YARD BLITZ       |
| 12.00 EMTV PRIME TIME LINE UP    | 6.00 NATIONAL EMTV NEWS     | 7.30 HOLIDAY SHOWDOWN       | 8.27 EMTV TOKSAVE          |
| 2.30 THE WIGGLES                 | 6.30 A CURRENT AFFAIR       | 8.30 JAG                    | 9.30 THIRD WATCH           |
| 3.00 BANANAS IN PYJAMAS          | 6.58 TOK PISIN NEWS UPDATE  | 10.30 EMTV NEWS REPLAY      | 11.00 ER                   |
| 3.30 JUSTICE LEAGUE              | 6.59 LOTTO DRAW             | 00.00 NIGHTLINE             | 00.30 STATION CLOSE        |
| 4.00 HOT SOURCE                  | 7.00 BACK YARD BLITZ        |                             |                            |
| 4.30 Y                           | 7.30 HOLIDAY SHOWDOWN       |                             |                            |
| 5.00 THE PRICE IS RIGHT          | 8.27 EMTV TOKSAVE           |                             |                            |
| \$100,000 SUPER SHOWCASE         | 8.30 JAG                    |                             |                            |
| 6.00 NATIONAL EMTV NEWS          | 9.30 THIRD WATCH            |                             |                            |
| 6.30 A CURRENT AFFAIR            | 10.30 EMTV NEWS REPLAY      |                             |                            |
| 6.58 NEWS UPDATE TOK PISIN       | 11.00 ER                    |                             |                            |
| 6.59 LOTTO DRAW                  | 00.00 NIGHTLINE             |                             |                            |
| 7.00 FRIDAY FIGHT NIGHT          | 00.30 STATION CLOSE         |                             |                            |
| 7.57 EMTV TOKSAVE                |                             |                             |                            |
| 8.00 CAROLS BY CANDLE NIGHT      |                             |                             |                            |
| 11.00 AIRLINE: Christmas special |                             |                             |                            |
| 00.00 NIGHTLINE                  |                             |                             |                            |
| 00.30 STATION CLOSE              |                             |                             |                            |

| Sarere 25/12/04   |                                      |
|---|--------------------------------------|
| 7.00 WHEN GODS HEART BREAK                                | 6.29 STATION OPEN                    |
| 7.30 IT'S HI-5 CHRISTMAS                                  | 5.30 JOYCE MEYER MINISTRY            |
| 8.00 PLANET FANTIA  | 6.00 TODAY SHOW                      |
| 9.30 DOWNLOAD   | 9.00 2ND TEST AUST V PAKIS           |
| 10.00 SO FRESH  | 11.30 CRICKET SHOW                   |
| 11.30 MOVIE: THE SECRET OF GIVING                         | 12.00 2ND TEST AUST V PAKIS          |
| 1.00 CAROLS BY CANDLE LIGHT                               | 4.57 EMTV TOKSAVE                    |
| 3.30 COMMISSIONERS CHRISTMAS CAROLS                       | 5.00 THE PRICE IS RIGHT              |
| 5.00 ESCAPE WITH E.T                                      | 6.00 NATIONAL EMTV NEWS              |
| 5.30 FISHING AUSTRALIA                                    | 6.30 A CURRENT AFFAIR                |
| 6.00 NATIONAL NEWS EMTV                                   | 6.57 TOK PISIN NEWS UPDATE           |
| 6.30 SOUTH PACIFIC MUSK                                   | 6.59 LOTTO DRAW                      |
| 7.30 MOVIE PREMIER:HARRY POTTER & THE PHILOSOPHER'S STONE | 7.00 WORLD OF WILD LIFE              |
| 9.57 EMTV TOKSAVE   | 7.30 WIFE SWAP- NEW SERIES           |
| 10.00 HERCULES: THE LEGENDARY JOURNEY                     | 8.57 EMTV TOKSAVE                    |
| 11.00 2004 QUEENS CHRISTMAS MESSAGE                       | 9.00 WEDNESDAY NIGHT MOVIE: SPY KIDS |
| 11.01 THE LEGEND OF THE HIDDEN CITY                       | 11.00 SOUTH PACIFIC MUSIC            |
| 0.10 KING OF QUEENS                                       | 11.30 EMTV NEWS REPLAY               |
| 00.40 CLOSE   | 12.00 NIGHTLINE                      |
|   | 12.30 STATION CLOSE                  |

| Sande 26/12/04   |                                      |
|--|--------------------------------------|
| 6.59 STATION OPEN  | 6.29 STATION OPEN                    |
| 7.00 IT IS WRITTEN   | 5.30 JOYCE MEYER MINISTRY            |
| 7.30 WORLD OF WILDLIFE   | 6.00 TODAY SHOW                      |
| 8.00 AMERICAN CINEMA   | 9.00 2ND TEST AUST V PAKIS           |
| 9.00 2ND TEST AUST V PAKIS   | 11.30 CRICKET SHOW                   |
| 11.30 CRICKET SHOW   | 12.00 2ND TEST AUST V PAKIS          |
| 12.00 AUST V PAKIS CONT..  | 4.57 EMTV TOKSAVE                    |
| 5.30 CHANGING ROOMS  | 5.00 THE PRICE IS RIGHT              |
| 6.00 NATIONAL EMTV NEWS  | \$500,000 SUPER SHOWCASE             |
| 6.30 TOUCH BY AN ANGLE   | 6.00 NATIONAL EMTV NEWS              |
| 7.30 PREMIER SPECIAL: AIR JAWS II- EVEN HIGHER   | 6.30 A CURRENT AFFAIR                |
| 8.57 EMTV TOKSAVE  | 6.57 TOK PISIN NEWS UPDATE           |
| 9.00 MOVIE: DR ZHIVAGO (1965) Drama Romance- A love caught in the fire of revolution. Life of a Russian doctor/poet who, although married, falls for political activist's wife and experiences hardships during the Bolshevik Revolution, Starring Omar Sharif, Julie Christie | 7.00 LOTTO DRAW                      |
|  | 7.00 WORLD OF WILD LIFE              |
|  | 7.30 WIFE SWAP- NEW SERIES           |
|  | 8.57 EMTV TOKSAVE                    |
|  | 9.00 WEDNESDAY NIGHT MOVIE: SPY KIDS |
|  | 11.00 SOUTH PACIFIC MUSIC            |
|  | 11.30 EMTV NEWS REPLAY               |
|  | 12.00 NIGHTLINE                      |
|  | 12.30 STATION CLOSE                  |

**STINGERS**  
9.30 PM TUNDE NAIT



# CATHOLIC RADIO schedule

| Fonde |                                    |
|-------|------------------------------------|
| 6:00  | ANGELUS                            |
| 6:05  | MEDITATION/INSPIRATIONAL MUSIC     |
| 7:00  | VATICAN RADIO WORLD NEWS           |
| 7:15  | VATICAN ENGLISH PROGRAM            |
| 7:35  | NON-STOP GOSPEL MUSIC              |
| 8:00  | JOURNEY HOME (EWTN)                |
| 9:00  | VATICAN RADIO WORLD NEWS           |
| 9:15  | VATICAN ENGLISH PROGRAM            |
| 9:40  | KIDS SING-ALONG                    |
| 10:00 | CATHOLIC JUKEBOX                   |
| 10:30 | GOSPEL MUSIC                       |
| 11:00 | NON-STOP GOSPEL MUSIC              |
| 12:00 | ANGELUS                            |
| 12:05 | VATICAN WORLD NEWS                 |
| 12:20 | VATICAN ENGLISH PROGRAM            |
| 12:40 | REFLECTION MUSIC                   |
| 1:00  | LAMB'S SUPPER WITH DR. SCHOTT HAHN |
| 2:00  | MUSIC                              |
| 3:00  | CHAPLET OF DIVINE MERCY            |
| 3:20  | NON-STOP GOSPEL MUSIC              |
| 4:00  | CATHOLIC JUKEBOX (ENCORE)          |
| 4:30  | NON-STOP GOSPEL MUSIC              |
| 5:00  | JOURNEY HOME                       |
| 6:00  | ANGELUS                            |
| 6:05  | MADANG LOCAL NEWS                  |
| 6:10  | VATICAN ENGLISH PROGRAM            |
| 6:30  | LAMB'S SUPPER WITH DR. SCHOTT HAHN |
| 7:00  | HOLY ROSARY                        |
| 7:30  | CATHOLIC INSIGHT                   |
| 8:00  | VATICAN WORLD NEWS                 |
| 8:15  | MADANG LOCAL NEWS                  |
| 9:30  | VATICAN ENGLISH PROGRAM            |
| 9:00  | TOK STREET LONG HVAIDS             |
| 10:30 | VATICAN ENGLISH PROGRAM            |

| Mande |                                |
|-------|--------------------------------|
| 6:00  | ANGELUS                        |
| 6:05  | MEDITATION/INSPIRATIONAL MUSIC |
| 7:00  | VATICAN WORLD NEWS             |
| 7:15  | VATICAN ENGLISH PROGRAM        |
| 7:35  | NON-STOP GOSPEL MUSIC          |
| 8:00  | RADIO ST. JOSEPH PRESENTS      |
| 9:00  | VATICAN WORLD NEWS             |
| 9:15  | ENGLISH PROGRAM                |
| 9:35  | KIDS SING-ALONG                |
| 10:00 | CATHOLIC JUKEBOX               |
| 10:30 | NON-STOP GOSPEL MUSIC          |
| 12:00 | ANGELUS                        |
| 12:05 | VATICAN WORLD NEWS             |
| 12:20 | VATICAN ENGLISH PROGRAM        |
| 12:40 | REFLECTION MUSIC               |
| 1:00  | OUR FATHER'S PLAN              |
| 1:30  | AFTERNOON GOSPEL MUSIC         |
| 3:00  | CHAPLET OF DIVINE MERCY        |
| 3:20  | NON-STOP GOSPEL MUSIC          |
| 4:00  | CATHOLIC JUKEBOX (EWTN)        |
| 4:30  | NON-STOP GOSPEL MUSIC          |
| 5:00  | WAVE FACTOR (EWTN)             |
| 6:00  | ANGELUS                        |
| 6:05  | VATICAN ENGLISH PROGRAM        |
| 6:30  | FATIMA                         |
| 7:00  | HOLY ROSARY                    |
| 7:30  | STATIONS OF THE CROSS          |
| 8:00  | VATICAN WORLD NEWS             |
| 8:15  | CRN LOCAL NEWS                 |
| 8:30  | VATICAN ENGLISH PROGRAM        |
| 9:00  | TOK STREET LONG HVAIDS         |
| 10:00 | CATHOLIC JUKEBOX               |
| 10:30 | VATICAN ENGLISH PROGRAM        |
| 11:00 | NON-STOP GOSPEL MUSIC          |

| Fonde |                                |
|-------|--------------------------------|
| 6:00  | ANGELUS                        |
| 6:05  | MEDITATION/INSPIRATIONAL MUSIC |
| 7:00  | OUR FATHER'S PLAN              |
| 7:30  | CROSSROADS (EWTN)              |
| 8:00  | VATICAN WORLD NEWS             |
| 8:15  | VATICAN PROGRAM                |
| 8:35  | MUSIC                          |
| 9:30  | BACKSTAGE (EWTN)               |
| 10:00 | WAVE FACTOR                    |
| 11:00 | NON-STOP GOSPEL MUSIC          |
| 12:00 | ANGELUS                        |
| 12:05 | VATICAN WORLD NEWS             |
| 12:20 | VATICAN ENGLISH PROGRAM        |
| 12:40 | GOSPEL MUSIC                   |
| 3:00  | CHAPLET OF DIVINE MERCY        |
| 3:20  | GOSPEL MUSIC                   |
| 4:00  | BACKSTAGE                      |
| 4:30  | NON-STOP GOSPEL MUSIC          |
| 5:00  | WORLD OVER NEWS                |
| 6:00  | ANGELUS                        |
| 6:05  | VATICAN ENGLISH PROGRAM        |
| 6:30  | MIRACLES OF THE CROSS          |
| 7:00  | HOLY ROSARY                    |
| 7:30  | CROSSROADS                     |
| 8:00  | VATICAN WORLD NEWS             |
| 8:15  | VATICAN ENGLISH PROGRAM        |
| 9:00  | WORLD OVER NEWS (EWTN)         |
| 10:00 | BACKSTAGE                      |
| 10:30 | VATICAN ENGLISH PROGRAM        |
| 10:50 | NON-STOP GOSPEL MUSIC          |

| Sande |                                |
|-------|--------------------------------|
| 6:00  | ANGELUS                        |
| 6:05  | MEDITATION/INSPIRATIONAL MUSIC |
| 8:00  | VATICAN WORLD NEWS             |
| 8:15  | VATICAN ENGLISH PROGRAM        |
| 8:35  | NON-STOP GOSPEL MUSIC          |
| 9:00  | SUNDAY EUCHARIST LIVE          |
| 10:30 | NON-STOP MUSIC                 |
| 11:00 | IN THE LORD'S VINEYARD         |
| 12:00 | ANGELUS                        |
| 12:05 | VATICAN WORLD NEWS             |
| 12:20 | VATICAN ENGLISH PROGRAM        |
| 12:40 | GOSPEL MUSIC                   |
| 3:00  | CHAPLET OF DIVINE MERCY        |
| 3:20  | GOSPEL MUSIC                   |
| 5:00  | SIGNS OF THE TIMES (PTA)       |
| 6:00  | ANGELUS                        |



## Pasim rot bilong wel i go long Wes

**Ijip:**  
Wanpela man husat i tok olsem em i Osama bin Laden i toktok long wanpela rekota we i kamaut long wanpela websait bilong Islam las Trinde. Em i tok amamas long ol man husat i bin bomim wanpela konsulet bilong Yunaitet Stet ov Amerika (USA) long Saudi Arabia long dispela mun. Em i singaut tu long ol paitman long pasim rot bilong wel i go long ol kantri bilong Wes olsem USA.




## AIDS marasin bilong ol bebi bai stop



**Yuganda:**  
Ol dokta na ol manmeri husat i save sanap strong long dispela pait wantaim sik AIDS long Afrika i wari olsem ol gavman bai pasim yus bilong wanpela AIDS marasin, we i save pasim ol bebi long kisim HIV. Ol gavman i laik mekim olsem bihain long testing bilong dispela marasin long ol meri i gat bel i no bin go gut.

## Fri heltkea na marasin bilong AIDS

Dispela poto i soim binatang bilong HIV. Wanpela grup bilong ol saveman bilong helt, ol institusen na ol non gavman oge-naisesen (NGO) bilong wol, las wik i singaut olsem Afrika na ol arapela diveloping kantri long wol i mas gat fri heltkea na marasin bilong AIDS.



## Kontrol long Gavman daunim korapsen



**Naijiria:**  
Sief bilong anti-korapsen long Naijiria, Nuhu Ribadu, i toktok long wanpela intaviu long hedkota bilong em long Abuja, kapitel siti bilong Naijiria, long Disemba 16. Em i tok olsem long olgeta yia, korapsen na mismenesmen i save paulim mak olsem \$8 bilien bilong \$20 bilien wel mani bilong kantri. Dispela mak bilong mani i save paul i kam daun bihain long ol i putim nupela kontroi long ol fainens bilong gavman. Tupela yia i go pinis mak bilong mani i save paul i stap long \$14 bilien.

## "Kemikel Ali" bai kot Irak

Ali Hassan al-Majid o "Kemikel Ali" em wanpela bilong ol deputi bilong Saddam Hussein husat plan-ti man i bin save pretim. Em i bai namba wan lidaman bilong olpela gavman bilong Saddam Hussein long sanap long kot long ol rong em i bin mekim long taim bilong wo. Dispela toktok i bin kam long Difens Minista bilong Irak, Hazim al-Shaalan, long Disemba 15. Em i tok olsem kot bilong Kemikel Ali bai stat long dispela wik.



## Nupela marasin bilong malaria



**Saina:**  
Ol saientis bilong Saina i painim wanpela nupela marasin bilong stretim malaria. Dispela marasin i kam long wanpela diwai ol i kolim "swit wemwud", wanpela marasin bilong ol Saina. I gat bilip olsem dispela bai helpim long statim wanpela wok painimaut i go insait long ol marasin bilong Saina we planti manmeri long wol i no gat save long ol.

## Pait stap yet long Sudan

**Sudan:**  
Dispela poto i soim ol paitman bilong Sudan Liberesen Muvmen i wet long beis bilong ol long Gellab, Not Dafur long Sudan, taim ol i bin gat wanpela bung wantaim ol opisa bilong Afrika Yunien (AU) long Novemba 8. Wanpela mausman bilong Afrika Yunien i tok olsem pait i stap yet na wanpela man i bin sutim daun wanpela helikopta bilong AU.



## 2,000 meri wasim klos wantaim

**Indonesia:**  
Moa long 2,000 meri bilong Indonesia i wasim ol klos wantaim long wanpela hap long Surabaya siti. Ol i mekim olsem long kamapim wanpela rekot na tu long donetim o givim ol dispela klos long ol pikinini husat i nogat papamama. Mak olsem 2, 013 hausmeri i kamap long dispela bung.

## Meri kamap lukaut bubu


**Yunaitet Stets ov Amerika:**  
Long 4-pela mun i go pinis Sheila Blackmond, meri long namel, i kamap lukaut bubu bilong 6-pela pikinini husat mama bilong ol i dai bihain long papa bilong ol i bin sutim em wantaim naip. Ol famili na poro bilong em i tok welkam em long haus bilong em bihain long sampela man na meri i bin wokhat long stretim gut haus bilong em long Disemba 19 long Niu Yok.





# Pawa bilong Bikpela

**Krismas Toktok i kam long  
Bisop Peter Fox  
Pot Mosbi Anglican Daiosis**



**Bisop Peter Fox  
Pot Mosbi Anglican Daiosis**

**P**astaim long hap graun i bin raun long spes long kamap Planet Earth,

Pastaim long ol galeksi na ol sta i bin lait long nait,

Pastaim long taim we i gat nait bilong ol sta long lait,

Long stat bilong olgeta samting - Em i bin stap.

Olgeta yia, long Krismas Taim insait long ol sios long olgeta hap long wol, Gospel bilong Krismas i stap na mipela i save ritim insait long Gospel bilong Santu John, ol dispela toktok, "Long stat bilong olgeta samting, Toktok i stap...Na Toktok i bin stap wantaim God...na Toktok em i God..."

Long stat bilong olgeta samting Toktok i stap.

"Toktok i kamap man," John i tok, "na em i stap wantaim mipela."

Gutpela tru...gutpela tru. Olsem laik bilong God em i bikpela tru tasol em i mekim em i liklik moa.

Long ai bilong God, ol dainoso i dai aste tasol; hamas milien yia i lus long graun em i olsem liklik taim tasol.

Olsem Psalm 90 i tok, Wan Tausen yia long ai bilong God em i olsem wanpela de i lus, olsem wanpela nait i pinis (Psalm 90:3)

Apim ai bilong yupela go long nait skai. Traim na kandim ol sta.

Sampela sta mipela i ken lukim i dai pinis. Ol dispela sta i stap long we tru long Earth na lait bilong ol i save ron samting tausen yia long kam long mipela. Planti tausen yia long lait bilong ol long painim mipela.

Mipela ol man em ol samting nating tasol. Mipela i toktok long God, em i bikpela tru, tasol mipela yet i no inap long luksave long

bikpela bilong Yunives, dispela Yunives god yet i mekim, na em i wok long mekim yet.

Dispela em i God bilong mipela we mipela i save amamasim bondei bilong em long Krismas taim.

Wanpela liklik manki i wok long toktok wantaim mama bilong em.

"God i stap we?" em i askim.

"Em i stap long olgeta hap," Mama bilong em i bekim.

"Em i stap antap long skai?"

"Yes."

"Antap long mun?"

"Yes."

"Insait long bel bilong mi?"

"Yes."

"Em i stap insait long dispela rum?"

"Yes, em i stap."

"Em i stap insait long dispela kap ti?"

"Yes. Em i stap."

Liklik manki i karamapim kap wantaim han bilong em na em i tok, "Lukim! Mi holim em pinis."

Mipela olsem dispela liklik manki.

Mipela save ting olsem mipela inap long holim God insait long wanpela ti kap.

Dispela God i mekim planet Jupita na mipela i ting olsem mipela i ken tokim em long mekim samting.

Nau mipela i mas wokabaut long graun santu. Yumi go klostu moa long God. Yumi luksave long bikpela toktok tru.

God i laikim yumi tru.

**GOD I LAIKIM YUMI TRU.**

Olsem na toktok i kamap man, olsem Santu John i tokim mipela. Olsem na Krai, Toktok bilong God, i kam daun long heven long kamap olsem pikinini bilong Maria, Jisas, Sevia bilong mipela.

Na nau mipela i luksave olsem God em i bikpela moa. Bikpela moa long husat i mekim mipela, bikpela moa long husat i mekim yunives. Em i bikpela moa. Em i pasin bilong laikim tru.

Olsem na em husat i mekim ol sta i ken kamap gen insait long ol lewa na het bilong ol man, ol manmeri olsem yu na mi, long stap wantaim mipela oltaim.

Toktok i kamap man na em i stap namel long mipela.

Bikpela amamas na blesing bilong Krismas i stap wantaim yupela olgeta.



**Modereta bilong United Sios insait long Papua Niugini  
Rev. Samson Lowa**

Askim God long helpim famili

**LONG** makim maus bilong United Sios insait long Papua Niugini, mi laik tok Hepi Krismas na wanpela gutpela Niu Yia, 2005.

Em i prea bilong mi olsem yu mas yusim dispela taim bilong Krismas long prea na strongim famili bilong yu.

Famili em i ples we mipela i ken go painim laik na we mipela i kisim laik bilong ol arapela; we mipela i kisim skul na klos na kisim bikpela laik tru long ol papamama na ol wanfamili.

Em i ples we mipela i kisim skul long pasin bilong laikim arapela, kisim skul long gutpela laip, na ples we mipela i ken soim pasin na i no sem long en.

I gat wanpela bikpela hevi nau long haus. Ol gutpela strongpela

# Krismas Toktok

**i kam long  
Modereta bilong United Sios insait long Papua Niugini  
Rev. Samson Lowa**

famili i wok long bruk na ol i save lus tingting long ol yet.

Pasin bilong bung wantaim insait long famili i wok long bruk na kamapim ol birua olsem divos. Ol liklik pikinini nau i wok long stap namel long dispela hevi.

Ol pasin nogut bilong laikim moa yet na korapsen insait long famili i go bikpela na gutpela sindaun bilong famili i wok long bruk i go moa yet.

Olgeta dispela samting i wok long kamapim haus we i bruk na i stap wantaim bagarap.

Askim bilong mi i go long yupela em yupela i mas singaut long God "Emmanuel" long karim gutpela laikim pasin na hop.

Yu save husat i wok long pilim pen? God i laik stretim hevi bilong dispela man o meri long dispela taim bilong amamas na em bai laikim helpim bilong yu.

Smail long dispela man o meri. Toktok long ol na prea long em. Serim hap toktok bilong God.

Birua i kam long HIV/AIDS tu, dispela sik we i kilim planti wan famili pinis. Namba bilong ol pikinini i nogat papamama i go antap.

Mipela lukim long nius we ol i planim ol pikinini husat i dai long HIV/AIDS na husat i nogat papamama o famili.

Em i pasin bilong ol Kristen na pipel bilong Melanesia. Long narapela sait, yumi save mekim

wanem kain pasin long ol manmeri husat i gat HIV/AIDS o husat i karim hevi bilong dispela sik?

Yumi lukim PNG olsem wanpela famili we i karim hevi bilong dispela sik? Nau i no moa wanpela hevi bilong helt tasol.

Nau dispela sik i kamap wanpela hevi bilong developmen bilong olgeta manmeri bilong dispela kantri.

Long tingting bilong mi yet, mi pilim olsem mipela olgeta i mas bung wantaim long wanpela de bilong prea na tanim bel na askim God long lusim mipela na ol pasin nogut bai mipela i ken strong bek gen.

"Sapos ol pipel bilong mi i prea long mi na tanim bel na lusim ol pasin nogut, bai mi harim hol long heven, rausim ol pekato bilong ol na mekim graun bilong ol i karim gutpela kaikai gen." (2 Chronicles 7:14). GNB.

Dispela taim bilong amamas i givim mipela long dispela sta gen. Planti haus, opis, strit i wok long lait wantaim ol Krismas lait na bilas.

Ol dispela bilas bai kam daun na ol lait bai dai bihain. Tasol wanpela bikpela presen tru em i Lait bilong wol, man husat i save bungim bek ol famili i bruk, dispela man yu bai laikim.

Em i Jisas Krai, Sevia bilong Wol. Na em i sevia bilong sol bilong mi na yu. Long dispela taim

bilong amamas, singautim em i kam insait long haus na famili bilong yu.

Lusim em i go pas long lewa bilong yu. Mi bilip olsem God insait long Jisas Krai i gat inap pawa long givim mipela olgeta samting mipela i laikim. Dispela em i rait bilong yu long tanim i go long Jisas Krai.

God tasol i gat pawa long putamapim ol veli bilong yu. Em tasol i gat pawa long stretim ol maunten bilong ol hevi bilong famili.

Em tasol i gat pawa long stretim ol paut pasin bilong yu.

God em i wanpela tasol husat i gat pawa long smutum ples we i no stret (Isaiah 40:3-5).

Dispela em i toktok bilong Krismas bilong strongim na stretim ol sait bilong haus i bruk.

Wankain tasol olsem angelo bilong God i autim toktok bilong God long namba wan Krismas, mi prea olsem Santu Spirit i autim toktok we inap long tanim na stretim famili bilong yu.

**God i redi long tanim laip bilong yu. Na yu? Merry Krismas na wanpela Niu Yia i**





# Krismas pas

## i kam long Bisop Stephen Reichert, Daiosis bilong Mendi

Ol Bratasusa,

**T**AIM yumi tok Hepi Krismas long ol famili, ol wantok na ol manmeri long komuniti yumi stap long en, yumi toksave long wanpela bikpela samting i bin kamap bipo na i gat moa mining yet long dispela taim bilong yumi tu.

Em betde bilong Jisas, Godman tru husat i bin kam na i stap wantaim yumi manmeri bilong graun.

Em i Ridima bilong yumi husat i givim laip bilong em long kisim bek yumi. Em i Brata na Bikpela bilong yumi husat i save soim rot long yumi long kisim laip bilong oltaim.

Tru tumas, yumi ken tokaut strong, Hepi Krismas! Em i taim bilong amamas na bel isi olsem na Ensel bilong God i bin singaut strong, "Yupela i no ken pret. Harim.

Mi bringim gutnius i kam long yupela, em nius bilong mekim olgeta manmeri i amamas tru. Long dispela de long taun bilong Devil, wanpela meri i karim pikinini.

Na dispela pikinini bai kisim bek yupela olgeta (Luk 2:10-11a). Na ol Ensel i bung na singsing moa olsem, "Litimapim nem bilong God i save stap antap tru. Na long graun ol manmeri i ken stap bel isi. God i belgut long ol (Luk 2:14)."

Taim yumi tingting long meri i karim pikinini yumi save tingting wantaim long gutpela famili laip.

Maria, mama bilong Jisas i maritim Josep, "em i stretpela man (Matyu 1:19)" Tasol taim tupela i no i stap wantaim yet, ol i lukim Maria i gat bel.

Holi Spirit tasol i bin mekim na Maria i gat bel (Matyu 1:18b). Long driman Ensel i toksave long Josep wanem mining bilong dispela samting i bin kamap. "Taim Josep i kirap long slip, orait em i mekim olsem ensel bilong Bikpela i bin tokim em.

Em i kisim meri bilong en (Matyu 1:24)." Olsem na Josep i laikim na rispektim Maria, meri bilong em, na Maria i mekim olsem long man bilong em tu. Na tupela i lukautim na skulim pikinini Jisas gut tru.

Etpela de i go pinis, Josep na Maria i kisim pikinini Jisas i go long Tempel bilong givim em long God. "Tupela i laik bihainim tok i stap long lo bilong Bikpela olsem, 'Ol namba wan pikinini man mama i karim, ol dispela yupela i mas givim long God (Luk 2:23)."

Em olsem, Holi Famili i bihainim gut ol lo bilong God.

Na taim Herot i laik kilim pikinini Jisas, Josep i kirapim Maria na Jisas long biknait tru na ol i go ranawe long Isip, longwe ples, inap long taim em i sef long i kam bek gen long Nasaret, as ples bilong dispela famili.



**Bisop Stephen Reichert**  
Daiosis bilong Mendi

Josep i mekim olsem ol gutpela papa i save mekim

Bihain, 12pela yia i go pinis long en, bilong bihainim lo bilong God, Josep, Maria na Jisas i go wantaim sampela wantok long Tempel "long Jerusalem bilong lukim Bikpela De Bilong Tingim De God i Larim Ol Israel i Stap Gut (Luk 2:42)."

Jisas i lus long taun, olsem na Josep wantaim Maria i go bek long painim em. Tripela de i go pinis na tupela i lukim Jisas i stap long Tempel na toktok wantaim ol saveman bilong lo bilong God.

Orait Jisas i go bek wantaim Josep na Maria, "na ol i kamap long Nasaret, na oltaim em i bihainim tok bilong tupela. Na mama bilong en i putim dispela olgeta tok long bel bilong en na i holim i stap. Na Jisas i kamap bikpela, na

save bilong en i kamap gutpela tru. Na God i laikim em tru na ol man tu i laikim em (Luk2:51-52)."

Taim Jisas i bikpela pinis em i go long Wara Jordan we Jon bilong Baptais i mekim wok bilong em. Jon i singautim ol manmeri long tanim bel na em i baptaisim ol long wara olsem mak bilong ol i mas bihainim tok bilong God.

Jon i baptaisim Jisas na Holi Spirit i kamdaun long em. God i tok, "Yu Pikinini bilong mi. Mi laikim yu tumas. Bel bilong mi em i amamas long yu (Mak:1:11)." Long dispela taim Jisas i kirapim wok bilong em, long autim Gutnius long ol manmeri.

Wanpela taim ol Farisi i askim Jisas long givim skul long marit. Na Jisas i tok olsem, "Bipo tru, taim God i wokim olgeta samting, em i wokim ol manmeri na em i mekim kamap man na meri.

Olsem na man i save fusim papamama na i pas wantaim meri bilong en, na tupela i kamap wanpela bodi tasol."

God i tok olsem na tupela i no i stap olsem tupela moa. Nogat. Tupela i kamap olsem wanpela bodi tasol. Olsem na samting God i pasim pinis, em man i no ken katim (Mak 10:6-9)."

Long dispela tok Jisas i skulim maritmanmeri olsem,

man i mas laikim meri bilong em na meri i mas laikim man bilong em, moa long ol i laikim papamama na lain bilong ol.

Marit i samting bilong oltaim na yumi no ken brukim. Na man i ken kisim wanpela meri tasol. Pasin bilong man i kisim tupela o tripela meri em min olsem manmeri i no save bihainim tok bilong Jisas.

Santu Pol, em man i bin autim tok bilong Jisas long ol haiden manmeri, i bin givim skul long Kristen marit na famili laip olsem, "Yupela i mas ting long Kraus em i Bikpela bilong yupela, na yupela wan wan i mas i stap aninit long ol arapela manmeri bilong God.

Yupela meri, yupela i mas aninit long ol man bilong yupela, olsem yupela i aninit long Bikpela.

Long wanem, man em i het bilong meri bilong en, olsem Kraus em i het bilong sios....Yupela man, yupela i mas laikim tumas ol meri bilong yupela, olsem Kraus i laikim tumas sios na i givim laip bilong em yet bilong helpim sios....Olsem tasol yupela man, yupela i mas laikim tru ol meri bilong yupela, olsem yupela i save laikim bodi bilong yupela yet....Yupela pikinini, yupela i mas bihainim tok bilong papamama bilong yupela. Yupela olgeta i pas wantaim Bikpela, na dispela pasin em i stretpela pasin bilong yupela i mekim....Na yupela papa, yupela i no ken bagarapim tingting bilong ol pikinini bilong yupela na mekim ol i belhat long yupela. Nogat. Yupela i mas mekim gutpela pasin long ai bilong bikpela, na stretim gut ol pikinini bilong yupela na skulim ol long tok bilong Bikpela. (Efesus 5:21-23, 25,28 - 6:1,4)."

Dispela tok bilong Santu Pol i min olsem gutpela famili laip bai kamap taim papamama wantaim pikinini i laikim tru, rispektim olgeta na harim tok bilong arapela long famili.

Na papamama i mas lukautim gut ol pikinini na skulim ol long wokabout stret long ai bilong God.

Orait, em tasol liklik skul mi laik givim yupela long taim bilong Krismas. Yes, Krismas em i taim bilong tingting long God i bin sori long yumi na em i salim Pikinini bilong em i kam i stap wantaim yumi. Maria i karim em na Josep i lukautim dispela Holi Famili.

Tasol Krismas em i taim bilong tingting long gutpela Kristen Famili laip tu. Olsem na long dispela taim bilong Krismas yumi ken askim God long blesim olgeta Kristen Famili long kantri bilong yumi bai strongpela laik, gutpela sindaun na bikpela amamas i ken kamap na i stap long olgeta famili long taim bilong Krismas na olgeta de bihain tu.

**Hepi Krismas!**

# Krismas em taim bilong baim presen...

Hia em ol poto bilong ol mama papa i go painim presen long givim long ol famili o ol tru lewa bilong ol. Ol poto: JOE IVAHARIA







# Toktok bilong Krismas

i kam long

His Excellency Sir Paulias Matane, GCMG, KST. J  
GAVANA JENEREL BILONG PAPUA NIUGINI

## Ol wan sitisen bilong mi,

Mipela kamap nau long pinis bilong 2004. Taim mipela i lukluk bek long ol samting i kamap insait long ol mun i go pinis, mipela i mas onaim God long stia na lukautim bilong em.

Krismas em i taim bilong olgeta insait long famili long stap wantaim gen long lukluk bek long yia, mekim plen bilong bihain taim na serim amamas we dispela taim i save bringim. Mi save planti long yupela bai stap wantaim ol famili na poroman long amamas wantaim long Krismas na Niu Yia.

Em i taim tu long olgeta Kristen long tingim wanpela spesol presen God i givim long man. Presen bilong laip pikinini man bilong em Jisas i karim kam.

Long dispela namba wan Krismas toktok i kam long mi bihain long mi kisim dispela opis, mi laik tokim yupela olsem olgeta wan wan man na meri i gat wok bilong strongim kantri na kamapim bel isi na gutpela sindaun insait long komyuniti bilong yumi.

Mipela i no olsem ol arapela kantri. Mipela wanpela yangpela kantri, mipela i gro na mipela i gat kain kain kalsa na pasin tumbuna. Nau mipela i stap long 29 krismas bihain long mipela kisim independens. Nau mipela i kamap long hap we mipela i mas kisim skul long ol samting i kamap na kamapim wanpela komyuniti we i save strongim ol yangpela, i gat save bilong ol bikman, long kamapim gutpela Papua Niugini bilong mipela tude, na bilong ol pikinini bilong mipela bilong tumora.

Mi laik salensim ol lida bilong nesen. Nau mipela i malolo liklik long wok bilong mipela, nau em it aim bilong sindaun na lukluk bek na askim mipela yet;

Mipela i kamapim sampela gutpela samting long ol pipel bilong mipela o nogat? Mipela i sanapim sampela gutpela samting bilong kantri na ol pipel? i gat wanpela gutpela samting i kamap we mipela i ken lukim insait long komyuniti?

Ol dispela askim mi laikim ol lida, sapos ol memba bilong palamen, ol bisnismen na pablik seven, sios wok manmeri na ol arapela lida long tingim. Sapos yu no amamas wantaim ol bekim long ol dispela askim, narapela askim gen em yupela i mas askim yupela yet, em yu ken mekim wanem samting we bai i karim moa kaikai long Niu Yia.

Narapela salens bilong mipela em dispela: Mipela i stap wanbel wantaim ol arapela manmeri o nogat? Mipela i save helpim o bagarapim komyuniti? Mipela i ken mekim wanem samting moa neks yia?

Mi laik tokim yu long 6 'F' bilip bilong mi we mi laikim mipela olgeta long bihainim. Sapos mipela i bihainim, mipela bai lukim senis i kamap long laip na mipela i ken strongim nesen bilong yumi wantaim ol nupela samting.

## Sapos wanpela i birua long yu, yu i mas:

- FORGIVE: Givim wanbel long husat i bagarapim yu;
- FORGET: Lus tingting long ol birua ol i kamapim long yu;
- FOCUS: Lukluk i go long bihain taim;
- FUTURE: Luksave long wanem samting yu laik kamap long bihain taim;
- FORWARD: Muv i go het inap long bihain taim;
- FREEDOM: Fridom i save kamap bihain long yu pinisim olgeta arapela.

Tasol yumi olsem pipel bilong dispela kantri, yumi save long wok mipela i mas mekim long ol famili bilong mipela na helpim long strongim Papua Niugini long kamap strong kantri o nogat? Sapos mipela i save, mipela i mas strongim mipela long trening bilong mipela na ol pikinini bilong mipela long save wanem samting ol i laikim long laip.

Jisas kraus i bin kamap long wol long tokaut long gutnius, stretim sindaun na skulim ol manmeri long laik bilong God. Em i mekim dispela bikpela wok em yet.

Nau mipela i redi long amamasim Krismas, mipela i mas tingim olsem Krismas em i no taim bilong spak na pait nabaut na kamapim ol kain kain bikpela pati. Em i taim bilong bung wantaim famili na ol poroman, na skelim spirit bilong Krismas. Mama bin karim Jisas Kraus insait long haus bilong ol animol long wanpela liklik taun ol i kolim Bethlehem. Dispela i soim tru dispela pasin bilong ona we mipela olgeta i mas traim bihainim bai mipela i mas soim rispek bilong arapela na kamap strong moa. Dispela em i stap long as bilong Krismas.

Long dispela taim bilong amamas, mipela bai traim na tingim wanem samting mipela i ken mekim long mekim ol komyuniti bilong mipela i gutpela moa. Mipela bai tingim tu ol rot we mipela i ken helpim ol lain turangu. Olsem na mi laik tok amamas i go long ol sik manmeri husat i stap long haus sik bai sik bilong yupela i lusim yupela hariap na bilong ol lain turangu long painim bel isi long han bilong ol lain i save lukautim ol. Long ol famili, wanfamili na poroman i stap insait long kalabus, blessing bilong God i go long yupela tu.

Long olgeta liklik pikinini long olgeta hap insait long Papua Niugini, amamas aninit long lukaut bilong ol was papamama bilong yupela. Liklik bebi Jisas i kam insait long wol bilong yupela tasol.

Meri Krismas na gutpela Niu Yia 2005 long yupela olgeta, i kam long Lady Kaludia Matane, mi yet, ol pikinini bilong mi, ol tumbuna na wokmanmeri na ol famili bilong ol long Gavman Haus.


Sir Paulias Matane  
Gavana Jenerel bilong Papua Niugini



# MERI KRISMAS na HEPI NIUYIA!

I go long olgeta klient na rida bilong mipela, mipela i tok tenkiu long sapot bilong yupela long yia 2004 na mipela i lukluk long sapot bilong yupela gen long yia 2005. God i blesim yupela olgeta long dispela de bilong amamas!  
Bod, Menesmen na ol wokmanmeri bilong

**WANTOK**  
NIUSPEPA BILONG YUMI OL PNG STRETI




*The Management & Staff of Ela Motors nationwide, wishes all their valued customers and clients a Very Merry Christmas and a Prosperous 2005...*

*Please drive safely and take care.*

**World Class Products from PNG's No.1 Quality Assured Automotive & Marine Supplier**

**Ela Motors**

NATIONWIDE



Quality Assured AT/MS ISO 9001:2000



### Bisnis bilong Groim Diwai insait long PNG - Ol hevi bilong renfores menesmen

#### Ol samting i ken bagarapim

Ol renfores i stap long tropiks o ples san i gat planti samting we i ken bagarapim o kilim ol diwai na ol diwai prodak. Sampela long ol dispela samting em ol hevi bilong ol saiklon o raunwin long ol diwai; bikpela namba bilong wanpela kain animal; hevi bilong ol binatang olsem Araucarias.

Ol diwai we i pinisim groa bilong ol i save kisim bikpela bagarap long ol kain kain binatang na plaua nogut. Dispela kain bagarap i ken kamap long ol liklik o pikinini diwai bihain long ol i kisim bagarap long ol bikpela animal na arapela samting. Ol dispela bagarap i save daunim mani mak bilong ol diwai tu.

Sapos ol i no menesim gut loging, em i ken kamapim bikpela bagarap long ol arapela hap bilong renfores. Long dispela as tasol na i gat ol loging kod ov praktis we i save daunim hevi ol loging operesen i save kamapim insait long ol renfores.

Groa bilong ol gras nogut we i winim ol arapela kain fores i save kamapim arapela kain hevi insait long renfores. Ol diwai nogut i save groa hariap tru taim renfores i op. Dispela antap long groa bilong ol bus rop nabaut i save kilim ol pikinini na liklik diwai na gutpela gras long groa.

Ol bus rop nogut i save groa na bagarapim ol arapela gutpela diwai insait long renfores.

Ol bikpela hap diwai ol i katim pinis ken kisim bagarap long ol binatang na plaua nogut. Maski sampela kain diwai i save strong na i no save kisim bagarap, planti long ol arapela mal-malum diwai i save kisim bagarap.

Tasol ol senis long ol rot bilong groim na yusim diwai insait long renfores i kamap bihainim ol nupela rot bilong katim na rausim bilong ol diwai kwiktam bai ol i noken bagarap. Tasol hevi bilong dispela kain ples hot i stap yet na i mas i gat moa wok i go insait long en long stretim dispela hevi. Taim renfores i hot na i wet, em i ken bagarapim ol diwai. Taim ol log diwai i sindaun long taim tumas, ol i ken bagarap.

Hat wok bilong Mensuration (makim bilong diwai na namba bilong timba)

Fores menesmen bilong kamapim gutpela namba bilong timba i save sanap strong long save bilong namba bilong ol diwai i stap insait long fores na spit bilong groa bilong ol.

Ol hevi foresta i ken bungim long kisim dispela kain infomesen long namba na groa i karamapim:

-Namba wan problem long sait bilong groa. Dispela em long makim na luksave long ol kain kain diwai i stap insait long renfores. Dispela i save kamap wantaim ol hevi mipela i toktok long en pinis we planti renfores i gat ol kain kain diwai insait long em we ol foresta i no klia tumas long em. Olsem na ol i no inap long kamapim maket bilong ol dispela diwai bilong ol i no save em wanem kain diwai. Luksave long ol sidling na pikinini diwai em i bikpela samting tru long makim tritmen i mas i go long wan wan hap insait long renfores.

-Namba tu hevi em kain groa bilong diwai bilong wanem em i hat long kisim mak o longpela bilong em. Ol longpela stem o longpela han diwai i save kamap planti insait long ol renfores, we bikpela groa bilong ol liklik diwai na bus rop i save karamapim diwai na i save hat long makim diwai stret. Kisim poto antap long helikopta bilong makim i save givim bikpela helpim long ol fores menesa long makim ol diwai insait long fores. Tasol, maski ol dispela nupela masin i stap, bipo wok bilong go stret insait long forest long kisim i moabeta yet long luksave wanem samting stret i stap long graun.

-Long dispela asesmen, bikos 'ikononiks' i wok long groa yet ol i mas makim olgeta diwai we i groa strong na i gat gutpela sais, maski sampela long ol i no groa inap yet long katim.

-Ol diwai we i nogat maket long em i save givim hevi long ol fores asesmen o timbaman. Maski sampela i bagarap olgeta na insait bilong ol i bagarap, planti long ol i no inap long soim ausait olsem insait i bagarap. Olsem na moabeta ol i katim diwai bai ol i ken sekim namel bilong em long save sapos em i bagarap pinis insait o nogat.

-Spit bilong groa bilong ol diwai insait long renfores - arapela hap infomesen bilong klia long mak bilong namba bilong ol diwai i no strong yet long sampela hap. Ol hevi nau i karamapim nogat inap gutpela groa ring long diwai we i soim groa bilong em, na kainkain sais bilong wanwan diwai.

*"Neks wik - Mipela bai lukluk long ol hevi bilong ol polisi bilong forestri."*

**MCCARTHY & ASSOCIATES (FORESTRY) PTY. LTD.**

National & International Forest Consultants

mccaf@datec.net.pg

"Long kisim tok stia long olgeta wok diwai"

# PNGSF kisim K8.017 milien

## William Natera i raitim

PAPUA Niugini Paia Sevis (PNGSF) bai inap long lukautim gut moa ol pipel na ol propeti (haus, ka, kios, na ol kain samting olsem) bihain long Gavman i makim K8.017 milien long i go long ol aninit long nesenel baset bilong 2005.

Sief Paia Opisa, Isaac Silas, taim em i mekim toktok long paia aweanes bung bilong PNGSF we i save kamap olgeta yia, i tok dispela mani mak ol i kisim i antap moa long mani mak ol i bin kisim nesenel baset bilong 2004.

"Mani mak i go antap inap long 20 pesen (%), na i winim olgeta narapela mani mak PNGSF i kisim pastaim long taim mi bin kisim wok bilong bosim ol i kam inap nau," Mista Silas i tok.

Em i tok olsem dispela mani mak i sot long K1.3 milien long mani mak ol i bin askim long en, tasol

ol i amamas yet long en.

Mista Silas i tok olsem dispela kain mani mak i bin kam bikos ol i bin mekim wok long makim wanem ol kainkain wok ogenaisesen, na moayet long operesens, paia sefti na trening i save mekim, na brukim ol long wok bilong kamapim baset, we ol i no stap wantaim ol administretiv kos, olsem pawa o wara.

Em i tok tu olsem long ol yia i go pinis, ol i save lukluk moa long paia sefti long komesel na industriel sekta, tasol nau ol i surik i go long lukluk moa long paia sefti insait long ol haus na long lainim ol pipel long ol we bilong lukautim ol yet na ol famili bilong ol.

Mista Silas i tok olsem planti taim ol paia i save kamap insait long ol haus bikos ol lain husat i stap insait long haus i no was long ol kendol o yusim pawa gut.

## Trukai Industries daunim prais bilong Roots Rais

TRUKAI Industries Limitet i daunim prais bilong Roots Rais long mak olsem 3 pesen (%) o olsem 8 toea long olgeta kilo.

Indipenden Konsuma na Kompetisen Komisin (ICCC) i bin tokaut long dispela long Mande, bihain long Trukai Industries Ltd i bin mekim wanpela aplikesen o askim long pepa long daunim prais i go long ol.

Kampani i tok olsem as ol i bin mekim dispela em bikos strong bilong kina i wok long strong moa.

Roots Rais we i wanpela kain rais we kampani i save kisim i kam long Vietnam na Israel.

Ol prais bilong ol arapela rais we ol i save kisim i kam long ol narapela kantri, moayet long Australia, olsem Trukai, Sunlong na Power rais, i no senis.

ICCC i tok amamas long kampani long go pas long daunim prais na helpim ol pipel bihain long ol tu i kisim helpim long strong bilong kina.

Dispela daunim prais bai helpim tru sindaun bilong planti pipel long dispela taim.



• Tupela man insait long rais fil long OSIC Eko Senta long Rabaul, Is Nu Briten provins. Bikpela kos bilong rais i mekim na sampela pipel i stat long lainim long groim rais bilong ol yet. Nau kos bilong Roots Rais i go daun, ating, sapos ol i laik, bai ol i lukluk gen long baim long stua.

## Cat® Skid Steer Loaders

216  
226  
228  
232  
236  
242  
248



Engine performance and operator comfort maximise production.

### Smooth, Easy Controls

- Two hydraulic joystick controls require only minimum wrist/hand movement, greatly reducing operator fatigue.
- Auxiliary hydraulics are actuated by a thumb-operated rocker switch on the joystick.
- Hand-throttle allows you to run at a constant speed, or an accelerator pedal can be used during load and carry, excavating or backdragging.

### Operator Comfort

- Optional suspension seat adds operator comfort.
- Clear view of the work tool reduces operator fatigue and increases productivity.

### Power and Versatility

- The Cat 3034 Engine is proven and reliable.
- Powerful hydraulics deliver outstanding lift and breakout forces.

**Hastings Deering**



PORT MORESBY  
Phone: 300 8300  
Fax: 325 0141

LAE  
Phone: 472 2355  
Fax: 472 1477

TABUBIL  
Phone: 548 9045  
Fax: 548 9155

RABAU  
Phone: 982 1244  
Fax: 982 1129



# Tok pilai wantaim Kanage olgeta wik!!

Ol tru tru poro o wantok bilong gutpela raitman Kanage i laikim tru sapos yupela i ken salim sampela tokpilai bilong yupela i kam na mipela putim long tok pilai kona bilong Kanage. Salim i kam long TOK PILAI KANAGE P.O. Box 1982, Boroko NCD o kam long opis klostu long BSP Waigani na neksdua long Mondo Sekanhan klos stua. Mipela stap long las



**K**anage em i bilong ples Nalikum. Wanpela Sarere apinun em wantaim tambu man bilong em i bin sindaun aninit long haus bilong Kanage.

Tupela pasim taim stori nambaut long wel pik i save raun raun long Mamina Wara. Taim tupela stori i stap Kanage winim tambu bilong em long tok pisin.

Kanage tu em yu save tok pisin pes tu yah. Tok pisin kisim tambu man bilong em na lekhan bilong em guria nating. Na tambu bilong Kanage kirap tasol lusim tempa bilong em long Kanage.

Kanage tu yah man bilong behat hariap em kirap stret em lusim han long tambu bilong em na em pundaun nogut tru.

Orait narapela de nau tambu bilong Kanage i putim komplek long Maprik Polis stesin na tupela i go long kot.

Tupela toktok i go na jas askim Kanage long wanem as tru em paitim tambu man nogut tru.

Na Kanage kirap na em tromoi stret, 'no, no, no first i was sitting daun on the palang. Jambakuti kam and daku my head i stood up, i nokotim daun'. Nogat man toktok Kanage winim kot nating tru.

ELIN YALPAS  
MAPRIK IS SEPIK PROVINS

Kanage em i bilong Sigiri ples long Banz yet. Niknem bilong em Gerek.

Wanpela taim em kaikai buai i go na hangre nogut tru long wara. Em tanim tanim long as bilong wanpela popo diwai i stap na i no longtaim bikpela win i blo i kam olsem long Opawagi na wanpela sting popo i pundaun antap long Gerek.

Insait long dispela sting popo i bin gat wanpela bi i stap. Taim popo i pundaun em i go antap long maus bilong Gerek Kanage na bi i siksti i go insait long bel na pairap strong.

Gerek kirap nogut na ron i go bamim wilbaro bilong Perena na tupela elepen tit bilong Kanage i lus. Ol Siko lap na sore tu wantaim.

MATT DEDEBOH HOLEYAH  
BANZ  
WESTEN HAILENS PROVINS

Kanage em i longlong blut bilong 4KS na O.5 long Kimit yet. Long wanpela taim em i kam long Kimil Praimeri skul long Banz yet na i laik konfes long Pater insait long haus lotu.

Planti manmeri i stap long lukim pater na em i weit yet. I no long taim pater i singautim long Kanage so bagaros ya go long en.

Taim pater i askim long wanem pekato, Kanage tok olsem 'Pater mi laikim tenpela komunio na wanpela sista bilong marit na laik kilim yu indai long 2004 niu yia'.

Man pater i no wanbel na singautim ol manmeri na ol i witwilim

Kanage na lokim em long toilet bilong skul mangi.

MATT DEDEBOH HOLEYAH  
BANZ  
WESTEN HAILENS PROVINS

Wanpela taim Kanage wantaim tupela waitman i dring na stori i stap long Renbo Head Hunters klub long Gerehu.

Ol i stori gut na i no resis long toktok tasol taim wara i holim wisket bilong ol nau ol stat long apim nem long wanwan ples bilong ol. Wanpela waitman i bilong Amerika yah kirap na tok "mahm can you belief this....archeologists in California dug 150'000 meters down and found some line of cooper wire."

So it was stated that our ancestors in USA were the first users of Telephones 150'000 years ago". Taim em tok olsem, baga Russia yah i no wanbel. Em kirap nau na stori long Moscow, "well in Russia, Archeologist have discovered that 200'000 meters down the Earth surface in Leningrad there are some lines of gold wire. So in Russia our Ancestors are the first users of fax machine 200'000 years ago."

Man Kanage harim dispela tupela wol pawa apim nem blong kantri blong ol na em i no bilipim ol. Kanage kirap na tokim tupela olsem "hapsait tasol long Koiari maunten yah ol UPNG saintis digim abrusim tausen mitas na i go millien-galen mitas na ino painim wanpela samtin.

Olsem na 2-pla millien yia i go pinis mipela long Koiari em fes lain

long yusim Mobile phone long kantri na wol tu".

Tupela waitman yah i pasim maus na dring bia tasol i go tulait, bikos sapos Kanage i stori long Papua Niugini save yusim SMS 3 millien yias i go pinis bai tupela i krai.

MARTIN JOFFI  
RENBOW BUAI MAKET  
NCD

Kanage em i wanpela Shongan bilong wanpela bikpela kongrike-sen insait long bikpela maunten Sarawaket long Morobe provins.

Long bipo taim wanpela waitman Kiap i save raun long olgeta peles na wokim gavman wok.

Na long bikples bilong Kanage ol pipol i save olsem Kiap i save kam long olgeta fes trinde long wanwan mun. Nau Disemba na Kiap brukim wara, kalapim maunten na wokabout longpela hap tru long raun lukim ol ples insait long Sarawaket distrik.

Ol pipol i redi na ting em bai kam long trinde tasol moning i go apinun pinis na em i no kamap.

Tumoro long Fonde nau Kiap kam na Kanage singautim olgeta manmeri long peles kam bung namel long hauslain.

Waitman Kiap na bikmaus long tok inglis i go long ol pipol, "I am very sorry, I should have come in yesterday but due to some problem I have come in Today."

Nau taim blong Shongan Kanage long tanim tok i go long tok-pisin na em kirap senisim stail blong nek na bikmaus. "Waitman bilong mifela i tok em i naf long kam aste tesol samfela samting i

rong olsem na em i kam in long dai." Man tudei o dai?

Laki na waitman Kiap ino save gut long tok pisin sapos nogat Kanage yu dai tudei pinis.

AYAFA  
RENBOW NCD

Junia Kanage em mangi Waikele long Gerehu na wanpela taim em kam salensim ol mangi Renbo long pilai mambof. Ol i pilai go nau na junia Kanage winim olgeta mambof blong ol mangi Renbo na ol straik. Tasol yu yet klia junia Kanage em nogut long straik bek tu yah. Ol traim long daunim poin blong junia Kanage tasol ol i no inap stret. Nau ol kirap apim nem long papa bilong ol.

Wanpela i tok, "papa bilong mi gat tupela mobail phone na papa blong yu nogat ah, ah...wanem." Nau kandere bilong Mekere Morauta kirap tokim junia Kanage, "ankol blong mi gat 6-pla dak glas VX patrol na em ken draivim halwe mek na jet balus tu, maski dedi blong yu yah neva...blo ap." Junia Kanage tingim wanem samting bai em i tok long apim nem blong paps Kanage na bai daunim ol mangi Renbo. Nau junia Kanage kirap tokim ol "dedi blong mi save kaikai pawa lait-dedi blong yupela no fit."

Nau ol mangi renbo kirap askim hau. Junia Kanage bekim na tokim ol. Aste nait long bed rum dedi tokim mami olsem "meh kilim lait hariap na mi laik kaikai." Laki na paps Kanage stap long Waiks nogat junjun yu pinis long famli.

AYAFA  
RENBOW NCD

## TOK PILAI wantaim KANAGE



SALIM OL TOK PILAI BILONG YU I KAM NA BAI MI PUTIM INSAIT LONG DISPELA PESI

KANAGE EM SPAK LONG SARERE IGO SANDE MONING...



Hic! MI BAGARAP TRU.. ATING MI GO LONG HAUS... Hic!..

YU BEKS NAU!...

EM SPAK LONGLONG YET NA EM WOKABAUT I GO BEK LONG HAUS..



HIC!!!

Hic! SORIII KAUNSOLO GAWI BAGARAP 29

KLOSTU LONG HAUS LOTU EM I HARIAM PASTA I WOK LONG MEKIM WANPELA BIKPELA TOKTOK...



HAUS LOTU

...EM TASOL I GAT PAWA! EM I GIVIM PAWA LONG YUMI!

!?!

HUSAT I GIVIM PAWA LONG YUMI? HUSAT ANTAP TRU!



MI SAVE EM HUSAT TRU!!

LONG AUTSAIT YET KANAGE I BEKIM TOKTOK BILONG PASTA...



NA HUSAT MOA BAI GIVIM PAWA LONG YUMI! OLGETA, EM PNG PAWA TASOL

# Wantok Niuspepa Kalaring Kompetisen Toksave

Yu mas kalarim dispela piksa long ol arapela pikinini bilong narapela kantri. Atis bilong mipela i helpim yu pinis na kalarim yangpela meri Saina. Nau em taim bilong yu long pinisim ol arapela piksa. Taim yu pinis, raitim nem bilong yu, pos opis bokis adres bilong yu na krismas bilong yu na salim i kam long:

**WANTOK NIUSPEPA**  
P. O. Box 1982  
Boroko 111  
NCD  
Papua New Guinea

**YUMI FM**  
Locked Bag 93  
Port Moresby, NCD

Ol jas bilong *Wantok Niuspepa* na *Yumi FM* bai skelim sapos piksa i makim stret o i kam klostu long wanem piksa i makim. Yu bai gat sans long winim ol gutpela prais bilong yu long skul neks yia. Mama papa bilong yu i ken helpim yu long givim bekim long ol askim daun bilo.

Bihain long yu pinis, mipela i laikim helpim bilong yu. Plis givim bekim long ol dispela askim:

- Ples mama karim yu? .....
- Nau yu stap long wanem provins? .....
- Husat i baim niuspepa? .....
- Ol i baim niuspepa long wanem hap? (stua, maket, bas stop?) .....
- Yu laikim wanem samting insait long *Wantok Niuspepa*? .....
- *Wantok Niuspepa* i lukluk long statim wanpela pes bilong ol pikinini long neks yia. Nau mipela i laik save, yu laik lukim wanem samting insait long ol dispela pes bilong pikinini? .....

### Lo bilong dispela resis:

- Yu mas aninit long 18 Krismas
- Yu yet i mas kalarim dispela piksa
- Yu ken yusim kala pensil o wanem samting wantaim naispela kala
- Yu mas katim na salim i kam long opis bilong *Wantok Niuspepa* na *Yumi FM* pastaim long Janueri 13, 2005.
- Bihain long yu kalarim dispela piksa, yu mas bekim ol askim antap bilong helpim *Wantok Niuspepa*.
- Yu i ken harim *YUMI FM* o lukim nem bilong yu long **WANTOK NIUSPEPA** long Janueri 20th, 2005 long laiv draw sapos yu win o nogat.
- **WANTOK** na *YUMI FM* yet bai glasim olgeta entri long dispela resis na makim ol wina.

# UN R A L C L D R S D

## Hey ol pikinini! KALARING KOMPETISEN

Yu gat sans long winim wanpela SKUL BEG wantaim ol buk na pensil, ruler i stap insait na i kam long ...



...Na tu yu gat sans tu long winim moni bilong skul fi I KAM LONG...



So kamon ol pikinini, em de bilong yupela "INTANESENEL DE BILONG OL PIKININI" Em de bilong amamas!!  
Ol pikinini ananit long 18 krismas i ken stap long dispela resis.



NEM.....KRISMAS.....

SKUL.....PLES:.....

ADRES:.....TELEPON:.....

**Ol winas bai ol i anaunsim long taim bilong laiv draw long YUMI FM na WANTOK NIUSPEPA long 20th Mun Janueri, 2005**

Salim kalaring kompetisen i kam long:  
**WANTOK NIUSPEPA** P.O.Box 1982, Boroko, NCD, Papua New Guinea  
**YUMI FM**, Locked Bag 93, Port Moresby, NCD

Wantok Niuspepa na Yumi FM bai skelim sapos piksa i makim stret o i kam klostu long wanem piksa i makim. Yu bai gat sans long winim ol gutpela prais bilong yu long skul neks yia. Mama papa bilong yu i ken helpim yu long givim bekim long ol askim daun bilo.





• Meri Trensport i soim han na askim 'Olsem wanem' taim em i ting em bai kisim bal tasol abrus wanpela pilaia bilong em i lusim long ol Leba.




• Malangan wantaim Airways Bears long Pot Mosbi sofbol man long las wiken. Tupela wantaim i dro 4-4.



• Ol PNG Anda 18 etletik tim i soim ol medol ol i winim long Osenia Gron Pri na Osenia Sempionsip bihain long ron bilong ol long Cairns na Townsville, Australia las wik.



• Dispela meri Ice Kopex i ting em bai laki tasol abrus na Admiralty pilaia i autim tiket bilong em long Pot Mosbi sofbol meri long Bisini Daimon las wiken.



• Yangpela Toea Wisil bilong Banz, Westen Hailans i soim ol silva medol em i winim long Osenia Sempionsip long Townsville, Australia.



• Ol meri Sivile Eviesen na Megistrerol Sevises i traim strong long NCD Pablik Sevins Netbol Kompetisen long Rita Flynn las Sarere.



## Arsenal i namba tu long Ingran soka

I BIN gat 14 minit i stap yet long Fratton Pak taim Pompey midfil pilaia i larim senta bek bilong Ingran i skoa.

Campbell i bin gat planti taim na rum long sutim bal i go insait long umben bilong Portsmouth. Gol bilong em i mekim kipa bilong Portsmouth Jamie Ashdown i painim hat long stopim.

Dispela win bilong Arsenal i mekim ol i abrusim Everton husat i wok long ron namba tu long Ingran soka poin lada.

Long ol narapela pilai kompetisen lida Chelsea i hamarim Norwich 4-0 na Everton i dro wantaim Blackburn 0-0.

"Mipela i amamas tru," Wenger bilong Arsenal i tok. "Mipela i mas soim olgeta strong long tokaut olsem mipela i gutpela tru. Mi i laik long pilai gut, mipela i hangre long win na mipela i gat save long pilai long lukim kaikai bilong dispela ol gutpela samting mipela i gat long en.

Milan Baros i skorim wanpela gol na setim narapela taim Liverpool i kam bihain long winim Newcastle 3-1 long pilai bilong tupela long Sande.

Bihain long Patrick Kluyvert i pairapim wanpela bal i go long Magpies long go pas long Anfield, kik em Titus Bramble i



• Sol Campbell i amamas bihain long em i putim gol bilong Arsenal.

mekim na Neil Mellor i mekim dispela gol bilong Milan i kamap gut.

Newcastle i bin i gat Lee Bowyer tasol em i no mekim gut.

Pilai bilong Newcastle i stat kranks taim Welsh intenesenel straika Craig Bellamy i mas go aut long wanem em i gat hevi long baksait bilong em.

Kluyvert i kisim ples na kamapim sampela gutpela pilai tasol dispela i no inap.

Na long ol Arsenal wan straika bilong Baros Djibril Cisse i no pilai long wanem em i gat hevi long tek bilong em.

"Em i moa gutpela long pilai egensim tupela straika moa long wanpela. Yu inap pilai gut. Liukautim bal na skorim ol got," Baros i tok.

Na Newcastle menesa Graeme Sounes i tok olsem long lus bilong ol: "Mipela i bin i gat ol toktok tasol i nogat ol singaut na olsem dispela i gutpela. "Tasol moa isi isi tumas long wei mi no laikim.

Em i no amamas taim refri i rausim Bowyer.

"Long taim mipela i gat sans olsem long 3-1 refri i bagarapim spirit bilong mipela," em i tok.

I gat bilip olsem Chelsea bai i go insait long fainol wantaim Everton o Manchester United. Nau long dispela taim Chelsea, Arsenal, Everton na Man. United i resis long go insait.

## Ronaldinho i 2004 FIFA pilai



• Andriy Shevchenko bilong Ukraine, Ronaldinho bilong Brazil na Thierry Henry bilong Frans i sanap long kisim awod bilong ol long FIFA.

RONALDINHO, 24, i gat 620 poin long pilai skoa long winim Federesen ov Intanesenel Futbol Asosiesen (FIFA) 2004 soka taitol.

Bihain long em Arsenal pilaia na Frans man Thierry Henry husat i ga 552 poin.

Na nupela namba wan Yurop soka pilaia Andriy Shevchenko husat i pilai wantaim AC Milan long Itali na i bilong Ukraine i gat 253 poin.

"Long me long ol i makim mi na olsem mi kamap long hia dispela em i bikpela samting," Ronaldinho i tok.

"Tru mi mas tok tenk yu long ol wan pilaia bilong mi long Barcelona long wanem mi i no inap long winim dispela taitol sapos ol i no stap.

"Mi amamas long stap long Barcelona, mi laik stap insait long grup we i mekim ol gutpela senis na olsem mi nogat plen long go long arapela hap," em i tok.

Dispela em i namba tu taim Henry i kamap namba tu namba wan taim long las yia.

Faipela poin i go long faiv ples nominesen, tripela long namba tu na wanpela long namba wan.

Long dispela Ronaldinho i gat 89 vot,

Henry i gat 79 na Shevchenko i gat 34 poin.

Las yia FIFA taitol i go long Frans man Zinedine Zidane husat i tokaut long pinis long Frans tim long 2004 sisen i kamap namba foa ples long dispela taim.

Na las yia Yurop futbol taitol i go long Pavel Nedved bilong Czech Ripablik we em i kamap namba faiv ples.

Na long Ronaldinho em i namba foa pilaia bilong Brazil long kisim dispela taitol bihain long FIFA i kamapim kain ol taitol long 1991.

Namba wan pilaia bilong ol long kisim dispela awod em Romario long 1994, tri taim wina Ronaldo (1996, 1997 na 2002) na Rivaldo long 1999.

Em i luk olsem ol i winim dispela ol awod taim ol i pilai wantaim Barcelona. Tasol long Ronaldo bihain long em i winim awod long 1996 em i go pilai wantaim AC Milan long 1997 na Real Madrid long 2002.

Na 2004 FIFA taitol bilong ol meri i go long Birgit Prinz bilong Jemani, presiden awod i go long Haiti long kamapim bet isi o pis na Brazil i winim awod long Fea Plei o pilai wantaim gutpela pasin.

## Ol meri mas stap tu long ragbi lig menesmen tim

OL TOKTOK i kamap long Lig long putim ol meri i go pas long menesmen na administresen bilong ragbi lig.

Tasol pastaim long dispela kain wok i kamap i mas i gat inap skul bilong mekim ol man i luksave long ol hevi we i pas long sindaun na lukluk bilong man long ol meri.

Bai askim i go long Nesenel Ragbi Lig (NRL) long wok bung long kamapim wanpela video piksa we i soim kain hevi i save kamap long ol meri long opis.

Na long kamapim dispela piksa helpim bai kam long Niu Saut Wels Rep Kraises Senta.

Wanpela ripot i kam long Sydney Yunivesiti i tok ol meri i mas holim tu ol bikpela opis long ragbi lig long administresen na menesmen ragbi lig.

NRL sif eksekutiv David Gallop i tok wok painimaut bilong lukim kain senis em ol bikpela tisa bilong Yunivesiti, Catharine Lumby na Wendy McCarthy i mekim wantaim helpim long NSW Rep Senta.

Dispela ol savemeri i painimaut olsem ol pilaia i amamas long wok bung wantaim ol meri tasol sampela taim i painim hat.

"Mipela i bin gat ol pilaia husat i no hait long tokaut long tingting bilong ol tasol i painim hat. Dispela long wanem ol i gat biknem na pablik i save long ol tasol hevi i kamap sapos ol i laik long mekim sampela samting i no stret na dispela i ken bagarapim ol nogut stret," profesa Lumby i tok.

Ripot bilong dispela ol saveman i tok kain hevi em ol i gat long em i wankain ol hevi em ol arapela gutpela pilaia bilong ol narapela spot i gat long en.

"I bin i gat planti ol mak bilong lidasip long ol klab husat i traim long lukim ol meri i stap long klab menesmen tim bilong ol. Tingting bilong ol i stap long kainkain mak we ol i laik long lukim ol meri i mekim wok long menesmen level bilong ol klab," em i tok. Tasol bikpela hevi bilong NRL i stap long we em menesmen bai ronim na wanem ol senis tru bai kamap," McCarthy i tok.

Dispela kain tingting i kamap bihain long pasin nogut em ol Canterbury Bulldog pilaia i mekim long Coff Haba long las yia na olsem pablik i laik ol meri tu i mas stap long menesmen level long stretim tingting bilong ol pilaia.

## Planti wol swiming rekot bruk long 2004 Olimpik Gems

YANGPELA Michael Phelps i kamapim bikpela nem long Athens Olimpik Gems.

Klostu olgeta ai i stap long dispela man i gat 19 krismas bilong Baltimore, Amerika long taim em i stap long Atens.

Em i laik long kisim ples bilong bipo wanpela man bilong Amerika, Mark Spitz long 1972 Munich Olimpik Gems we Spitz i winim 7pela gol medol. I nogat wanpela man i brukim dispela rekod inap nau.

Bipo long Atens Gems i kamap Phelps i tok em i bai brukim dispela rekod na olsem tru tumas olgeta ai i stap long em.

Em inap tasol abrus na em i sot long wanpela mak tasol.

Phelps i kamap long 17 taim long 7-pela de. Spitz husat i swim long semi fainol long 100m iven, swim na winim 13-pela bilong ol dispela taim.

Planti i tingting i kamap olsem ol swimming pul long Atens Olimpik Gems i bilong Phelps na yes Phelps yet i autim tok, "dispela em i naispel wik long laip bilong mi."

Em i namba wan swima na namba tu man long winim 8-pela medol long wanpela Olimpik Gems.

Bikpela swima long swimming pul yia bilong em long 2004 i pinis krangki taim polis i arestim na sasim em long dring na draiv.

Wantaim long mekim nem na brukim ol swim rekod em ol Australia man olsem Ian Thorpe na Grant Hackett na Pieter Van den Hoogenband bilong Holan.

Long dispela taim Phelps i soim olsem 100m iven em bilong em na Thorpe i soim olsem 200m iven em bilong em. Kain mak bilong dispela tupela man i mekim olgeta man bai lukluk long tupela long Being, Saina 2008 Olimpik Gems.

Thorpe klostu i lusim resis bilong em long 400m resis taim ol opisa i diskwalifaim em long stat hariap na olsem ol opisa i kisim wan tim swima em Craig Stevens. Tasol Stevens long tingting bilong i lusim dispela posisen long Thorpe na olsem Thorpe i swim na winim gol medol.

Thorpe i winim 4-pela medol- tupela gol, wanpela silva na wanpela brons na Phelps i winim 6-pela gol na wanpela silva.

Long 100m fristail Van de Hoogenband i winim gol, Phelps winim silva na Thorpe winim brons.

Hackett i sempion yet bilong 1500m iven stat long 1997 na klostu em i kisim taim nogut long spit bilong 18-yia Amerika swima, Larsen Jensen na Ingran brons wina David Davies.

Tasol maskim em ol namba wan swima ol swima bilong narapela ol kantri tu i laik trai olsem na ol bai mas gut long ol.

Yana Klochlova bilong Ukraine i wanpela bilong dispela ol swims.

Narapela rekot we i bruk em 4X100m rilei tim bilong Saut Afrika.

## West Indies tim laikim bikpela pe

OL West Indies pilaia i laikim AUS\$655,565 pe sapos ol i kam pilai long Australia.

Na dispela i min olsem ol bai i no inap long kam pilai long dispela mun long wanem menesmen tim bilong West Indies Kriket tim i no laikim long peim ol dispela mak long wanem em i nogat dispela kain mani.

"Dispela kain askim i mekim wokabaut bilong mipela long kam long Australai i hat," Chetram Singh, siaman bilong Guyana Kriket Bod i tok.

West Indies Piaia Asosiesen i no laik long mekim moa ol toktok long wanem ol i tok bekim bilong askim bilong ol i no kamap yet taim Singh i kamap wantaim kain toktok olsem.

"I gat ol wei bilong toktok tasol wei em Singh i mekim i brukim dispela ol wei bilong stretim ol bekim o hevi," Asosiesen i tok.

"Dispela wei i no lukautim spirit bilong pilai.

Long taim dispela kain hevi i wok long kamap menesmen i no laik long tokaut long tim hariap inap olgeta samting long tupela sait wantaim i stret.

Tim bai mekim wokabaut bilong em long Disemba 29.

# Nolukuka spot resis kamap gut stret

Sape Metta i rait long pasin i kamap long ol pilai bilong Nolukuka Krismans Spot kompetisen long Goroka, Isten Hailans Provins.

AS BILONG Nolukuka long tokples Gahuku long Isten Hailans em piawa bilong wara (wata lili).

Na wata lili em ol naispela plawa we i save gro na kamap antap long ol raun wara.

Nau yet wan kain olsem ol wata lili, Kefamo haus lain baksait tasol long Katolik Konferens senta long Goroka, Isten Hailans ol komyuniti lida wantaim ol bikman husat i go pas long ol yut long kirapim Nolukuka Krismans Spot kompetisen.

Dispela spot resis i stat long mun Novemba we ol ogenaisa i putim tupela spot- volibol, basketbol na tas ragbi.

Na 18 tim wantaim moa long 400 yangpela man na meri i rejista we ol i stap insait long dispela resis.

Kefamo lidaman na patron bilong dispela kompetisen Mathew Tul i tokim Wantok Niuspepa olsem as tingting bilong kirapim dispela kompetisen em long bungim olgeta yangpela lain manmeri ol yut na ol skul pikinini long hauslain we ol i ken tingting long pilai spot na stap gut long ples bilong ol.

"Kainkain bikhet pasin we i ken kamapim hevi na birua tu i save kamap klostu long olgeta taim bilong



• Lus Patikols sinai miks tas ragbi tim husat i save pilai long Nolukuka Krismans Spot kompetisen.



• Sampela ol manmeri na pikinini husat i kamap long lukim ol pilai we i kamap long Nolukuka Krismans Spot kompetisen long Kefamo, 5 minit draiv ausait long Goroka Taun.

yia na ol manmeri i les pinis. Olsem na long dispela as mipela ol ples lain na yut lida i kamap wantaim dispela tingting long putim ol spot ektiviti na bungim olgeta yangpela manmeri, skul pikinini na tu ol papamama long pilai spot long dispela kompetisne na i no ken lusim ples na raun nabaut i go i kam na mekim trabel o bung hevi na birua," Tul i tok.

Em i tok disela em i namba wan taim long Kefamo ples long kirapim kain spot ektiviti long hauslain.

Na em i gat bikpela amamas long lukim olsem bikpela namba bilong ol yangpela long ples i soim laik long patispet long dispela krismans kompetisen.

Plantil ol papamama tu i save pulim lain i go na sapotim ol pikinini bilong ol.

Narapela Kefamo lidaman Nelson Ovepa husat i save wok olsem woden long Goroka Teknikol Koles i tok spot em i wnapela bikpela smating we i save bungim kaikain pipel na komyuniti.

Em i tok dispela i mekim na kompetisen opisel i bin i go raun na paitim ol dua long ol bikpela opis bilong ol gavman opisa na ol bisnis haus long Goroka taun tasol i kam inap nau ol i no kisim wanpela gutpela bekim.

Ovepa i tok em i amamas long tok tenkyu long Charles Akunai husat em wanpela hai skul tisa long givim K10 i



• Ol viles lida na ol yut lida husat i ronim dispela Nolukuka Krismans spot kompetisen.

go long sapotim dispela Nolukuka Krismans Spot kompetisen.

Na em i singaut i go long ol arapela manmeri long givim sapot bilong wanem dispela spot em i kirap na ran insait long hauslain bilong ol yet.

Ol tim husat i stap insait long dispela kompetisen em Hideouts, Emusanega, Gihe Knights, Saouths, Blackouts, 5 Minit Diggies, Night Ghost, Loose Particles, Country Side, Gamuke Stings, 727 Titanics, Masalai, H2P Hammer Heads, Gouloka, All Blacks, 4 Mile Pawa, Jasco Bulets na Samap Neta.

Ol opisa husat i go pas long dispela kompetisen em Mathew Tul (petron), Fedzo Palusie (presiden), vais presiden Makive Saitere, sekreteri Steven Luvao na Selep Nandu.

Dispela em i namba wan taim long ol yut lida na lidaman i kamap wantaim dispela kain kain long amamasim krismans.

Ol i hop olsem dispela of bai skruim yet dispela pasin long ol narapela krismans i kam bihain.

Bipo ol krismans em i gutpela tasol nau moni i sot na amamas bilong krismans i no olsem bipo na olsem ol i kamapim dispela ol pilai long Krismans.



# Mount Hagen ragbi lig laik go het gut

Paul Zuvani i raitim

MOUNT Hagen ragbi lig bai i gat 8-pela klab na 4-pela gret long 2005 ragbi lig sisen.

Predisen bilong Mount Hagen Ragbi Futbol Lig, Alphones Pu i mekim dispela toktok em wanpela tingting lig i kamap wantaim long wanpela bung bilong em we em i holim long las wik.

Em i tok opis bilong em na olgeta lain husat i pas long wok bilong lig i lainim planti samting long las yia na dispela tingting i kamap long wanpela bilong ol samting em opis bilong em i lainim.

Em i bilip olsem dispela yia bai i narakain we gutpela ol samting bai i kamap long strongim lig na olsem ol klab i kisim kaikai long pilai bilong ol.

Long kaikai i kamap edministresen na menesmen bilong lig i mas kamap na ron gut.

"Mipela i bin i gat ol hevi olsem pilai registresen, klab afiliesen na olsem mipela i bin wok long pilai long ol open pilai graun tasol dispela i no lukim ol krospait i kamap. Long dispela as ol eksekutiv i laik long redim ol samting bilong ronim gut pilai bipo long sisen i kamap." Pu i tok.

Em i tok long las sisen we i bin pinis i no longtaim i go pinis i stat wantaim 10-pela klab tasol hevi long sampela ol pilai bilong ol klab we ol i no rejista i mekim lig i mas rotim namba bilong ol klab i go daun long seven.

"Long sotim namba bilong ol klab mipela i daunim namba bilong ol gret long foa i go daun long tri we dispela i lukim wanpela sinia, junia na open gret long



• Moitaka Bullets pilai kisim taim nogut long takol bilong Morata Hawks long Okkaihens ov sisen ragbi lig long Hohola pilai graun.

Poto JOE IVAHARIA

namel long olsem Mount Hagen Ragbi Lig i bihainim lo bilong PNG Ragbi Futbol Lig.

"Mipela i mas mekim ol samting long ol taim we PNGRFL i makim long en long holim ol miting na ol narapela samting bilong pilai.

Em i tok long namel bilong Januari, 2005 lig bilong em bai holim namba wan jenerel miting bilong em long yia.

Dispela i min olsem ol bai toktok long ol klab long afiliet, long ol pilai long rejista

na wanem ol arapela samting.

"Mipela i hop olsem long taim Januari i pinis olgeta klab i soim laik olsem ol i laik stap long kompetisen na olsem ol i gat i gat 4-pela gret wantaim pe bilong olgeta fi bilong afiliet na registresen bilong ol pilai na ol opisa," Pu i tok.

Em i tok olsem ol klab husat i pilai nau i ken go het long afiliet tasol sapos ol i no bihainim lo orait lig bai i no inap long kisim ol.

## Taekwondo kamapim gutpela ol pait

NESENEL Kapitel Distrik na Sentral provins junia taekwondo paitman i soim sampela gutpela pilai long pait bilong ol long NCD Taekwondo Open we i lukim 40 paitmanmeri i kamap na pait.

Bereina Taekwondo klab i putim bikpela tim we 23 spotmanmeri i kamap na pilai we ol i bin winim moa long sikspela gol namel long 8-pela i bin stap long winim.

Paitman Detroz Isabio bilong Mosbi Notwes i bin winim namba tu pait bilong em wantaim stail taim em i win wantaim nokaut insait long seken raun long 58-62 kilogram junia divisen bilong ol man.


Kain paitman bilong Bereina olsem Remy Geno, Jacklyn Aimok, Martin Naime na supa-fin weit Glen Joe i bin soim kain gutpela stail teknik long atek na kik long wanwan divisen bilong ol.

Tupela brata na susa bilong Bereina Marcel na Theresa Tona i bin strong tumas na winim pait bilong ol long divisen bilong ol wantaim kain stail olsem slaid kik na 360 digri bek spin kik wantaim dabol raun-haus kik tu.

Long ples Pinu Tom Ronnie i bin mekim wanpela apset taim em i bin autim wanpela feveret paitman bilong Bereina long namba tri raun we em i win wantaim tupela pouts.

Nesanel Taekwondo kosa na Dvelopmen opisa Edward Kassman i tok "Mi amamas tru long lukim kain pefomens long pait bilong ol yangpela junia paitmanmeri we planti (90 pesen) bilong ol i bin statim treninig long dispela yia tasol.

Maski dispela kompetisen i no bin bikpela tumas NCD Taekwondo Yunion bai i lukluk long salim invait igo tu long ol arapela masei ats stail long tek pat neks



• Tupela man i mekimsave long bikpela pait bilong ol. Long rait em defending sempion bilong karate Samson Benroy. Poto: JOE IVAHARIA

yia 2005 we bai mipela i traim long painim sponsa bilong dispela kompetisen.

"Mipela bai i lukluk long kamapim na kisim ol anda 10 paitman long supa-fin weit divisen wantaim ol sinia divisen tu long 2005 kompetisen insait long NCD", Cratsee Tito bilong NCD i bin tok.

Kassman i bin tok tu olsem wantaim kain bikpela interes we i kam long ol ruel eria na i wok long gro na autim ol nupela

talen insait long ol lokal kompetisen mi yet i ting bai ol kompetisen bilong 2005 bai i moa beta na bikpela long kalenda bilong PNG Taekwondo.

Ol ogenaisa i tok bikpela tenkyu i go long ol tims husat i bn kamap long dispela tonamen na tu long Aloysius Efi long lukautim tim bilong Bereina.

Na tu long PNG Spot Komisen long helpim bilong ol.

## Malangan tok lukaut

Joe Ivaharia i raitim

NUPELA tim long Mosbi sofbal resis bilong ol man Malangan i wok long pulim ai bilong planti ol manmeri na sapota long Bisini sofbol graun.

Las wiken ol i kam long bihain long levelim skoa na dro wantaim Airways Bears 4-4 insait long mein A gret gem bilong ol man.

Dispela dro i larim tupela tim i stap fes yet antap long pouts lada wantaim 7 poin bihain long fopela gem.

Elcom i stap namba tri wantaim 6 poin, Gazelle long 4, Brown Eagles long 2 na Dolphins na defending primia Kopex i nogat poin yet.

Airways Bears husat i wok long pilai strong long olgeta wiken i bin go pas long skoa wantaim tupela hom ran we i bin kam long PNG ripresentiv pilai Dick Bart Junia long nambawan ining na Ben Henry long seken ining.

Malangan i bin fes long skoa i kam long Xavier Knox insait long nambawan ining.

Bihain long namba foa ining Bears i skoa tupela moa ran gen i kam long Joe Avuchulas Junia na David Malana long surikim skoa i go moa long 4-1.

Gem i stat long strong nau we tupela tim wantaim i strongim difens long filding we olgeta bal i wok long pundaun long han bilong ol in fildas long autim ol wan wan pilai.

Wantaim gutpela pitsing i kam long tupela pitsa Joe Avuculas junia bilong Bears na Sammy Ropa bilong Malangan nogat wanpela skoa i kamap na skoa i bin stap olsem 4-1 igo insait long namba seven ining.

Antap long namba seven ining Malangan husat i stap ananit long lukaut bilong PNG sofbol kosing dairekta Joe Lumaris i kam bek strong long lukim ol i skorim tripela moa ran i kam long pitsa Sammy Ropa, Willie Petalie na John Monie long levelim skoa 4-4.

Long dispela taim bilong ol long bet Airways Bears i bin gat gutpela sans long win taim Consie Bais i ron i go long namba tri bes tasol Malangan pitsa Ropa i autim ol arapela beta long straik-aut (k2) na pasim gem wantaim dro.

Bihain long pinis bilong gem kepten Dick Bart Junia i bin tokim ol pilai olsem dispela gem em i bin win bilong ol tasol ol yet i mekim planti mistek long sait bilong filding tasol ol i amamas yet long kisim poin long dispela dro.

Long ol arapela risals Gazelle i autim Dolphins 4-1, Elcom i nekim defending primias Kopex 16-0 na Manalos i winim Brown Eagles 12-3.

Mosbi mens sofbol bai malolo long tupela wiken long makim taim bilong krismas na nu yia na bai i stat gen long Januari 9, 2005.

## Krismas presen bilong Romba

Maisan Pahun i raitim

PAPUA Niugini Spot Federesen Krismas presen i go gut taim Nukings Romba bilong Kuk plentesen long Westen Hailans Provins i winim K1000 laki loto.

Dispela laki loto tiket em federesen i kamapim na Brian Bell i sponsorim i bilong helpim federesen long kamapim mani long salim PNG tim i go long 2005 Palau mini-Saut Pasifik Gems.

Romba i winim dispela mani taim federesen na Brian Bell i pulim ol tiket long las wik.

Taim em i baim tiket long namba wan taim em i paul long sikarapim.

"Em i pes taim long mi mekim dispela pilai na olsem mi no save gut.

"Mi tanim na sigirapim long rong sait bilong tiket. Laki tru na ol lain long stoa yet i helpim em," Romba i tok.

Dispela nupela laki pik loto i senisim "Go for gold Lotto" long Septemba na wanpela kampani long Melbourne "The Mail Service" (TMS) i helpim PNG Spot Federesen (PNGSF) na Nesanel Olimpik Komiti. Dispela nupela Loto tiket bai halpim long salim tim bilong PNG long go long dispela gems long Palau.

PNG Spot Federesen Jenerel Seketeri Sir John Dawanincura i askim olgeta spot manmeri long kantri long helpim baim laki pik loto tiket long K1 tasol.

Nau yet ol i salim ol tiket long ol Stop n Shop, Brian Bell stoa na ol stoa i save salim ol Loto tiket insait long Kantri.



LAE  
BISCUIT



# WANTOK Spots

LAE  
BISCUIT



## Taim i klostu nau long Arafura Gems

Joe Ivaharia i raitim

SIAMAN bilong Arafura Gems Plening Komiti, Thomas Kahai, i wok long singaut nau i go long ol spots long stretim ol yet hariap.

Taim i wok long kam klostu nau we i gat fopela mun tasol i stap na ol spot i mas tok aut long wanem wok redi ol i mekim pinis.

Plantil bilong ol spot i no tok klia yet na komiti bilong mi i wari liklik i stap long wanem mipela i mas givim sampela hap mani i go bilong baim balus sata (Air Niugin) na tu tok klia long ol ogenaisa long Darwin, Australia long wok redi bilong mipela, Kahai i tok.

Ol spot husat i baim hap mani suting, swimming, pablik sevens soka meri, Pot Mosbi hoki na PNG volibol.

Ol spot we i no baim fi yet em PNG hoki, tas ragbi, welfitting, etletiks, taekwondo, boulding na boksing wantaim ol provinsol tim husat i winim gol medol long PNG Provinsol Gems.

Dispela ol provinsol tim em Goroka (Tas ragbi meri, basketbol meri na netbol), Madang tas ragbi man, Oro soka meri na Morobe manmeri volibol, basketbol man na soka man na Bogenvil boksing.

Komiti i gat bikpela wari long dispela ol tim husat i bin winim mak long go pilai na i bin soim laik long pilai tasol i no kam yet long mekim gutpela senis.

Kahai i tok ol tim i mas baim hariap long stat bilong 2005.

"Ol fi em K3700 we bai karapim pe bilong yunifom, pe bilong balus na insurens na ol arapela kain hevi we nogut bai i kamap," Kahai i tok.

"Dispela fi i no karapim ples bilong silip na kaikai. Dispela em wanwan tim bai lukluk long em.

Em i tok wanem ol spot husat i mekim ol rot bilong ol yet long go kamap long dispela ol pilai em ol pilaia bai mas baim K300 bilong ol yunifom.

Ol provinsol tim sapos ol i pilai long provinsol tim kala bilong ol bai i no inap long



**Rausim han... Pilaia bilong BSP Kay John i kisim bal long Cynthia Boino bilong APNG insait long NCD Praivet Kampani Netbol Resis long Rita Flynn Kot las Sande. BSP win 26-18. BSP nau i stap antap long namba wan ples long resis Foto: JOE IVAHARIA**

bai K300 fi.

"Wantaim 4-pela mun i stap yet bipo long ol tim i go long Arafura Gems, mi wantaim komiti bilong i lukluk gut long we wanwan spot i redim ol yet.

"We ol spot i no redim ol gut na no baim fi bilong ol em komiti i rausim nem bilong ol long wokabaut.

"Na komiti i askim wanwan ol spot long stretim paspot na visa bilong ol pilaia bilong ol.

Kahai i tok ol spot i mekim asua long ol

yet taim ol i no redim ol yet gut na bihainim ol askim em komiti i mekim long ol.

Nau yet em i tok komiti i wok long go het yet long mekim ol fanresing bilong ol na i askim wanwan ol spot long helpim ol.

Tasol long wankain taim em i tok wanwan ol spot tu i mas mekim sampela fanresing bilong ol.

Long makim fainoi tim bai medikol tim i sekim wanwan ol pilaia na ol opisa sapos ol i orait long go o nogat.

Plantil ol tim long Esia, Australia, Nu Silan

na Pasifik bai kamap long dispela ol pilai.

Stat long taim dispela ol pilai i kamap PNG i save kamap namba tri o foa ples bihain long Australia, Malaysia na Nu Silan.

Em i amamas long Pot Mosbi Car Klub long givim ol ples na i tok sapos sampela ol spot i laik long yusim dispela ples long mekim fanresing bilong ol i ken ringim Moses Tolingling na Winis Tua o Taita Apa long telepon namba 325 1991 long PNG Spot Komisen opis.

Sapos yu inap long baim em i gutpela long helpim wok bilong ol.

## Kapi winim Waghi Veli Open Golf resis

TENPELA yia bihain long olgeta hatwok, Mt Hagen golf pilaia Bob Kapi i lukim sampela kaikai taim em i winim Wahgi Veli Open Resis long wiken.

Kapi i autim tiket bilong wantok bilong em na man husat i winim diispela tropi tupela tam John Kople.

Long winim dispela tonamen em i no bin isi long wanem i bin i gat sampela ol biknem gol pilaia olsem David Yere, Simon Waiya na Joe Moka.

Dispela tonamen em olgeta taim i save kamap long mun Ogas tasol nau i surik na kamap long Disemba long hevi bilong bai ileksen long Saut Waghi ilektoret.

Dispela tu de resis o tonamen i kamap gut we moa long 72 golf pilaia long Mt Hagen na Minz i kamap long pilai.

Sampela ol lain husat i kamap long dispela tonamen em Judy Vandelist, Janet Tikli, Therese Pilamb na Peter Pilamb.

Narapela ol bikman husat i kamap long lukim dispela pilai

em Gumine MP Nick Kuman, John Bori, Jacob Luke, Sally Rampi, Leo Apa, Philip Maipson, Daniel Nop Amban, Joe Mek Teine na Robert Puri.

Paul Mawa Law grup na Red Mountain Wet Kopi Fektor limited i sponsorim na sapatim dispela tonamen.

Waghi Veli golf presiden Sam Yuants husat i kisim dispela sia 5-pela wik tasol i go pinis em i amamas long gutpela pilai i kamap na i askim olgeta lain long makim dispela long kalenda bilong yia.

Anglimp Saut Waghi Jamie Maxtone Graham husat i kamap long dispela tonamen tu i amamas long namba bilong ol pilaia i kamap.

Yuants i tok long wanpela wankain golf tonamen we i no bin kamap long taim i go pinis Westen Hailans Gavana Paia Wingti i mekim K15,000 promis long lukim dispela Mt Hagen Open golf tonamen i kamap.

Em i tok long sait bilong Waghi Veli golf tonamen bikpela

sponsa SP Brewery i rausim sponsasip bilong em tasol i tok benk bai kamap gen long 2005 long mekim sponsasip bilon gem.

Kople i tok em i lus long dispela tonamen tasol long wankain taim tu i amamas long man long wan traib bilong em long kisim dispela taitol.

"Long taim Australia i lukautim yumi yet mi save wok olsem kago boi na bihain mi kamap golf pilaia," Kople i tok.

Em i tok olsem dispela ol pilai i no bilong ol bisnis lain tasol long pilai.

"Sapos yu laik long pilai yu ken kam na pilai golf. Dispela em i pilai bilong olgeta manmeri.

Yu bikpela man o liklik man o i gat wanem kain wok o stap long wanem kain ples, yu ken kamap na soim strong bilong yu," em i tok.

Golf i wanpela gem i we i wok long kamap bikpela tru nau long PNG.